

PROPRIUM MISSARUM
ORDINIS
FRATRUM DISCALCEATORUM
BEATÆ MARIÆ VIRGINIS
DE MONTE CARMELO

LECTIONARIUM

EDITIO TYPICA ALTERA

Romæ
Apud Curiam Generalem O.C.D.
2025



**DICASTERIUM DE CULTU DIVINO
ET DISCIPLINA SACRAMENTORUM**

Prot. 726/23

**ORDINIS FRATRUM DISCALCEATORUM
B. MARIÆ VIRGINIS DE MONTE CARMELO**

Instante Reverendissimo Patre Michaelē Márquez Calle, Præposito Generali, litteris die 7 mensis ianuarii 2025 datis, vigore facultatum huic Dicasterio a Summo Pontifice LEONE XIV tributarum, textum editionis alterius Proprii Missarum eiusdem Ordinis lingua *latina* exaratum, prout in adiecto exstat exemplari, perlibenter recognitum declaramus.

In textu imprimendo inseratur ex integro hoc Decretum. Eiusdem insuper textus impressi duo exemplaria ad hoc Dicasterium transmittantur.

Contrariis quibuslibet minime obstantibus.

Ex ædibus Dicasterii de Cultu Divino et Disciplina Sacramentorum, die 16 mensis iulii 2025, in memoria beatæ Mariæ Virginis de Monte Carmelo.

✠ Victorius Franciscus Viola, O.F.M.

Archiepiscopus a Secretis

✠ Aurelius García Macías

Episcopus Subsecretarius



**DEFINITORIUM GENERALE
ORDINIS FRATRUM DISCALCEATORUM
BEATÆ MARIÆ VIRGINIS DE MONTE CARMELO**

Prot. N. 2025/326 DF

Calendarium hoc particulare et Proprium Missarum Ordinis Fratrum Discalceatorum Beatæ Mariæ Virginis de Monte Carmelo exarata sunt iuxta Normas in Instructione *Calendaria particularia* (24 iunii 1970), in Notificatione *De Cultu Beatorum* (21 maii 1999) atque in Decreto *Postquam Summus Pontifex* (22 octobris 2021) contentas.

Calendarium particulare *recognitionem* obtinuit Dicasterii de Cultu Divino et Disciplina Sacramentorum decreto diei 2 mensis octobris 2023 (Prot. N. 600/23), postea Proprium Missarum recognitum est decreto diei 16 mensis iulii 2025 (Prot. N. 726/23).

Hæc editio pro usu liturgico Ordinis Fratrum Discalceatorum Beatæ Mariæ Virginis de Monte Carmelo typica existimanda est; simul atque edita erit, adhiberi poterit et obligatoria fiet a die 30 mensis novembris 2025, Dominica I Temporis Adventus.

Romæ, die 15 mensis augusti 2025, in sollemnitate Assumptionis beatæ Mariæ Virginis.

P. Michael Márquez Calle, O.C.D.
Praepositus Generalis

P. Angelus Lanfranchi, O.C.D.
Secretarius Generalis

PRÆNOTANDA

In Sollemnitatibus:

tres lectiones leguntur, ex hoc Lectionario sumendæ.

In Festis:

duæ lectiones leguntur, ex hoc Lectionario desumendæ. Si aliquando hoc in Lectionario et diebus festis tres lectiones indicantur, in commodum fit eorum locorum in quibus eadem festa ritu sollemnitatis celebrantur.

In Memoriis:

de more præstat lectionem continuam Sacræ Scripturæ non interrumpi, prout exhibetur in Lectionario Missalis Romani.

Ad utilitatem tamen conventuum et monasteriorum in quibus aliquæ Memoriarum ex peculiaribus rationibus pastoralibus speciali cum sollemnitate celebrantur, pro omnibus celebrationibus nobis a Sancta Sede indultis et pro missis votivis nostris, lectiones proponuntur e Sacris Scripturis — ex Dicasterii pro Cultu divino facultate —, vel ex Communi Sanctorum (cf. *Lectionarium*, vol. III) desumptæ.

Animadvertatur tamen agi hic de suggestionibus: loco enim lectionis appropriatæ — quæ, scilicet, peculiarem aspectum vitæ spiritualis vel actuositatis Sancti seu Beati in lucem prodit —, vel simpliciter propositæ, quævis alia lectio seligi potest e Communibus Sanctorum quæ magis congruunt.

Textus Sacræ Scripturæ desumuntur ex editione *Nova Vulgata Bibliorum Sacrorum*. Pro libris Novi Testamenti et Psalmorum textus adhibiti sunt a Pontificia Commissione pro nova Vulgata Bibliorum editione apparati.

CALENDARIUM
ORDINIS FRATRUM DISCALCEATORUM
BEATÆ MARIÆ VIRGINIS DE MONTE CARMELO

IANUARIUS

- 4 *S. Cyriaci Eliæ a S. Familia Chavara, presbyteri**
In domibus Indiæ: Memoria
- 8 *S. Petri Thomæ, episcopi*
- 9 *S. Andreæ Corsini, episcopi*
In domibus Italiæ: Memoria
- 27 *S. Henrici de Ossó y Cervelló, presbyteri*

FEBRUARIUS

- 4 *B. Mariæ Eugenio a Iesu Infante Grialou, presbyteri*
- 24 *B. Iosephæ Naval Girbés, virginis*

APRILIS

- 17 *B. Baptistæ Spagnoli, presbyteri*
- 18 *B. Mariæ ab Incarnatione Avrillot, religiosæ*
In domibus Galliæ: Memoria
- 23 *B. Teresiæ Mariæ a Cruce Manetti, virginis*
- 28 *B. Mariæ Felicitatis a Iesu Sacramentato Guggiari Echeverría, virginis*

MAIUS

- 4 *Bb. Angeli Mariæ Prat Hostench, Lucæ a S. Iosepho Tristany Pujol, presbyterorum,
et sociorum,¹martyrum*
In domibus Hispaniæ: Memoria

* **Quando non indicatur gradus celebrationis, fit Memoria ad libitum**

¹ Ex Ordine Fratrum Discalceatorum B.V.M de Monte Carmelo: Georgius a Sancto Iosepho Bosch Verdura, Iacobus a Sancta Teresia Gascón Bordàs, Romualdus a Sancta Catarina Guillamí Rodó, Eduardus a Iesu Infante Farré Masip, Gabriel ab Annuntiatione Balcells Grau, Antonius Maria a Iesu Bonet Seró, Alphonsus a Sacro Corde Mariæ Arimany Ferrer, Petrus Tomas a Virgine Columnæ de Fortón y de Cascajares, Aloisius Maria a Virgine Mercedis Minguell Ferrer, Iosephus Maria ab Angelis Alarcón Ruiz, Elipius a Sancta Teresia Arce Fernández, Petrus a Sancto Elia de Heriz Eguiluz, Vincentius a Cruce Gallén Ibáñez, Eufrasius a Iesu Infante Barredo Fernández, Eusebius a Iesu Infante Fernández Arenillas, Nazarius a Sacro Corde Iesu del Valle González, Petrus Iosephus a Sacris Cordibus Jiménez Vallejo, Raimundus a Virgine Carmeli Grijalvo Medel, Tirsus a Iesu Maria Sánchez Sancho, Ioannes a Iesu Vilaregut Farré, Franciscus ab Assumptionis Segalà Solé, Silverius a Sancto Aloisio Gonzaga Perucho Pontarró, presbyteri; Ioannes Iosephus a Iesu Crucifixo Pàfila Montlleó, Marcellus a Sancta Anna Masip Tamarit, Ioachim a Sancto Iosepho Casas Julià, Damianus a Sanctissima Trinitate Rodríguez Pablos, Iosephus Cecilius a Iesu Maria Alberich Lluch, Angelus a Sancto Iosepho Fort Rius, Carolus a Iesu Maria Barrufet Tost, Melchior a Iesu Infante Martín Monge, Felix a Virgine Carmeli Gómez de Pablo, Placidus a Iesu Infante Collado Oliver, Daniel a Sancta Passione Mora Nine, Iosephus Augustinus a Sanctissimo Sacramento Mateos Sánchez, Ermilus a Sancto Elisæo Rodríguez Calle, Elisæus a Iesu Crucifixo Cuevas Casquero, Perfectus a Virgine Carmeli Domínguez Monge, Clemens a Sacris Cordibus López Yagüe, Constantius a Sancto Iosepho Mata Luis, Iosephus Maria a Perdolente Álamo Jiménez, Bartholomæus a Passione Olivé Vivó, religiosi; Isidorus Tarsà Giribets, Aloisius Domingo Oliva, Bonaventura Toldrà Rodón, Iulius Alameda Camarero, Fratres Carmelitarum

16 *S. Simonis Stock, presbyteri*

In domibus Anglo-Hiberniæ: Memoria

22 *S. Ioachimæ de Vedruna, religiosæ*

24 *S. Bedæ Venerabilis, presbyteri et Ecclesiæ doctoris*
S. Gregorii VII, papæ

25 *S. Mariæ Magdalenæ a Verbo Incarnato de' Pazzi, virginis*

Memoria

29 *B. Eliae a S. Clemente Fracasso, virginis*

IUNIUS

7 *B. Annæ a S. Bartholomæo, virginis*

In domibus Hispaniæ: Memoria

12 *Bb. Alphonsi Mariæ a S. Spiritu Mazurek, presbyteri,*
et sociorum, martyrum

In domibus Poloniæ: Memoria

14 *S. Elisæi, prophetæ*

B. Mariæ Candidæ ab Eucharistia Barba, virginis

26 *B. Mariæ Iosephinæ a Iesu Crucifixo Catanea, virginis*

IULIUS

10 *S. Henrici*

12 *Ss. Ludovici Martin et Mariæ Azeliæ Guérin, coniugum*

13 *S. Teresiæ a Iesu Fernández Solar, virginis*

In domibus Chiliæ: Memoria
Festum

16 *B. MARIE VIRGINIS DE MONTE CARMELO,*
PATRONÆ ET TITULARIS ORDINIS NOSTRI

Sollemnitatis

17 *Ss. Teresiæ a S. Augustino Lindoine et sociarum,² virginum et martyrum*

Memoria

18 *S. Apollinaris, episcopi et martyris*

Instructionis. Ex Ordine Fratrum B.M.V. de Monte Carmelo: Elisæus Maria Maneus Besalduch, Anastasius Maria Dorca Coromina, Eduardus Serrano Buj, Ferdinandus Maria Llovera Puigsech, Albertus Maria Marco Alemán, Carmelus Maria Moyano Linares, Iosephus Maria Mateos Carballido, Elisæus Maria Durán Cintas, Iosephus Maria González Delgado, presbyteri; Maria a Patrocinio Sancti Iosephi Badía Flaquer, virgo; Petrus Maria Ferrer Marín, Andreas Maria Solé Rovira, Michael Maria Soler Sala, Ioannes Maria Puigmitjà Rubió, Petrus Thomas Maria Prat Colldecarrera, Elisæus Maria Fontdecava Quiroga, Iosephus Maria Escoto Ruiz, Elia Maria Garre Egea, Ludovicus Maria Ayet Canós, Angelus Maria Presta Batlle, Eufrosinus Maria Raga Nadal, Daniel Maria García Antón, Silvanus Maria Villanueva González, Adalbertus Maria Vicente Muñoz, Aurelius Maria García Antón, Franciscus Maria Pérez Pérez, Angelus Maria Reguilón Lobato, Bartholomæus Fanti Maria Andrés Vecilla, Angelus Maria Sánchez Rodríguez, Iacobus Maria Carretero Rojas, Elisæus Maria Camargo Montes, Iosephus Maria Ruiz Cardeñosa, Antonius Maria Martín Povea, Raymundus Maria Pérez Souza, Petrus Velasco Narbona, religiosi.

² Sanctus Ludovicus Brindeau, a Iesu Crucifixo Piedcourt, Carlotta a Resurrectione Thouret, Euphrasia ab Immaculata Conceptione Brard, Henrica a Iesu de Croissy, Teresia a Corde Maria Hanisset, Teresia a Sancto Ignatio Trézel, Iulia Ludovica a Iesu de Neuville, Maria Henrica a Providentia Pelras, Costantia a Iesu Meunier, Maria a Sancto Spiritu Roussel, Sancta Martha Dufour, Sanctus Franciscus Saverius Vérolot, Catharina Soiron, Teresia Soiron.

- 19 *S. Birgittæ, religiosæ*
- 20 S. ELLÆ PATRIS NOSTRI, PROPHETÆ Festum
- 23 B. Mariæ Virginis, Matris Divinæ Gratia Memoria
- 24 *Bb. Mariæ a Columna a S. Francisco Borgia Martínez García,
Mariæ a Sacratio a S. Aloysio Gonzaga Moragas Cantarero et sociarum,³
virginum et martyrum*
- 27 *S. Titi Brandsma, presbyteri et martyris*
- 28 *B. Ioannis Soreth, presbyteri*

In domibus Gallia: Memoria

AUGUSTUS

- 3 *Ss. Xysti II, papæ, et sociorum, martyrum
S. Caietani, presbyteri*
- 7 S. Alberti a Drepano, presbyteri Memoria
9. S. Teresiæ Benedictæ a Cruce Stein, virginis et martyris Memoria
In domibus Europæ: Patronæ Europæ Festum
- 18 *Bb. Leonardi Duverneuil, Michaelis Aloysii Brulard,
Huberti a S. Claudio Gagnot, presbyterorum, et sociorum, martyrum*
- 23 *S. Ludovici
S. Iosephi de Calasanz, presbyteri*
- 25 S. Mariæ a Iesu Crucifixo Baouardy, virginis Memoria
- 26 *In transverberatione cordis S. Teresiæ a Iesu matris nostræ*

SEPTEMBER

- 1 S. Teresiæ Margaritæ a S. Corde Iesu Redi, virginis Memoria
In domibus Italia: Festum
- 11 *B. Mariæ a Iesu López de Rivas, virginis*
In domibus Hispania: Memoria
- 17 S. ALBERTI HIEROSOLYMITANI,
EPISCOPI ET LEGISLATORIS ORDINIS NOSTRI Festum
- 18 *S. Roberti Bellarmino, episcopi et Ecclesie doctoris*
S. Hildegardis Bingensis, virginis et Ecclesie doctoris

³ Maria ab Angelis a Sancto Iosepho Voltierra Tordesillas et Teresia a Iesu Infante et Sancto Ioanne a Cruce García y García.

OCTOBER

- 1 S. TERESIÆ A IESU INFANTE, VIRGINIS ET ECCLESIE DOCTORIS
In domibus Galliae: Festum Sollemnitas
- 15 S. TERESIÆ A IESU MATRIS NOSTRÆ,
VIRGINIS ET ECCLESIE DOCTORIS Sollemnitas
- 30 B. Mariæ Teresiæ a S. Iosepho Tauscher, virginis

NOVEMBER

- 5 B. Franciscae de Ambrosia, religiosæ
- 6 S. Nonii a S. Maria Alvares Pereira, religiosi
In domibus Lusitaniæ: Memoria
- 7 B. Francisci a Iesu Maria Iosepho Palau y Quer, presbyteri
- 8 S. Elisabeth a S.ma Trinitate Catez, virginis Memoria
- 13 S. Alberti Magni, episcopi et Ecclesie doctoris
- 14 OMNIUM SANCTORUM ORDINIS NOSTRI Festum
- 15 *In Commemoratione Omnium Defunctorum Ordinis Nostri***
- 19 S. Raphaelis a S. Iosepho Kalinowski, presbyteri Memoria
- 25 B. Annæ a Iesu Lobera Torres, virginis
- 29 Bb. Dionysii a Nativitate, presbyteri, et Redempti a Cruce, religiosi, martyrum
In domibus Indiæ et Indonesiæ: Memoria

DECEMBER

- 10 S. Damasi I, papæ
- 11 S. Mariæ Mirabilis a Iesu Pidal y Chico de Guzmán, virginis Memoria
- 14 S. IOANNIS A CRUCE PATRIS NOSTRI,
PRESBYTERI ET ECCLESIE DOCTORIS Sollemnitas
- 16 B. Mariæ ab Angelis Fontanella, virginis

** Quando hæc commemoratio incidit in dominicam, ad ferias sequentes, iuxta Normas de Missis Defunctorum, transferri potest.

APPENDIX

APRILIS

In domibus Poloniæ:

24 B. Teresiæ Mariæ a Cruce Manetti, virginis

IULIUS

In domibus Europæ:

7 B. Mariæ Virginis, Matris Divinæ Gratiae

Memoria

In domibus Hispaniæ:

24 Bb. Mariæ a Columna a S. Francisco Borgia Martínez García,
Teresiæ a Iesu Infante et S. Ioanne a Cruce García y García et Mariæ ab Angelis
a S. Iosepho Voltierra Tordesillas, virginum et martyrum

AUGUSTUS

In domibus Hollandiæ:

2 S. TERESIÆ BENEDICTÆ A CRUCE STEIN, VIRGINIS ET MARTYRIS

Festum

In domibus Hispaniæ:

16 B. Mariæ a Sacratio a S. Aloysio Gonzaga Moragas Cantarero,
virginis et martyris

In domibus Galliæ:

30 S. Mariæ a Iesu Crucifixo Baouardy, virginis

Memoria

In domibus Poloniæ:

30 In transverberatione cordis S. Teresiæ a Iesu matris nostræ

NOVEMBER

In domibus Austriæ:

16 In commemoratione omnium defunctorum Ordinis Nostri

In domibus Poloniæ:

20 S. Raphaelis a S. Iosepho Kalinowski, presbyteri

Memoria

In domibus Austriæ et Germaniæ:

23 S. Raphaelis a S. Iosepho Kalinowski, presbyteri

Memoria

PROPRIUM DE SANCTIS ET BEATIS

IANUARIUS

Die 4 ianuarii
S. Cyriaci Eliæ a S. Familia Chavara, presbyteri
In domibus Indiæ: Memoria

LECTIO PRIOR

Habentes donationes secundum gratiam differentes.

Lectio Epistolæ beati Pauli apostoli ad Romanos

12, 3-13

Fratres:

Dico per gratiam, quæ data est mihi, omnibus, qui sunt inter vos, non altius sapere quam oportet sapere, sed sapere ad sobrietatem, unicuique sicut Deus divisit mensuram fidei. Sicut enim in uno corpore multa membra habemus, omnia autem membra non eundem actum habent, ita multi unum corpus sumus in Christo, singuli autem alter alterius membra. Habentes autem donationes secundum gratiam, quæ data est nobis, differentes: sive prophetiam, secundum rationem fidei; sive ministerium, in ministrando; sive qui docet, in doctrina; sive qui exhortatur, in exhortando; qui tribuit, in simplicitate; qui præest, in sollicitudine; qui miseretur, in hilaritate.

Dilectio sine simulatione. Odiētes malum, adhærentes bono; caritate fraternitatis invicem diligentes, honore invicem præveniētes, sollicitudine non pigri, spiritu ferventes, Domino serviētes, spe gaudētes, in tribulatione patientes, orationi instantes, necessitatibus sanctorum communicantes, hospitalitatem sectantes.

Verbum Domini.

PSALMUS RESPONSORIUS

Ps 15, 1-2a et 5. 7-8. 11 (R.: 5a)

R. Tu es, Domine, pars hereditatis meæ.

Conserva me, Deus, quoniam speravi in te.
Dixi Domino: « Dominus meus es tu.
Dominus pars hereditatis meæ et calicis mei:
tu es qui detines sortem meam ». **R.**

Benedicam Dominum, qui tribuit mihi intellectum;
insuper et in noctibus erudiē runt me renes mei.
Proponēbam Dominum in conspectu meo semper;
quoniam a dextris est mihi, non commovēbor, **R.**

Notas mihi facies vias vitæ,
plenitudinem lætitiæ cum vultu tuo,
delectationes in dextera tua usque in finem. **R.**

℞. Allelúia. ℣. Deus erat in Christo mundum reconcilians sibi,
et pósuit in nobis verbum reconciliatiónis. ℞. Allelúia.

EVANGELIUM

Dispono vobis, sicut disposuit mihi Pater meus regnum.

+ Lécitio sancti Evangélii secúndum Lucam

22, 24-30

In illo témpore:

Facta est conténtio inter eos, quis eórum viderétur esse maior. Dixit autem eis: « Reges géntium dominántur eórum; et, qui potestátem habent super eos, benéfici vocántur. Vos autem non sic, sed qui maior est in vobis, fiat sicut iúnior; et, qui præcéssor est, sicut ministrátor. Nam quis maior est: qui recúmbit, an qui minístrat? Nonne qui recúmbit? Ego autem in médio vestrum sum sicut qui minístrat.

Vos autem estis qui permansístis mecum in tentatió nibus meis; et ego dispóno vobis, sicut dispósuit mihi Pater meus regnum, ut edátis et bibátis super mensam meam in regno meo, et sedeátis super thronos iudicántes duódecim tribus Israel ».

Verbum Dómini.

Die 8 ianuarii
S. Petri Thomæ, episcopi

LECTIO PRIOR

Christus pax nostra, qui fecit utraque unum.

Lectio Epistolæ beati Pauli apostoli ad Ephésios

2, 13-22

Fratres:

Nunc in Christo Iesu vos, qui aliquando eratis longe, facti estis prope in sanguine Christi. Ipse est enim pax nostra, qui fecit utraque unum et medium parietem maceris solvit, inimicitiam, in carne sua, legem mandatorum in decretis evacuans, ut duos condat in semetipso in unum novum hominem, faciens pacem, et reconciliet ambos in uno corpore Deo per crucem interficiens inimicitiam in semetipso. Et veniens evangelizavit pacem vobis, qui longe fuistis, et pacem his, qui prope; quoniam per ipsum habemus accessum ambo in uno Spiritu ad Patrem.

Ergo iam non estis extranei et advenæ, sed estis concives sanctorum et domestici Dei, superædificati super fundamentum apostolorum et prophetarum, ipso summo angulari lapide Christo Iesu, in quo omnis ædificatio compacta crescit in templum sanctum in Domino, in quo et vos coedificamini in habitaculum Dei in Spiritu.

Verbum Domini.

PSALMUS RESPONSORIUS

Ps 121, 1-2. 3-5. 6-7. 8-9

℞. Sancte Deus, sancte fortis, sancte misericors Salvator.

Lætatus sum in eo quod dixerunt mihi:

« In domum Domini ibimus ».

Stantes iam sunt pedes nostri
in portis tuis, Ierusalem. ℞.

Ierusalem, quæ ædificata est ut civitas,
sibi compacta in idipsum.

Illuc enim ascenderunt tribus, tribus Domini,
testimonium Israel, ad confitendum nomini Domini.

Quia illic sederunt sedes ad iudicium,
sedes domus David. ℞.

Rogate, quæ ad pacem sunt Ierusalem:

« Securi sint diligentes te!

Fiat pax in muris tuis,
et securitas in turribus tuis! ». ℞.

Propter fratres meos et proximos meos
loquar: « Pax in te! ».

Propter domum Domini Dei nostri
exquiram bona tibi. ℞.

ALLELUIA

Cf. Io 10, 16

℞. Allelúia. ℣. Aliæ oves vocem meam áudient
et fient unus grex, unus pastor. ℞. Allelúia.

EVANGELIUM

Bonus pastor animam suam ponit pro ovibus.

+ Lécio sancti Evangélii secúndum Ioánnem

10, 11-16

In illo témpore:

Dixit Iesus: « Ego sum pastor bonus: bonus pastor ánimam suam ponit pro óvibus; mercennáriuus et, qui non est pastor, cuius non sunt oves própriæ, videt lupum veniéntem et dimíttit oves et fugit – et lupus rapit eas et dispérgit – quia mercennáriuus est, et non pértinet ad eum de óvibus. Ego sum pastor bonus: et cognóscó meas, et cognóscunt me meæ, sicut cognóscit me Pater, et ego cognóscó Patrem; et ánimam meam pono pro óvibus. Et álias oves hábeo, quæ non sunt ex hoc ovíli, et illas opórtet me addúcere, et vocem meam áudient et fient unus grex, unus pastor ».

Verbum Dómini.

Die 9 ianuarii
S. Andreae Corsini, episcopi
In domibus Italiae: Memoria

LECTIO PRIOR

Unxit me Dominus et evangelizare pauperibus misit me.

Lectio libri Isaiae prophetae

61, 1-3a

Spíritus Dómini Dei super me,
eo quod únxerit Dóminus me;
ad annuntiándum læta mansuétis misit me,
ut medéret contrítis corde
et prædicárem captívus liberatiónem
et clausis apertiónem;
ut prædicárem annum placábilem Dómino
et diem ultiónis Deo nostro;
ut consolárer omnes lugéntes,
ut pónerem lugéntibus Sion
et darem eis corónam pro cínere,
óleum gáudii pro luctu,
pállium laudis pro spírítu mæróris.

Verbum Dómini.

PSALMUS RESPONSORIUS

Ps 88, 2-3. 4-5. 21-22. 25 et 27 (R.: cfr. 2a)

R. Misericórdias tuas, Dómine, in ætérnum cantábo.

Misericórdias Dómini in ætérnum cantábo,
in generatiónem et generatiónem
annuntiábo veritátem tuam in ore meo.
Quóniam dixísti: « In ætérnum misericórdia ædificábitur »,
in cælis firmábitur véritas tua. R.

« Dispósui testaméntum elécto meo,
iurávi David servo meo:
Usque in ætérnum confirmábo semen tuum
et ædificábo in generatiónem et generatiónem sedem tuam ». R.

« Invéni David servum meum;
óleo sancto meo unxi eum.
Manus enim mea firma erit cum eo,
et bráccium meum confortábit eum. R.

Et véritas mea et misericórdia mea cum ipso,
et in nómine meo exaltábitur cornu eius.
Ipse invocábit me: “ Pater meus es tu,
Deus meus et refúgium salútis meæ ” ». R.

ALLELUIA

Mt 23, 9a. 10b

℞. Allelúia. ℣. Unus est Pater vester, cæléstis;
et magíster vester unus est, Christus. ℞. Allelúia.

EVANGELIUM

Qui maior est vestrum, erit minister vester.

+ Lécitio sancti Evangélii secúndum Matthæum

23, 8-12

In illo témpore:

Dixit Iesus ad discípulos suos: « Vos nolíte vocári Rabbi; unus enim est Magíster vester, omnes autem vos fratres estis. Et Patrem nolíte vocáre vobis super terram, unus est enim Pater vester, cæléstis. Nec vocémíni Magístri, quia Magíster vester unus est, Christus. Qui maior est vestrum erit míníster vester. Qui autem se exaltáverit, humiliábitur; et, qui se humiliáverit, exaltábitur ».

Verbum Dómini.

Die 27 ianuarii
S. Henrici de Ossó y Cervelló, presbyteri

LECTIO PRIOR

Super salutem et speciem dilexi sapientiam.

Lectio libri Sapiéntiæ

7, 7-8.10-14; 8, 2-3

Optávi, et datus est mihi sensus;
et invocávi, et venit in me spíritus sapiéntiæ.
Præpósui illam regnis et sédibus
et divítias nihil esse duxi in comparatióne illíus.
Super salútem et spéciem diléxi illam
et propósui pro luce habére illam,
quóniam inexstinguíbile est lumen illíus.
Venérunt autem mihi ómnia bona páriter cum illa,
innumerábiles divítiae in mánibus illíus,
et lætátus sum in ómnibus, quóniam sapiéntia antecédit ista,
et ignorábam quóniam horum ómnium mater est;
quam sine fictióne dídici et sine invídia commúnico;
divítias illíus non abscondo.
Infinítus enim thesáurus est homínibus;
quem qui acquisiérunt, ad amicítiam in Deum se paravérunt
propter disciplínæ dona commendáti.
Hanc amávi et exquisívi a iuventúte mea
et quæsívi sponsam mihi eam assúmere
et amátor factus sum formæ illíus.
Generositátem suam glóricat contubérnum habens Dei,
sed et ómnium Dóminus diléxit illam.

Verbum Dómini.

PSALMUS RESPONSORIUS

Ps 15, 1-2a et 5. 7-8. 11 (R.: 5a)

R. Tu es, Dómine, pars hereditátis meæ.

Consérva me, Deus, quóniam sperávi in te.
Dixi Dómino: « Dóminus meus es tu.
Dóminus pars hereditátis meæ et cálicis mei:
tu es qui détines sortem meam ». R.

Benedícam Dóminum, qui tríbuit mihi intelléctum;
ínsuper et in nóctibus erudiérunt me renes mei.
Proponébam Dóminum in conspéctu meo semper;
quóniam a dextris est mihi, non commovébor, R.

Notas mihi fácies vias vitæ,
plenitúdinem lætítiæ cum vultu tuo,
delectatiónes in délixtera tua usque in finem. **R̄.**

ALLELUIA

Mt 5, 16

R̄. Allelúia. **V̄.** Sic lúceat lux vestra coram homínibus,
ut vídeant vestra bona ópera et gloríficent Patrem vestrum. **R̄.** Allelúia.

EVANGELIUM

Vos estis lux mundi.

+ Lécitio sancti Evangélii secúndum Matthæum

5, 13-16

In illo témpore:

Dixit Iesus discíplis suis: « Vos estis sal terræ; quod si sal evanúerit, in quo salietur? Ad níhilum valet ultra, nisi ut mittátur foras et conculcétur ab homínibus.

Vos estis lux mundi. Non potest civitas abscondi supra montem pósita; neque accéndunt lucérnam et ponunt eam sub módio, sed super candelábrum, ut lúceat ómnibus, qui in domo sunt. Sic lúceat lux vestra coram homínibus, ut vídeant vestra bona ópera et gloríficent Patrem vestrum qui in cælis est ».

Verbum Dómini.

FEBRUARIUS

Die 4 februarii

B. Mariæ Eugenii a Iesu Infante Grialou, presbyteri

LECTIO PRIOR

Sicut visitat pastor gregem suum, sic visitabo oves meas.

Lectio libri Ezechiélis prophétæ

34, 11-16

Hæc dicit Dóminus:

« Ecce ego ipse requíram oves meas et visitábo eas. Sicut vísitat pastor gregem suum in die, quando fúerit in médio óvium suárum dissipatárum, sic visitábo oves meas et liberábo eas de ómnibus locis, in quibus dispérsæ fúerant in die nubis et calígini. Et edúcam eas de pópulis et congregábo eas de terris et indúcam eas in terram suam et pascam eas in móntibus Israël, in rivis et in cunctis sédibus terræ. In páscuis ubérrimis pascam eas, et in móntibus excélsis Israël erunt páscua eárum; ibi requiéscent in herbis viréntibus et in páscuis pínguibus pascéntur super montes Israel. Ego pascam oves meas et ego eas accubáre fáciam, dicit Dóminus Deus. Quod períerat, requíram et, quod eiéctum erat, redúcam et, quod confráctum fúerat, alligábo et, quod infírmum erat, consolidábo et, quod pingue et forte, custódiam et pascam illas in iudício ».

Verbum Dómini.

PSALMUS RESPONSORIUS

Ps 39, 2 et 4ab. 7-8a. 8b-9. 10 (R.: 8a et 9a)

R. Ecce venio, Dómine, ut fáciam voluntátem tuam.

Exspéctans exspectávi Dóminum,
et inténdit mihi.
Et immísit in os meum cánticum novum,
carmen Deo nostro. R.

Sacrificium et oblatiónem noluísti,
aures autem fodísti mihi.
Holocáustum et pro peccáto non postulásti,
tunc dixi: « Ecce vénio. R.

In volúmine libri scriptum est de me.
Fácere voluntátem tuam,
Deus meus, vólui;
et lex tua in præcórdiis meis ». R.

Annuntiávi iustítiam tuam in ecclésia magna;
ecce lábia mea non prohibébo, Dómine, tu scisti. R.

ALLELUIA

Io 15, 5

℞. Allelúia. ℣. Ego sum vitis, vos pálmites, dicit Dóminus;
qui manet in me et ego in eo, hic fert fructum multum. ℞. Allelúia.

EVANGELIUM

Iam non dico vos servos; vos autem dixi amicos.

+ Lécio sancti Evangélii secúndum Ioánnem

15, 9-17

In illo témpore:

Dixit Iesus discíplis suis: « Sicut diléxit me Pater, et ego diléxi vos; manéte in dilectióne mea. Si præcépta mea servavéritis, manébitis in dilectióne mea, sicut ego Patris mei præcépta servávi et máneo in eius dilectióne. Hæc locútus sum vobis, ut gáudium meum in vobis sit, et gáudium vestrum impleátur.

Hoc est præcéptum meum, ut diligátis ínvicem, sicut diléxi vos; maiórem hac dilectiónem nemo habet, ut ánimam suam quis ponat pro amícis suis. Vos amíci mei estis, si fecéritis, quæ ego præcípio vobis. Iam non dico vos servos, quia servus nescit quid facit dóminus eius; vos autem dixi amícos, quia ómnia, quæ audívi a Patre meo, nota feci vobis. Non vos me elegístis, sed ego elégi vos et pósui vos, ut vos eátis et fructum afferátis, et fructus vester máneat, ut quodcúmque petiérítis Patrem in nómine meo det vobis. Hæc mando vobis, ut diligátis ínvicem ».

Verbum Dómini.

Die 24 februarii
B. Iosephæ Naval Girbés, virginis

LECTIO PRIOR

Infirma mundi elegit Deus.

Lectio Epistolæ primæ beāti Pauli apóstoli ad Corínthios

1, 26-31

Videte vocatióem vestram, fratres, quia non multi sapiéntes secúndum carnem, non multi poténtes, non multi nóbiles; sed, quæ stulta sunt mundi, elégit Deus, ut confúndat sapiéntes, et infirma mundi elégit Deus, ut confúndat fórtia, et ignobília mundi et contemptibília elégit Deus, quæ non sunt, ut ea, quæ sunt, destrúeret, ut non gloriétur omnis caro in conspéctu Dei. Ex ipso autem vos estis in Christo Iesu, qui factus est sapiéntia nobis a Deo et iustítia et sanctificátió et redemptió, ut quemádmódu scriptum est:

« *Qui gloriátur, in Dómino gloriétur* ».

Verbum Dómini.

PSALMUS RESPONSORIUS

Ps 130, 1. 2. 3

℞. Custódi ánimam meam in pace apud te, Dómine.

Dómine, non est exaltátum cor meum,
neque eláti sunt óculi mei,
neque ambulávi in magnis
neque in mirabílibus super me. ℞.

Vere pacátam et quiétam
feci ánimam meam;
sicut ablactátus in sinu matris suæ,
sicut ablactátus, ita in me est ánima mea. ℞.

Speret Isræl in Dómino
ex hoc nunc et usque in sáeculum. ℞.

ALLELUIA

Cf. Mt 11, 25

℞. Allelúia. √. Benedictus es, Pater, Dómine cæli et terræ,
quia mystéria regni párvulis revelásti. ℞. Allelúia.

EVANGELIUM

Abscondisti hæc a sapientibus et revelasti ea parvulis.

+ Lécio sancti Evangélii secúndum Matthæum

11, 25-30

In illo témpore respóndens Iesus dixit:

« Confíteor tibi, Pater, Dómine cæli et terræ, quia abscondísti hæc a sapiéntibus et prudéntibus et revelásti ea párvulis. Ita, Pater, quóniam sic fuit plácitum ante te. Ómnia mihi trádita sunt a Patre meo; et nemo novit Fílium nisi Pater, neque Patrem quis novit nisi Fílius et cui volúerit Fílius reveláre.

Veníte ad me, omnes, qui laborátis et onerátis estis, et ego refíciam vos. Tóllite iugum meum super vos et díscite a me, quia mitis sum et húmilis corde, et inveniétis réquiem animábus vestris. Iugum enim meum suáve et onus meum leve est ».

Verbum Dómini.

APRILIS

Die 17 aprilis
B. Baptistæ Spagnoli, presbyteri

LECTIO PRIOR

Super salutem et speciem dilexi sapientiam.

Lectio libri Sapiéntiæ

7, 7-10. 15-16

Optávi, et datus est mihi sensus;
et invocávi, et venit in me spíritus sapiéntiæ.
Præpósui illam regnis et sédibus
et divítias nihil esse duxi in comparatióne illíus;
nec comparávi illi lápidem pretiósium,
quóniam omne aurum in comparatióne illíus aréna est exígua,
et tamquam lutum æstimábitur argéntum in conspéctu illíus.
Super salútem et spéciem diléxi illam
et propósui pro luce habére illam,
quóniam inexstinguíbile est lumen illíus.
Mihi autem det Deus dícere ex senténtia
et sentíre digna horum, quæ mihi data sunt,
quóniam ipse sapiéntiæ dux est
et sapiéntium emendátor;
in manu enim illíus et nos et sermónes nostri
et omnis sapiéntia et óperum sciéntia.

Verbum Dómini.

PSALMUS RESPONSORIUS

Ps 15, 1-2a et 5. 7-8. 11 (R.: 5a)

R. Tu es, Dómine, pars hereditátis meæ.

Consérva me, Deus, quóniam sperávi in te.
Dixi Dómino: « Dóminus meus es tu.
Dóminus pars hereditátis meæ et cálicis mei:
tu es qui détines sortem meam ». **R.**

Benedícam Dóminum, qui tríbuit mihi intelléctum;
ínsuper et in nóctibus erudiérunt me renes mei.
Proponébam Dóminum in conspéctu meo semper;
quóniam a dextris est mihi, non commovébor, **R.**

Notas mihi fácies vias vitæ,
plenitúdinem lætítiæ cum vultu tuo,
delectatiónes in dextera tua usque in finem. **R.**

ALLELUIA

Io 8, 12b

℞. Allelúia. √. Ego sum lux mundi, dicit Dóminus;
qui séquitur me habébit lumen vitæ. ℞. Allelúia.

EVANGELIUM

Vos estis lux mundi.

+ Lécitio sancti Evangélii secúndum Matthæum

5, 13-16

In illo témpore:

Dixit Iesus discíplis suis: « Vos estis sal terræ; quod si sal evanúerit, in quo salietur? Ad níhilum valet ultra, nisi ut mittátur foras et conculcétur ab homínibus.

Vos estis lux mundi. Non potest civitas abscondi supra montem pósita; neque accéndunt lucérnam et ponunt eam sub módio, sed super candelábrum, ut lúceat ómnibus, qui in domo sunt. Sic lúceat lux vestra coram homínibus, ut vídeant vestra bona ópera et gloríficent Patrem vestrum qui in cælis est ».

Verbum Dómini.

Die 18 aprilis
B. Mariæ ab Incarnatione Avrillot, religiosæ
In domibus Galliæ: Memoria

LECTIO PRIOR

Infirma mundi elegit Deus.

Lectio Epistolæ primæ beati Pauli apóstoli ad Corínthios

1, 26-31

Videte vocatióem vestram, fratres, quia non multi sapiéntes secúndum carnem, non multi poténtes, non multi nóbiles; sed, quæ stulta sunt mundi, elégit Deus, ut confúndat sapiéntes, et infirma mundi elégit Deus, ut confúndat fórtia, et ignobília mundi et contemptibília elégit Deus, quæ non sunt, ut ea, quæ sunt, destrúeret, ut non gloriétur omnis caro in conspéctu Dei. Ex ipso autem vos estis in Christo Iesu, qui factus est sapiéntia nobis a Deo et iustítia et sanctificátio et redemptio, ut quemádmódum scriptum est:

« *Qui gloriátur, in Dómino gloriétur* ».

Verbum Dómini.

PSALMUS RESPONSORIUS

Ps 22, 1-3. 4. 5. 6 (R.: 1)

R. Dóminus pascit me, et nihil mihi déerit.

Dóminus pascit me, et nihil mihi déerit:
in páscuis viréntibus me collocávit,
super aquas quiétis edúxit me,
ánimam meam refécit.

Dedúxit me super sémitas iustítiae propter nomen suum. **R.**

Nam et si ambulávero in valle umbræ mortis,
non timébo mala, quóniam tu mecum es.
Virga tua et báculus tuus,
ipsa me consoláta sunt. **R.**

Parásti in conspéctu meo mensam
advérsus eos, qui tríbulant me;
impinguásti in óleo caput meum,
et calix meus redúndat, **R.**

Etenim benígnitas et misericórdia subsequéntur me
ómnibus diébus vitæ meæ,
et inhabitábo in domo Dómini
in longitúdinem diérum. **R.**

ALLELUIA

Io 15, 9b. 5b

℞. Allelúia. ℣. Manéte in dilectióne mea, dicit Dóminus;
qui manet in me et ego in eo, hic fert fructum multum. ℞. Allelúia.

EVANGELIUM

Qui manet in me, et ego in eo, hic fert fructum multum.

+ Lécio sancti Evangélii secúndum Ioánnem

15, 1-8

In illo témpore:

Dixit Iesus discíplis suis: « Ego sum vitis vera, et Pater meus agrícola est. Omnem pálmitem in me non feréntem fructum, tollit eum; et omnem, qui fert fructum, purgat eum, ut fructum plus áfferat. Iam vos mundi estis propter sermónem, quem locútus sum vobis. Manéte in me, et ego in vobis. Sicut palmes non potest ferre fructum a semetípso, nisi mánsarit in vite, sic nec vos, nisi in me manséritis. Ego sum vitis, vos pálmites. Qui manet in me, et ego in eo, hic fert fructum multum, quia sine me nihil potéstis fácere. Si quis in me non mánsarit, missus est foras sicut palmes et áruit, et cólligunt eos et in ignem mittunt, et ardent. Si manséritis in me, et verba mea in vobis mánsarint, quodcúmque voluérítis, pétíte, et fiet vobis. In hoc glori ficátus est Pater meus, ut fructum multum afferátis et efficiámini mei discípli ».

Verbum Dómini

Die 23 aprilis
B. Teresiæ Mariæ a Cruce Manetti, virginis

LECTIO PRIOR

Quæcumque casta, hæc cogitate.

Lectio Epistolæ beati Pauli apostoli ad Philippenses

4, 4-9

Fratres:

Gaudete in Dómino semper. Iterum dico: Gaudete! Modéstia vestra nota sit ómnibus homínibus. Dóminus prope. Nihil solliciti sitis, sed in ómnibus oratióne et obsecratióne cum gratiárum actiÓne petitiÓnes vestræ innotéscant apud Deum. Et pax Dei, quæ exsúperat omnem sensum, custódiat corda vestra et intellegéntias vestras in Christo Iesu.

De cétero, fratres, quæcúmque sunt vera, quæcúmque pudíca, quæcúmque iusta, quæcúmque casta, quæcúmque amabilia, quæcúmque bonæ famæ, si qua virtus et si qua laus, hæc cogitáte; quæ et didicístis et accepístis et audístis et vidístis in me, hæc ágite; et Deus pacis erit vobíscum.

Verbum Dómini

PSALMUS RESPONSORIUS

Ps 15, 1-2a et 5. 7-8. 11 (R.: 5a)

R. Tu es, Dómine, pars hereditátis meæ.

Consérva me, Deus, quóniam sperávi in te.
Dixi Dómino: « Dóminus meus es tu.
Dóminus pars hereditátis meæ et cálicis mei:
tu es qui détines sortem meam ». R.

Benedícam Dóminum, qui tríbuit mihi intelléctum;
ínsuper et in nóctibus erudiérunt me renes mei.
Proponébam Dóminum in conspéctu meo semper;
quóniam a dextris est mihi, non commovébor, R.

Notas mihi fácies vias vitæ,
plenitúdinem lætitiæ cum vultu tuo,
delectatiÓnes in dextera tua usque in finem. R.

ALLELUIA

Mt 5, 6

R. Allelúia. V. Beáti, qui esúriunt et sítiunt iustítiam,
quóniam ipsi saturabúntur. R. Allelúia.

EVANGELIUM

Qui perdiderit animam suam propter me, inveniet eam.

+ Lécio sancti Evangélii secúndum Matthæum

16, 24-27

In illo témpore:

Dixit Iesus discíplis suis: « Si quis vult post me veníre, ábneget semetípsum et tollat crucem suam et sequátur me. Qui enim volúerit ánimam suam salvam fácere, perdet eam; qui autem perdíderit ánimam suam propter me, invéniet eam. Quid enim prodest hómini, si mundum univérsum lucrétur, animæ vero suæ detriméntum patiátur? Aut quam dabit homo commutatióem pro ánima sua? Fílius enim hóminis ventúrus est in glória Patris sui cum ángelis suis, et tunc reddet unicuíque secúndum opus eius ».

Verbum Dómini

Die 28 aprilis
B. Mariæ Felicitatis a Iesu Sacramentato Guggiari Echeverría, virginis

LECTIO PRIOR

Væ mihi est, si non evangelizavero.

Lectio Epistolæ primæ beāti Pauli apóstoli ad Corínthios

9, 16-23

Fratres:

Si evangelizávero, non est mihi glória; necéssitas enim mihi incúmbit. Væ enim mihi est, si non evangelizávero! Si enim volens hoc ago, mercédem hábeo; si autem invítus, dispensátio mihi crédita est. Quæ est ergo merces mea? Ut evangélium prædicans sine sumptu ponam evangélium, ut non abútar potestáte mea in evangélio.

Nam cum liber essem ex ómnibus, ómnium me servum feci, ut plures lucrí fácerem. Et factus sum Iudæis tamquam Iudæus, ut Iudæos lucrárer; his, qui sub lege sunt, quasi sub lege essem, cum ipse non essem sub lege, ut eos, qui sub lege erant, lucrí fácerem; his, qui sine lege erant, tamquam sine lege essem, cum sine lege Dei non essem, sed in lege essem Christi, ut lucrí fácerem eos, qui sine lege erant; factus sum infirmis infirmus, ut infirmos lucrí fácerem; ómnibus ómnia factus sum, ut áliquos útique fácerem salvos. Omnia autem fácio propter evangélium, ut compárticeps eius efficiar.

Verbum Dómini

PSALMUS RESPONSORIUS

Ps 102, 1-2. 3-4. 8-9. 13-14. 17-18a (R. 1a)

R. Bénedic, ánima mea, Dóminum.

Bénedic, ánima mea, Dómino,
et ómnia quæ intra me sunt, nómini sancto eius.
Bénedic, ánima mea, Dómino
et noli oblivísci omnes retributiónes eius. **R.**

Qui propitiátur ómnibus iniquitatibus tuis,
qui sanat omnes infirmitátes tuas;
qui rédimít de intéritu vitam tuam,
qui coronat te in misericórdia et miseratióne. **R.**

Miserátor et miséricors Dóminus,
longánimis et multæ misericórdiæ.
Non in perpétuum conténdet
neque in ætérnum irascétur. **R.**

Quómodo miserétur pater filiórum,
misértus est Dóminus timéntibus se.
Quóniam ipse cognóvit figméntum nostrum,
recordátus est quóniam pulvis sumus. **R.**

Misericórdia autem Dómini ab ætérno
et usque in ætérnum super tíméntes eum;
et iustítia illíus in filios filiórurum,
in eos qui servant testaméntum eius. **R.**

ALLELUIA

Io 15, 9b. 5b

R. Allelúia. **V.** Manéte in dilectióne mea, dicit Dóminus;
qui manet in me et ego in eo, hic fert fructum multum. **R.** Allelúia.

EVANGELIUM

Qui non renuntiat omnibus, quæ possidet, non potest meus esse discipulus.

+ Lécio sancti Evangélii secúndum Lucam

14, 25-33

In illo témpore:

Ibant turbæ multæ cum Iesu, et convérsus dixit ad illos: « Si quis venit ad me et non odit patrem suum et matrem et uxórem et filios et fratres et soróres, adhuc et ánimam suam, non potest esse meus discípulus. Et qui non báiulat crucem suam et venit post me, non potest esse meus discípulus.

Quis enim ex vobis volens turrem ædificáre, non prius sedens cómputat sumptus, si habet ad perficiéndum? Ne, posteáquam posúerit fundaméntum et non potúerit perficere, omnes, qui vident, incípiant illúdere ei dicéntes: “ Hic homo cœpit ædificáre et non pótuit consummáre ”. Aut quis rex, itúrus commíttere bellum advérsus álium regem, non sedens prius cógitat si possit cum decem mílibus occúrrere ei, qui cum vigínti mílibus venit ad se? Alióquin, adhuc illo longe agénte, legatióne mittens rogat ea, quæ pacis sunt. Sic ergo omnis ex vobis, qui non renúntiat ómnibus, quæ póssidet, non potest meus esse discípulus ».

Verbum Dómini.

MAIUS

Die 4 maii

**Bb. Angeli Mariæ Prat Hostench, Lucæ a S. Iosepho Tristany Pujol, presbyterorum,
et sociorum, martyrum**

*In domibus Hispaniæ: Memoria
Martyres in Hispania*

LECTIO PRIOR

Non dilexerunt animam suam usque ad mortem.

Lectio libri Apocalýpsis beáti Ioánnis apóstoli

12, 10-12a

Ego, Ioánnes, vidi turbam magnam in cælo dicentem:
« Nunc facta est salus et virtus et regnum Dei nostri
et potestas Christi eius,
quia proiactus est accusator fratrum nostrorum,
qui accusabat illos ante conspectum Dei nostri die ac nocte.
Et ipsi vicérunt illum propter sanguinem Agni
et propter verbum testimonii sui;
et non dilexerunt animam suam
usque ad mortem.
Propterea lætámini, cæli
et qui habitátis in eis ».

Verbum Dómini.

PSALMUS RESPONSORIUS

Ps 123, 2-3. 4-5. 7b-8 (R. 7a)

R. Anima nostra sicut passer erépta est de láqueo venántium.

Nisi quia Dóminus erat in nobis,
cum exsúrgerent hómines in nos:
forte vivos deglutissent nos,
cum irascerétur furor eórum in nos. **R.**

Fórsitan aqua absorbuisset nos,
torrens pertransisset animam nostram;
fórsitan pertransissent animam nostram
aquæ intumescéntes. **R.**

Láqueus contritus est,
et nos erépti sumus.
Adiutórium nostrum in nómine Dómini,
qui fecit cælum et terram. **R.**

ALLELUIA

Mt 5, 10

℞. Allelúia. ℣. Beáti, qui persecutiónem patiúntur propter iustítiam,
quóniam ipsórum est regnum cælórum. ℞. Allelúia.

EVANGELIUM

Si me persecuti sunt, et vos persequentur.

+ Lécio sancti Evangélii secúndum Ioánnem

15, 18-21

In illo témpore:

Dixit Iesus discíplis suis: « Si mundus vos odit, scitóte quia me priórem vobis ódio hábuit. Si de mundo essétis, mundus, quod suum est, dilígeret; quia vero de mundo non estis, sed ego elégi vos de mundo, proptérea odit vos mundus. Mementóte sermónis, quem ego dixi vobis: Non est servus maior dómينو suo. Si me persecúti sunt, et vos persequéntur; si sermónem meum servavérunt, et vestrum servábunt. Sed hęc ómnia fácient vobis propter nomen meum, quia nésciunt eum, qui misit me ».

Verbum Dómini.

Die 16 maii
S. Simonis Stock, presbyteri
In domibus Anglo-Hiberniæ: Memoria

LECTIO PRIOR

Induite armaturam Dei.

Lectio Epistolæ beati Pauli apostoli ad Ephésios

6, 10-13. 18

Fratres:

Confortámini in Dómino et in poténtia virtútis eius. Indúite armatúram Dei, ut possítis stare advérsus insídias Diáboli. Quia non est nobis colluctátio advérsus sánguinem et carnem sed advérsus principátus, advérsus potestátes, advérsus mundi rectóres tenebrárum harum, advérsus spiritalia nequítiae in cælestibus.

Proptérea accípíte armatúram Dei, ut possítis resistere in die malo et, ómnibus perféctis, stare. Per omnem oratiónem et obsecratiónem orántes omni témpore in Spíritu, et in ipso vigilántes in omni instántia et obsecratióne pro ómnibus sanctis.

Verbum Dómini.

PSALMUS RESPONSORIUS

Ps 1, 1-2. 3. 4 et 6 (R. 2b)

R. Beátus qui in lege Dómini meditátur die ac nocte.

Beátus vir, qui non ábiit in consílio impiórum
et in via peccatórum non stetit
et in convéntu derisórum non sedit,
sed in lege Dómini volúntas eius,
et in lege eius meditábitur die ac nocte. **R.**

Et erit tamquam lignum plantátum secus decúrsus aquárum,
quod fructum suum dabit in témpore suo;
et fólium eius non défluet,
et ómnia, quæcúmque fáciat, prosperabúntur. **R.**

Non sic ímpii, non sic,
sed tamquam pulvis, quem próicit ventus.
Quóniam novit Dóminus viam iustórum,
et iter impiórum períbit, **R.**

ALLELUIA

Io 13, 34

R. Allelúia. **V.** Mandátum novum do vobis, dicit Dóminus,
ut diligátis ínvicem, sicut diléxi vos. **R.** Allelúia.

EVANGELIUM

Vos amici mei estis, si feceritis quæ ego præcipio vobis.

+ Læctio sancti Evangélii secúndum Ioánnem

15, 9-17

In illo témpore:

Dixit Iesus discípu­lis suis: « Sicut diléxit me Pater, et ego diléxi vos; manéte in dilectióne mea. Si præcépta mea servavéritis, manébitis in dilectióne mea, sicut ego Patris mei præcépta servávi et máneo in eius dilectióne. Hæc locútus sum vobis, ut gáudium meum in vobis sit, et gáudium vestrum impleátur.

Hoc est præcéptum meum, ut diligátis ínvicem, sicut diléxi vos; maiórem hac dilectiónem nemo habet, ut ánimam suam quis ponat pro amícis suis. Vos amíci mei estis, si fecéritis, quæ ego præcipio vobis. Iam non dico vos servos, quia servus nescit quid facit dóminus eius; vos autem dixi amícos, quia ómnia, quæ audívi a Patre meo, nota feci vobis. Non vos me elegístis, sed ego elégi vos et pósui vos, ut vos eátis et fructum afferátis, et fructus vester máneat, ut quodcúmque petiérítis Patrem in nómine meo det vobis. Hæc mando vobis, ut diligátis ínvicem ».

Verbum Dómini.

Die 22 maii
S. Ioachimæ de Vedruna, religiosæ

LECTIO PRIOR

Et nos debemus pro fratribus animas ponere.

Lectio Epistolæ primæ beāti Ioānnis apóstoli

3, 14-18

Carissimi:

Nos scimus quóniam transívimus de morte in vitam, quóniam dilígimus fratres; qui non díligit, manet in morte. Omnis, qui odit fratrem suum, homicída est, et scitis quóniam omnis homicída non habet vitam ætérnam in se manéntem.

In hoc nóvimus caritátem, quóniam ille pro nobis ánimam suam pósuit; et nos debémus pro fratribus ánimas pónere. Qui habúerit substántiam mundi et víderit fratrem suum necesse habére et cláuserit víscera sua ab eo, quómo modo caritas Dei manet in eo? Filíoli, non diligámus verbo nec lingua, sed in ópere et veritáte.

Verbum Dómini.

PSALMUS RESPONSORIUS

Ps 111, 1-2. 3-4. 5-7a. 7b-8. 9 (R.: cf. 2)

R. Potens in terra erit semen eius, generátio eius benedicétur.

Beátus vir, qui timet Dóminum,
in mandátis eius cupit nimis.
Potens in terra erit semen eius,
generátio rectórum benedicétur. R.

Glória et divítiae in domo eius,
et iustítia eius manet in sáeculum sáeculi.
Exórtum est in ténebris lumen rectis,
miséricors et miserátor et iustus. R.

Iucúndus homo, qui miserétur et cómmodat,
dispónet res suas in iudício,
quia in ætérnum non commovébitur.
In memória ætérna erit iustus,
ab auditióne mala non timébit. R.

Parátum cor eius, sperans in Dómino,
confirmátum est cor eius, non timébit,
donec despíciat inimícos suos. R.

Distribuit, dedit paupéribus;
iustítia eius manet in sáeculum sáeculi,
cornu eius exaltábitur in glória, R.

ALLELUIA

Io 14, 23

℞. Allelúia. ℣. Si quis díligit me, sermónem meum servábit, dicit Dóminus,
et Pater meus díliget eum; et ad eum veniémus. ℞. Allelúia.

EVANGELIUM

Quisquis unum ex pueris recipit, me recipit.

+ Lécio sancti Evangélii secúndum Marcum

9, 34-37

In illo témpore:

Discipuli inter se in via disputáverant, quis esset maior. Et résidens vocávit Duódecim et ait illis: « Si quis vult primus esse, erit ómnium novíssimus et ómnium mínister ». Et accípiens púerum, státuit eum in médio eórum; quem ut compléxus esset, ait illis: « Quisquis unum ex huiúsmodi púeris recéperit in nómine meo, me récipit; et, quicúmque me suscéperit, non me súscepit, sed eum qui me misit ».

Verbum Dómini.

Translata a die 25 maii

Die 24 maii

S. Bedæ Venerabilis, presbyteri et Ecclesiæ doctoris

vel

S. Gregorii VII, papæ

Ut in Lectionario Romano.

Die 25 maii
S. Mariæ Magdalænæ a Verbo Incarnato de' Pazzi, virginis
Memoria

LECTIO PRIOR

Fortis est ut mors dilectio.

Lectio libri Cántici Canticórum

8, 6-7

Pone me ut signáculum super cor tuum,
ut signáculum super bráccium tuum,
quia fortis est ut mors diléctio,
dura sicut inférnus æmulátio;
lámpades eius lámpades ignis
atque flammæ divínæ.
Aquæ multæ non potuérunt exstinguere caritátem,
nec flúmina óbruent illam;
si déderit homo omnem substántiam domus suæ pro dilectiône,
quasi nihil despíciat eum.

Verbum Dómini.

PSALMUS RESPONSORIUS

Ps 17, 2b-3a. 3bc-4. 5-6. 7 (R̄.: 2 Mac 1, 17a)

R̄. Per ómnia benedíctus Deus.

Diligam te, Dómine, fortitúdo mea.
Dómine, firmaméntum meum et refúgium meum
et liberátor meus; R̄.

Deus meus, adiútor meus, et sperábo in eum;
protéctor meus et cornu salútis meæ et suscéptor meus.
Laudábilem invocábo Dóminum,
et ab inimícis meis salvus ero. R̄.

Circumdedérunt me fluctus mortis,
et torréntes Bélial conturbavérunt me;
funes inférni circumdedérunt me,
præoccupavérunt me láquei mortis. R̄.

In tribulatióne mea invocávi Dóminum
et ad Deum meum clamávi;
exaudivit de templo suo vocem meam,
et clamor meus in conspéctu eius introívit in aures eius. R̄.

ALLELUIA

Lc 10, 42b

℞. Allelúia. ℣. María óptimam partem elégit,
quæ non auferétur ab ea. ℞. Allelúia.

EVANGELIUM

Martha excepit illum. Maria optimam partem elegit.

+ Lécio sancti Evangélii secúndum Lucam

10, 38-42

In illo témpore:

Intrávit Iesus in quoddam castéllum, et múlter quædam Martha nómine excépit illum. Et huic erat soror nómine María, quæ étiam sedens secus pedes Dómini audiébat verbum illíus. Martha autem satagébat circa frequens ministérium; quæ stetit et ait: « Dómine, non est tibi curæ quod soror mea relíquit me solam ministráre? Dic ergo illi, ut me ádiuvet ». Et respóndens dixit illi Dóminus: « Martha, Martha, sollícita es et turbáris erga plúrima, porro unum est necessárium; María enim óptimam partem elégit, quæ non auferétur ab ea ».

Verbum Dómini.

Die 29 maii
B. Eliæ a S. Clemente Fracasso, virginis

LECTIO PRIOR

Sta in monte coram Domino.

Lectio libri primi Regum

19, 4-9a. 11-15a

In diébus illis:

Perréxit Elías in désertum viam uníus diéi; cumque venísset et sedéret subter unam iuníperum, petívit ánimæ suæ, ut morerétur, et ait: « Súfficit mihi, Dómine! Tolle ánimam meam; neque enim mélior sum quam patres mei ». Proiecítque se et obdormívit in umbra iuníperi; et ecce ángelus tétigit eum et dixit illi: « Surge, cómede! ». Respéxit, et ecce ad caput suum subcinerícus panis et vas aquæ; comédit ergo et bibit et rursus obdormívit. Reversúsque est ángelus Dómini secúndo et tétigit eum dixítque illi: « Surge, cómede! Grandis enim tibi restat via ». Qui cum surrexísset, comédit et bibit et ambulávit in fortitúdine cibi illíus quadragínta diébus et quadragínta nóctibus usque ad montem Dei Horeb.

Cumque venísset illuc, mansit in spelúnca. Et ait Dóminus ei: « Egrédere et sta in monte coram Dómino ». Et ecce Dóminus transit, et ventus grandis et fortis subvértens montes et cónterens petras ante Dóminum: non in vento Dóminus. Et post ventum, commótió: non in commotióne Dóminus. Et post commotióne, ignis: non in igne Dóminus. Et post ignem, síbilus auræ ténuis. Quod cum audísset Elías, opéruit vultum suum pállio et egréssus stetit in óstio spelúncae; et ecce vox ad eum dicens: « Quid hic agis, Elía? ». Et ille respóndit: « Zelo zelátus sum pro Dómino, Deo exercítuum, quia dereliquerunt pactum tuum filii Israel, altária tua destruxérunt et prophétas tuos occíderunt gládio: et derelíctus sum ego solus, et quærunt ánimam meam, ut áuferant eam ».

Et ait Dóminus ad eum: « Vade et revértere in viam tuam per désertum in Damáscum ».

Verbum Dómini.

PSALMUS RESPONSORIUS

Ps 130, 1. 2. 3

℞. Custódi ánimam meam in pace apud te, Dómine.

Dómine, non est exaltátum cor meum,
neque eláti sunt óculi mei,
neque ambulávi in magnis
neque in mirabílibus super me. ℞.

Vere pacátam et quiétam
feci ánimam meam;
sicut ablactátus in sinu matris suæ,
sicut ablactátus, ita in me est ánima mea. ℞.

Speret Isráel in Dómino
ex hoc nunc et usque in sáeculum. ℞.

ALLELUIA

Io 14, 23

℞. Allelúia. ℣. Si quis diligit me, sermónem meum servábit, dicit Dóminus, et Pater meus diliget eum; et ad eum veniémus. ℞. Allelúia.

EVANGELIUM

Vos amici meis estis, si feceritis quæ ego præcipio vobis.

+ Lécio sancti Evangélii secúndum Ioánnem

15, 9-17

In illo témpore:

Dixit Iesus discípuulis suis: « Sicut diléxit me Pater, et ego diléxi vos ; manéte in dilectiône mea. Si præcépta mea servavéritis, manébitis in dilectiône mea, sicut ego Patris mei præcépta servávi et máneo in eius dilectiône. Hæc locútus sum vobis, ut gáudium meum in vobis sit, et gáudium vestrum impleátur.

Hoc est præcéptum meum, ut diligátis ínvicem, sicut diléxi vos ; maiórem hac dilectiónem nemo habet, ut ánimam suam quis ponat pro amícis suis. Vos amíci mei estis, si fecéritis, quæ ego præcipio vobis. Iam non dico vos servos, quia servus nescit quid facit dóminus eius ; vos autem dixi amícos, quia ómnia, quæ audívi a Patre meo, nota feci vobis. Non vos me elegístis, sed ego elégi vos et pósui vos, ut vos eátis et fructum afferátis, et fructus vester máneat, ut quodcúmque petiérítis Patrem in nómine meo det vobis. Hæc mando vobis, ut diligátis ínvicem ».

Verbum Dómini.

IUNIUS

Die 7 iunii

B. Annæ a S. Bartholomæo, virginis

In domibus Hispaniæ: Memoria

LECTIO PRIOR

Super omnia caritatem, quod est vinculum perfectionis.

Lectio Epistolæ beati Pauli apostoli ad Colossenses

3, 12-17

Fratres:

Induite vos sicut electi Dei, sancti et dilecti, viscera misericordiæ, benignitatem, humilitatem, mansuetudinem, longanimitatem, supportantes invicem et donantes vobis ipsis, si quis adversus aliquem habet querelam; sicut et Dominus donavit vobis, ita et vos; super omnia autem hæc: caritatem, quod est vinculum perfectionis. Et pax Christi dominetur in cordibus vestris, ad quam et vocati estis in uno corpore. Et grati estote.

Verbum Christi habitet in vobis abundanter, in omni sapientia docentes et commonentes vosmetipsos psalmis, hymnis, canticis spiritualibus, in gratia cantantes in cordibus vestris Deo; et omne, quodcumque facitis in verbo aut in opere, omnia in nomine Domini Iesu gratias agentes Deo Patri per ipsum.

Verbum Domini.

PSALMUS RESPONSORIUS

Ps 33, 2-3. 4-5. 6-7. 8-9. 10-11 (R.: 9a)

R. Gustate et videte quoniam suavis est Dominus.

Benedicam Dominum in omni tempore,
semper laus eius in ore meo.
In Domino gloriabitur anima mea,
audiant mansueti et lætentur. **R.**

Magnificate Dominum mecum,
et exaltemus nomen eius in idipsum.
Exquisivi Dominum, et exaudivit me
et ex omnibus terroribus meis eripuit me. **R.**

Respiciite ad eum, et illuminamini
et facies vestræ non confundentur.
Iste pauper clamavit, et Dominus exaudivit eum
et de omnibus tribulationibus eius salvavit eum. **R.**

Vallabit angelus Domini in circuitu timentes eum
et eripiet eos.
Gustate et videte quoniam suavis est Dominus;
beatus vir, qui sperat in eo. **R.**

Timéte Dóminum, sancti eius,
quóniam non est inópia timéntibus eum.
Dívites eguérunt et esuriérunt,
inquiréntes autem Dóminum non deficient omni bono. **℞.**

ALLELUIA

Mt 23, 11. 12b

℞. Allelúia. **℣.** Qui maior est vestrum, erit mínister vester, dicit Dóminus;
qui autem se humiliáverit, exaltábitur. **℞.** Allelúia.

EVANGELIUM

Nisi efficiamini sicut parvuli, non intrabitis in regnum cælorum.

+ Lécitio sancti Evangélii secúndum Matthæum

18, 1-5

In illa hora accessérunt discípuli ad Iesum dicéntes: « Quis putas maior est in regno cælorum? » Et ádvocans párvulum, státuit eum in médio eórum et dixit: « Amen dico vobis: Nisi convérsi fuéritis et efficiámini sicut párvuli, non intrábitis in regnum cælorum. Quicúmque ergo humiliáverit se sicut párvulus iste, hic est maior in Regno cælorum. Et, qui suscéperit unum párvulum talem in nómine meo, me súscipit. ».

Verbum Dómini.

Die 12 iunii
Bb. Alphonsi Mariæ a S. Spiritu Mazurek, presbyteri, et sociorum, martyrum
In domibus Poloniæ: Memoria
Martyres in Polonia

LECTIO PRIOR

Gloriamur in tribulationibus.

Lectio Epistolæ beati Pauli apóstoli ad Romanos

5, 1-5

Fratres:

Justificáti ex fide, pacem habémus ad Deum per Dóminum nostrum Iesum Christum, per quem et accéssum habémus fide in grátiam istam, in qua stamus et gloriámur in spe glóriæ Dei. Non solum autem, sed et gloriámur in tribulatióibus, sciéntes quod tribulátio paciéntiam operátur, paciéntia autem probatióem, probátio vero spem; spes non confúndit, quia cáritas Dei diffúsa est in córdibus nostris per Spíritum Sanctum, qui datus est nobis.

Verbum Dómini.

PSALMUS RESPONSORIUS

Ps 33, 2-3. 4-5. 6-7. 8-9 (R.: 5b)

R. Ex ómnibus terróribus meis erípuit me Dóminus.

Benedícam Dóminum in omni témpore,
semper laus eius in ore meo.
In Dómino gloriábitur ánima mea,
áudiant mansuétí et læténtur. **R.**

Magnificáte Dóminum mecum,
et exaltémus nomen eius in idípsum.
Exquisívi Dóminum, et exaudívit me
et ex ómnibus terróribus meis erípuit me. **R.**

Respícite ad eum, et illuminámini
et fácies vestræ non confundéntur.
Iste pauper clamávit, et Dóminus exaudívit eum
et de ómnibus tribulatióibus eius salvávit eum. **R.**

Vallábit ángelus Dómini in circúitu timéntes eum
et erípiet eos.
Gustáte et vidéte quóniam suávis est Dóminus;
beátus vir, qui sperat in eo. **R.**

ALLELUIA

Iac 1, 12

℞. Allelúia. ℣. Beátus vir, qui suffert tentatióem,
quia, cum probátus fúerit, accípiet corónam vitæ. ℞. Allelúia.

EVANGELIUM

Si granum frumenti mortuum fuerit, multum fructum affert.

+ Lécio sancti Evangélii secúndum Ioánnem

12, 24-26

In illo témpore:

Dixit Iesus discíplis suis: « Amen, amen dico vobis: Nisi granum fruménti cadens in terram mórtuum fúerit, ipsum solum manet; si autem mórtuum fúerit, multum fructum affert. Qui amat ánimam suam, perdit eam; et, qui odit ánimam suam in hoc mundo, in vitam ætérnam custódiat eam. Si quis mihi minístrat, me sequátur, et ubi sum ego, illic et miníster meus erit: si quis mihi ministráverit, honorificábit eum Pater ».

Verbum Dómini.

Die 14 iunii
S. Elisæi, prophetæ

LECTIO PRIOR

Requievit spiritus Eliæ super Elisæum.

Lectio libri secundi Regum

2, 11-15b

In diébus illis:

Cumque Elías et Eliséus pérgerent et incedéntes sermocinaréntur, ecce currus ígneus et equi ígnei divisérunt utrúmque; et ascéndit Elías per túrbinem in cælum.

Eliséus autem vidébat et clamábat: « Pater mi, pater mi, currus Israel et auríga eius! ». Et non vidit eum ámplius apprehendítque vestiménta sua et scidit illa in duas partes. Et levávit pállium Elíæ, quod cecíderat ei, reversúsque stetit super ripam Iordánis. Et pállio Elíæ, quod cecíderat ei, percússit aquas et dixit: « Ubi est Deus Elíæ étiam nunc? ». Percussítque aquas, et divisæ sunt huc atque illuc, et tránsiit Eliséus.

Vidéntes autem filii prophetárum, qui erant in Iéricho de contra, dixerunt: « Requievit spíritus Elíæ super Eliséum ».

Verbum Dómini.

PSALMUS RESPONSORIUS

Ps 103, 1ab et 24. 27-28. 29bc-30 (R. cf. 30)

R. Emítte Spíritum tuum, Dómine, et rénova fáciem terræ.

Benedic, ánima mea, Dómino.
Dómine Deus meus, magnificátus es veheménter!
Quam multiplicáta sunt ópera tua, Dómine!
Omnia in sapiéntia fecísti,
impléta est terra creatúra tua. R.

Omnia a te exspéctant,
ut des illis escam in témpore suo.
Dante te illis, cólligent,
aperiénte te manum tuam, implebúntur bonis. R.

Auferes spíritum eórum, et deficiénte
et in púlverem suum reverténtur.
Emíttes spíritum tuum, et creabúntur,
et renovábis fáciem terræ. R.

ALLELUIA

Cf. 2 Reg 5, 8; 13, 14

R. Allelúia. V. Sciant omnes esse prophétam in Israel,
patrem currúmque Israel et aurígam eius. R. Allelúia.

EVANGELIUM

Multi leprosi erant in Israel sub Elisæo propheta.

+ Lécio sancti Evangélii secúndum Lucam

4, 24-27

[Cum venisset Iesu Náza-reth, dixit pópulo in synagóga:]

« Amen dico vobis: Nemo prophéta accéptus est in patria sua. In veritáte autem dico vobis: Multæ víduæ erant in diébus Eliæ in Israel, quando cláusum est cælum annis tribus et ménsibus sex, cum facta est fames magna in omni terra; et ad nullam illárum missus est Elías nisi in Sarépta Sidóniæ ad mulierem víduam. Et multi leprósi erant in Israel sub Eliséo prophéta; et nemo eórum mundátus est nisi Náaman Syrus ».

Verbum Dómini.

Die 14 iunii
B. Mariæ Candidæ ab Eucharistia Barba, virginis

LECTIO PRIOR

Hydria farinæ non defecit iuxta verbum Domini quod locutus fuerat in manu Eliæ.

Lectio libri primi Regum

17, 7-16

In diébus illis:

Siccátus est torrens [ubi absconditus erat Eliás]: non enim plúerat super terram.

Factus est ígitur sermo Dómini ad eum dicens: « Surge et vade in Sarépta Sidoniórum et manébis ibi; præcépi enim ibi mulíeri víduæ, ut pascat te ». Surréxit et ábiit Saréptam. Cumque venísset ad portam civitátis, appáruit ei múlier vídua cólligens ligna; et vocávit eam dixítque: « Da mihi páululum aquæ in vase, ut bibam ». Cumque illa pérgeret, ut afférret, clamávit post tergum eius dicens: « Affer mihi, óbsecro, et buccéllam panis in manu tua ». Quæ respóndit: « Vivit Dóminus Deus tuus, non hábeo panem, nisi quantum pugíllus cápere potest farínæ in hýdria et páululum ólei in lécytho. En cólligo duo ligna, ut ingrédíar et fáciam illud mihi et filio meo, ut comedámus et moriámur ».

Ad quam Eliás ait: “ Noli timére, sed vade et fac, sicut dixísti; verúmtamen mihi primum fac de ipsa farínula subcinerícium panem párvulum et affer ad me; tibi autem et filio tuo fácies póstea. Hæc autem dicit Dóminus, Deus Israel: “ Hýdria farínæ non deficiet, nec lécythus ólei minuétur usque ad diem, in qua datúrus est Dóminus plúviam super fáciem terræ ” ». Quæ ábiit et fecit iuxta verbum Eliæ et comédit illa et ipse et domus eius per dies. Hýdria farínæ non defécit, et lécythus ólei non est imminútus iuxta verbum Dómini, quod locútus fúerat in manu Eliæ.

Verbum Dómini.

PSALMUS RESPONSORIUS

Ps 15, 1-2a et 5. 7-8. 11 (R.: 5a)

R. Tu es, Dómine, pars hereditátis meæ.

Consérva me, Deus, quóniam sperávi in te.
Dixi Dómino : « Dóminus meus es tu.
Dóminus pars hereditátis meæ et cálicis mei :
tu es qui détines sortem meam ». **R.**

Benedícam Dóminum, qui tríbuit mihi intelléctum ;
ínsuper et in nóctibus erudiérunt me renes mei.
Proponébam Dóminum in conspéctu meo semper ;
quóniam a dextris est mihi, non commovébor, **R.**

Notas mihi fácies vias vitæ,
plenitúdinem lætítiæ cum vultu tuo,
delectatiónes in délixtera tua usque in finem. **R.**

ALLELUIA

Cf. Io 6, 51a

℞. Allelúia. ℣. Ego sum panis vivus, qui de cælo descéndit, dicit Dóminus;
si quis manducáverit ex hoc pane, vivet in ætérnum. ℞. Allelúia.

EVANGELIUM

Ego sum panis vivus.

+ Lécio sancti Evangélii secúndum Ioánnem

6, 51-58

In illo témpore:

Dixit Iesus turbis Iudeórum: « Ego sum panis vivus, qui de cælo descéñdi. Si quis manducáverit ex hoc pane, vivet in ætérnum; panis autem, quem ego dabo, caro mea est pro mundi vita ».

Litigábant ergo Iudæi ad ínvicem dicéñtes: « Quómodo potest hic nobis carnem suam dare ad manducándum? ». Dixit ergo eis Iesus: « Amen, amen dico vobis: Nisi manducavéritis carnem Fílii hóminis et bibéritis eius sánguinem, non habétiis vitam in vobismetípsis. Qui mandúcat meam carnem et bibit meum sánguinem, habet vitam ætérnam; et ego resuscitábo eum in novíssimo die. Caro enim mea verus est cibus, et ságuis meus verus est potus. Qui mandúcat meam carnem et bibit meum sánguinem, in me manet, et ego in illo. Sicut misit me vivens Pater, et ego vivo propter Patrem; et, qui mandúcat me, et ipse vivet propter me. Hic est panis, qui de cælo descéndit, non sicut manducavérunt patres et mórtui sunt; qui mandúcat hunc panem, vivet in ætérnum ».

Verbum Dómini.

Die 26 iunii
B. Mariæ Iosephinæ a Iesu Crucifixo Catanea, virginis

LECTIO PRIOR

Ad destinatum persequor, ad bravium supernæ vocationis Dei in Christo Iesu.

Lectio Epistolæ beati Pauli apóstoli ad Philippenses

3, 8-14

Fratres:

Exístimo ómnia detriméntum esse propter eminentiam sciéntiæ Christi Iesu Dómini mei, propter quem ómnia detriméntum feci et árbitor ut stércora, ut Christum lucrifáciam et invéniam in illo non habens meam iustítiam, quæ ex lege est, sed illam, quæ per fidem est Christi, quæ ex Deo est iustítia in fide; ad cognoscéndum illum et virtútem resurrectionis eius et communióem passiónum illius, confórmans me morti eius, si quo modo occúrram ad resurrectionem, quæ est ex mórtuis. Non quod iam accéperim aut iam perféctus sim; pérsequor autem si umquam comprehéndam, sicut et comprehénsus sum a Christo Iesu. Fratres, ego me non árbitor comprehénsisse; unum autem: quæ quidem retro sunt, obliviscens, ad ea vero, quæ ante sunt, exténdens me ad destinátum pérsequor, ad bráviúm supérnæ vocatiónis Dei in Christo Iesu.

Verbum Dómini.

PSALMUS RESPONSORIUS

Ps 15, 1-2a et 5. 7-8. 11 (R.: 5a)

R. Tu es, Dómine, pars hereditátis meæ.

Consérva me, Deus, quóniam sperávi in te.
Dixi Dómino: « Dóminus meus es tu.
Dóminus pars hereditátis meæ et cálicis mei:
tu es qui détines sortem meam ». R.

Benedícam Dóminum, qui tríbuit mihi intelléctum;
ínsuper et in nóctibus erudiérunt me renes mei.
Proponébam Dóminum in conspéctu meo semper;
quóniam a dextris est mihi, non commovébor, R.

Notas mihi fácies vias vitæ,
plenitúdinem lætitiæ cum vultu tuo,
delectatiónes in dextera tua usque in finem. R.

ALLELUIA

Io 14, 23

R. Allelúia. V. Si quis díligit me, sermónem meum servábit, dicit Dóminus,
et Pater meus díliget eum; et ad eum veniémus. R. Allelúia.

EVANGELIUM

Vos amici mei estis, si feceritis quæ ego præcipio vobis.

+ Læctio sancti Evangélii secúndum Ioánnem

15, 9-17

In illo témpore:

Dixit Iesus discípuis suis: « Sicut diléxit me Pater, et ego diléxi vos; manéte in dilectiône mea. Si præcépta mea servavéritis, manébitis in dilectiône mea, sicut ego Patris mei præcépta servávi et máneo in eius dilectiône. Hæc locútus sum vobis, ut gáudium meum in vobis sit, et gáudium vestrum impleátur.

Hoc est præcéptum meum, ut diligátis ínvicem, sicut diléxi vos; maiórem hac dilectiónem nemo habet, ut ánimam suam quis ponat pro amícis suis. Vos amíci mei estis, si fecéritis, quæ ego præcipio vobis. Iam non dico vos servos, quia servus nescit quid facit dóminus eius; vos autem dixi amícos, quia ómnia, quæ audívi a Patre meo, nota feci vobis. Non vos me elegístis, sed ego elégi vos et pósui vos, ut vos eátis et fructum afferátis, et fructus vester máneat, ut quodcúmque petiérítis Patrem in nómine meo det vobis. Hæc mando vobis, ut diligátis ínvicem ».

Verbum Dómini.

IULIUS

Translata a die 13 iulii

Die 10 iulii

S. Henrici

Ut in Lectionario Romano.

Die 12 iulii
Ss. Ludovici Martin et Mariæ Azeliæ Guérin, cóniugum

LECTIO PRIOR

Mulier timens Dominum ipsa laudabitur.

Léctio libri Proverbiórum

31, 10-31

Mulierem fortem quis invéniet?
Longe super gemmas prétium eius.
Confidit in ea cor viri sui et spóliis non indigébit.
Reddet ei bonum et non malum ómnibus diébus vitæ suæ.
Quæsívit lanam et linum
et operáta est delectatióne mánuum suárum.
Facta est quasi navis institóris
de longe portans panem suum.
Et de nocte surréxit
dedítque prædam domésticis suis
et cibária ancíllis suis.
Considerávit agrum et emit eum;
de fructu mánuum suárum plantávit véneam.
Accínxit fortitúdine lumbos suos
et roborávit bráchium suum.
Gustávit et vidit quia bona est negotiátio eius;
non exstinguétur in nocte lucérna eius.
Manum suam misit ad colos,
et dígiti eius apprehendérunt fusum.
Palmas suas apéruit ínopi
et manum suam exténdit ad páuperem.
Non timébit dómui suæ a frigóribus nivis:
omnes enim doméstici eius vestíti sunt duplicibus.
Stragulátam vestem fecit sibi;
byssus et púrpura induméntum eius.
Nóbilis in portis vir eius,
quando séderit cum senatóribus terræ.
Síndonem fecit et véndidit
et cingulum trádidit Chananæo.
Fortitúdo et decor induméntum eius,
et ridébit in die novíssimo.
Os suum apéruit sapiéntiæ,
et lex cleméntiæ in língua eius.
Considerávit sémitas domus suæ
et panem otíosa non comédit.
Surrexérunt filii eius et beatíssimam prædicavérunt,
vir eius et laudávit eam:
« Multæ filiaé fórtiter operátæ sunt,
tu supergréssa es univérsas ».
Fallax grátia et vana est pulchritúdo;
múlier timens Dóminum ipsa laudábitur.

Date ei de fructu mánuum suárum,
et láudent eam in portis opera eius.

Verbum Dómini.

PSALMUS RESPONSORIUS

Ps 127, 1-2. 3. 4-5 (R.: 1a)

R. Beáti omnes qui timent Dóminum.

Beátus omnis, qui timet Dóminum,
qui ámbulat in viis eius.
Labóres mánuum tuárum manducábis,
beátus es, et bene tibi erit. R.

Uxor tua sicut vitis fructífera
in latéribus domus tuæ;
fílii tui sicut novéllæ olivárum
in circúitu mensæ tuæ. R.

Ecce sic benedicétur homo,
qui timet Dóminum.
Benedícat tibi Dóminus ex Sion,
et vídeas bona Ierúsalem
ómnibus diébus vitæ tuæ. R.

ALLELUIA

Io 14,23

R. Allelúia. V. Si quis díligit me, sermónem meum servábit, dicit Dóminus,
et Pater meus díliget eum; et ad eum veniémus. R. Allelúia.

EVANGELIUM

Vos amici mei estis, si feceritis quæ ego præcipio vobis.

+ Lécio sancti Evangélii secúndum Ioánnem

15, 9-17

In illo témpore:

Dixit Iesus discíplis suis: « Sicut diléxit me Pater, et ego diléxi vos; manéte in dilectióne mea. Si præcépta mea servavéritis, manébitis in dilectióne mea, sicut ego Patris mei præcépta servávi et máneo in eius dilectióne. Hæc locútus sum vobis, ut gáudium meum in vobis sit, et gáudium vestrum impleátur.

Hoc est præcéptum meum, ut diligátis ínvicem, sicut diléxi vos; maiórem hac dilectiónem nemo habet, ut ánimam suam quis ponat pro amícis suis. Vos amíci mei estis, si fecéritis, quæ ego præcipio vobis. Iam non dico vos servos, quia servus nescit quid facit dóminus eius; vos autem dixi amícos, quia ómnia, quæ audívi a Patre meo, nota feci vobis. Non vos me elegístis, sed ego elégi vos et pósui vos, ut vos eátis et fructum afferátis, et fructus vester máneat, ut quodcúmque petiérítis Patrem in nómine meo det vobis. Hæc mando vobis, ut diligátis ínvicem ».

Verbum Dómini.

Die 13 iulii
S. Teresiæ a Iesu Fernández Solar, virginis
Memoria
In domibus Chilicæ: Festum

LECTIO PRIOR

Sponsabo te mihi in sempiternum.

Lectio libri Osæe prophætæ

2, 16b. 17b. 21-22

Hæc dicit Dóminus:

« Ecce ego ducam eam in solitúdinem
et loquar ad cor eius;
et respondébit ibi
iúxta dies iuventútis suæ
et iúxta dies ascensiónis suæ de terra Ægýpti.
Et sponsábo te mihi in sempitérnum;
et sponsábo te mihi in iustítia et iudício
et in misericórdia et miseratióibus.
Et sponsábo te mihi in fide,
et cognósces Dóminum ».

Verbum Dómini.

PSALMUS RESPONSORIUS

Ps 33, 2-3. 4-5. 6-7. 8-9. 10-11 (R.: 9a)

R. Gustáte et vidéte quóniam suávis est Dóminus.

Benedícam Dóminum in omni témpore,
semper laus eius in ore meo.
In Dómino gloriábitur ánima mea,
áudiant mansuétí et læténtur. **R.**

Magnificáte Dóminum mecum,
et exaltémus nomen eius in idípsum.
Exquisívi Dóminum, et exaudivit me
et ex ómnibus terróribus meis erípuit me. **R.**

Respícite ad eum, et illuminámini
et fácies vestræ non confundéntur.
Iste pauper clamávit, et Dóminus exaudivit eum
et de ómnibus tribulatióibus eius salvávit eum. **R.**

Vallábit ángelus Dómini in circúitu timéntes eum
et erípiet eos.
Gustáte et vidéte quóniam suávis est Dóminus;
beátus vir, qui sperat in eo. **R.**

Timéte Dóminum, sancti eius,
quóniam non est inópia timéntibus eum.
Dívites eguérunt et esuriérunt,
inquiréntes autem Dóminum non deficient omni bono. **℞.**

ALLELUIA

Io 15, 11

℞. Allelúia. **℣.** Hæc locútus sum vobis, dicit Dóminus,
ut gáudium meum in vobis sit,
et gáudium vestrum impleátur. **℞.** Allelúia.

EVANGELIUM

Qui manet in me, et ego in eo, hic fert fructum multum.

+ Lécio sancti Evangélii secúndum Ioánnem

15, 5. 8-17

In illo témpore:

Dixit Iesus discípuis suis: « Ego sum vitis, vos pálmites. Qui manet in me, et ego in eo, hic fert fructum multum, quia sine me nihil potéstis fácere. In hoc glorificátus est Pater meus, ut fructum multum afferátis et efficiámini mei discípuis. Sicut diléxit me Pater, et ego diléxi vos; manéte in dilectiône mea. Si præcépta mea servavéritis, manébitis in dilectiône mea, sicut ego Patris mei præcépta servávi et máneo in eius dilectiône. Hæc locútus sum vobis, ut gáudium meum in vobis sit, et gáudium vestrum impleátur.

Hoc est præcéptum meum, ut diligátis ínvicem, sicut diléxi vos; maiórem hac dilectiónem nemo habet, ut ánimam suam quis ponat pro amícis suis. Vos amíci mei estis, si fecéritis, quæ ego præcípio vobis. Iam non dico vos servos, quia servus nescit quid facit dóminus eius; vos autem dixi amícos, quia ómnia, quæ audívi a Patre meo, nota feci vobis. Non vos me elegístis, sed ego elégi vos et pósui vos, ut vos eátis et fructum afferátis, et fructus vester máneat, ut quodcúmque petiérítis Patrem in nómine meo det vobis. Hæc mando vobis, ut diligátis ínvicem ».

Verbum Dómini.

Die 16 iulii
**BEATÆ MARLÆ VIRGINIS
DE MONTE CARMELO,
PATRONÆ ET TITULARIS ORDINIS NOSTRI**
Sollemnitas

LECTIO PRIMA

Oravit Elias in monte Carmelo, et cœlum dedit pluviam.

Lectio libri primi Regum

18, 42b-45a

In diēbus illis:

Eliās ascēdit in vérticem Carméli et pronus in terram pósuit fáciem inter génuā sua et dixit ad púerum suum: « Ascēde et próspice contra mare ». Qui cum ascēdisset et contemplátus esset, ait: « Non est quidquam ». Et rursus ait illi: « Revértere septem vícibus ». In séptima autem vice dixit: « Ecce nubécula parva quasi manus hómīnis ascēdit de mari ». Et ait: « Ascēde et dic Achab: Iunge et descēde, ne óccupet te plúvia! ». Et factum est intérea: ecce cœli contenebráti sunt, et nubes et ventus, et facta est plúvia grandis.

Verbum Dómini.

PSALMUS RESPONSORIUS

Ps 14, 1. 2-3. 4

℞. Trahe nos, Virgo María; post te currémus.

Dómine, quis habitábit in tabernáculo tuo?
Quis requiēscet in monte sancto tuo? ℞.

Qui ingréditur sine mácula et operátur iustítiam,
qui lóquitur veritátem in corde suo,
qui non egit dolum in lingua sua,
nec fecit próximo suo malum
et oppróbrium non íntulit próximo suo. ℞.

Ad níhilum reputátus est in conspéctu eius malígnus,
timéntes autem Dóminum gloríficat. ℞.

LECTIO SECUNDA

Misit Deus Filium suum, factum ex muliere.

Lectio Epístolæ beáti Pauli apóstoli ad Gálatas

4, 4-7

Fratres:

Ubi venit plenitúdo témporis, misit Deus Fílium suum, factum ex muliere, factum sub lege, ut eos, qui sub lege erant, redímeret, ut adoptiónem filiórū reciperémus. Quóniam autem estis filii, misit Deus Spíritus Filii sui in corda nostra clamántem: « Abba, Pater! ». Itaque iam non es servus sed fílius; quod si fílius, et heres per Deum.

Verbum Dómini.

SEQUENTIA

Hæc sequentia ad libitum dicitur.

Flos Carméli,
vitis florígera,
splendor cæli,
Virgo puérpera
singuláris.

Mater mitis,
sed viri néscia,
carmelítis
esto propítia,
stella maris.

Radix Iesse
gérminans flósculum,
nos adésse
tecum in sáeculum
patiáris.

Inter spinas
quæ crescis lílium,
serva puras
mentes fragílium,
tuteláris!

Armatúra
fortis pugnántium,
furunt bella,
tende præsidium
scapuláris.

Per incérta
prudens consílium,
per advérta
iuge solátium
largiáris.

Mater dulcis
Carméli dómina,
plebem tuam
reple lætítia
qua beáris.

Paradísi
clavis et iánua,
fac nos duci
quo, Mater, glória
coronáris. Amen

ALLELUIA

Lc 11, 28

℞. Allelúia. ℣. Beáti qui áudiunt verbum Dei,
et custódiunt. ℞. Allelúia.

EVANGELIUM

Ecce filius tuus. Ecce mater tua.

+ Lécio sancti Evangélii secúndum Ioánnem

19, 25-27

In illo témpore:

Stabant iuxta crucem Iesu mater eius et soror matris eius, María Cléopæ, et María Magdaléne. Cum vidisset ergo Iesus matrem et discipulum stantem, quem diligébat, dicit matri: « Múlier, ecce filius tuus ». Deínde dicit discipulo: « Ecce mater tua ». Et ex illa hora accépit eam discipulus in sua.

Verbum Dómini.

Die 17 iulii
Ss. Teresiæ a S. Augustino Lidoine et sociarum, virginum et martyrum
Memoria
Martyres in Gallia

LECTIO PRIOR

Neque mors neque vita poterit nos separare a caritate Dei.

Lectio Epistolæ beati Pauli apostoli ad Romanos

8, 31b-39

Fratres:

Si Deus pro nobis, quis contra nos? Qui Filio suo non pepercit, sed pro nobis omnibus tradidit illum, quomodo non etiam cum illo omnia nobis donabit? Quis accusabit adversus electos Dei? Deus, qui iustificat? Quis est qui condemnet? Christus Iesus, qui mortuus est, immo qui suscitatus est, qui et est ad dexteram Dei, qui etiam interpellat pro nobis?

Quis nos separabit a caritate Christi? Tribulatio an angustia an persecutio an fames an nuditas an periculum an gladius? Sicut scriptum est:

*« Propter te mortificamur tota die,
æstimati sumus ut oves occisionis ».*

Sed in his omnibus supervincimus per eum, qui dilexit nos. Certus sum enim quia neque mors neque vita neque angeli neque principatus neque instantia neque futura neque virtutes neque altitudo neque profundum neque alia quælibet creatura poterit nos separare a caritate Dei, quæ est in Christo Iesu Domino nostro.

Verbum Domini.

PSALMUS RESPONSORIUS

Ps 125, 1-2ab. 2cd-3. 4-5. 6 (R.: 5)

R. Qui seminant in lacrimis, in exultatione metent.

In convertendo Dominus captivitatem Sion,
facti sumus quasi somniantes.
Tunc repletum est gaudio os nostrum,
et lingua nostra exultatione. **R.**

Tunc dicebant inter gentes:
« Magnificavit Dominus facere cum eis ».
Magnificavit Dominus facere nobiscum;
facti sumus lætantes. **R.**

Converte, Domine, captivitatem nostram,
sicut torrentes in austro.
Qui seminant in lacrimis,
in exultatione metent. **R.**

Euntes ibant et flebant
semen spargendum portantes;
venientes autem venient cum exultatione
portantes manipulos suos. **R.**

ALLELUIA

Mt 5, 10

℞. Allelúia. ℣. Beáti, qui persecutiónem patiúntur propter iustítiam,
quóniam ipsórum est regnum cælórum. ℞. Allelúia.

EVANGELIUM

Si me persecuti sunt, et vos persequentur.

+ Lécio sancti Evangélii secúndum Ioánnem

15, 18-21

In illo témpore:

Dixit Iesus discíplis suis: « Si mundus vos odit, scitóte quia me priórem vobis ódio hábuit. Si de mundo essétis, mundus, quod suum est, dilígeret; quia vero de mundo non estis, sed ego elégi vos de mundo, proptérea odit vos mundus. Mementóte sermónis, quem ego dixi vobis: Non est servus maior dómimo suo. Si me persecúti sunt, et vos persequéntur; si sermónem meum servavérunt, et vestrum servábunt. Sed hæc ómnia fácient vobis propter nomen meum, quia nésciunt eum, qui misit me ».

Verbum Dómini.

Translata a die 20 iulii
Die 18 iulii
S. Apollinaris, episcopi et martyris

Ut in Lectionario Romano.

Translata a die 23 iulii præter domos Europæ
Die 19 iulii
S. Birgittæ, religiosæ

Ut in Lectionario Romano.

Die 20 iulii
S. ELLÆ PATRIS NOSTRI, PROPHETÆ
Festum

LECTIO PRIOR

Ambulavit in fortitudine cibi illius usque ad montem Dei.

Lectio libri primi Regum

19, 4-9a. 11-14a

In diébus illis:

Perréxit Elías in désertum viam unius diéi; cumque venísset et sedéret subter unam iuníperum, petívit ánimæ suæ, ut morerétur, et ait: « Súfficit mihi, Dómine! Tolle ánimam meam; neque enim mélior sum quam patres mei ». Proiecítque se et obdormívit in umbra iuníperi; et ecce ángelus tétigit eum et dixit illi: « Surge, cómede! ». Respéxit, et ecce ad caput suum subcinerícus panis et vas aquæ; comédit ergo et bibit et rursus obdormívit. Reversúsque est ángelus Dómini secúndo et tétigit eum dixítque illi: « Surge, cómede! Grandis enim tibi restat via ». Qui cum surrexísset, comédit et bibit et ambulávit in fortitúdine cibi illius quadragínta diébus et quadragínta nóctibus usque ad montem Dei Horeb.

Cumque venísset illuc, mansit in spelúnca. Et ait Dóminus ei: « Egrédere et sta in monte coram Dómino ». Et ecce Dóminus transit, et ventus grandis et fortis subvértens montes et cónterens petras ante Dóminum: non in vento Dóminus. Et post ventum, commótió: non in commotióne Dóminus. Et post commotióne, ignis: non in igne Dóminus. Et post ignem, síbilus auræ ténuis. Quod cum audísset Elías, opéruit vultum suum pállio et egréssus stetit in óstio spelúnca; et ecce vox ad eum dicens: « Quid hic agis, Elía? ». Et ille respóndit: « Zelo zelátus sum pro Dómino, Deo exercítuum ».

Verbum Dómini.

PSALMUS RESPONSORIUS

Ps 15, 1-2. 5-6. 8-9. 10-11 (R.: 8a)

R. Proponébam Dóminum in conspéctu meo semper.

Consérva me, Deus, quóniam sperávi in te.
Dixi Dómino: « Dóminus meus es tu,
bonum mihi non est sine te ». **R.**

Dóminus pars hereditátis meæ et cálicis mei:
tu es qui détines sortem meam.
Funes cecidérunt mihi in præcláris;
ínsuper et heréditas mea speciósá est mihi. **R.**

Proponébam Dóminum in conspéctu meo semper,
quóniam a dextris est mihi, non commovébor.
Propter hoc lætátum est cor meum,
et exsultavérunt præcórdia mea;
ínsuper et caro mea requiéscet in spe. **R.**

Quóniam non derelínques ánimam meam in inférno
nec dabis sanctum tuum vidére corruptiÓNem.
Notas mihi fácies vias vitæ,
plenitúdinem lætitiæ cum vultu tuo,
delectatiÓNem in dèxtera tua usque in finem. **℞.**

ALLELUIA

Lc 9, 35b

℞. Allelúia. **℣.** Hic est Fílius meus diléctus;
ipsum audíte. **℞.** Allelúia.

EVANGELIUM

Moyses et Elias loquebantur cum Iesu.

+ Lécitio sancti Evangélii secúndum Lucam

9, 28b-36

In illo témpore:

Assúmpsit Iesus Petrum et Ioánnem et Iacóbum et ascéndit in montem, ut oráret. Et facta est, dum oráret, spécies vultus eius áltera, et vestítus eius albus, refúlgens. Et ecce duo viri loquebántur cum illo, et erant Móyses et Elías, qui visi in glória dicébant éxodum eius, quem completúrus erat in Ierúsalem. Petrus vero et qui cum illo graváti erant somno; et evigilántes vidérunt glóriam eius et duos viros, qui stabant cum illo. Et factum est cum discéderent ab illo, ait Petrus ad Iesum: « Præcéptor, bonum est nos hic esse; et faciámus tria tabernácula: unum tibi et unum Móysi et unum Elíæ », nésciens quid díceret. Hæc autem illo loquente, facta est nubes et obumbrávit eos; et timuérunt intrántibus illis in nubem. Et vox facta est de nube dicens: « Hic est Fílius meus eléctus; ipsum audíte ». Et dum fieret vox, invéntus est Iesus solus. Et ipsi tacuérunt et némini dixérunt in illis diébus quidquam ex his, quæ víderant.

Verbum Dómini.

Die 23 iulii
B. Mariæ Virginis, Matris Divinæ Gratiae
Memoria

LECTIO PRIOR

Quomodo potero sustinere necem populi mei?

Lectio libri Esther

8, 3-8a. 16-17a

In diébus illis:

Esther procidit ad pedes regis flevitque et locúta ad eum orávit, ut malítiam Aman Agagítæ et machinatiónes eius péssimas, quas excogitáverat contra Iudæos, iubéret írritas fieri. At ille ex more sceptrum áureum proténdit manu; illaque consúrgens stetit ante eum et ait: « Si placet regi et si invéni grátiam coram eo, et deprecátio mea non eí vidétur esse contrária, et accépta sum in óculis eius, óbsecro, ut novis epístolis véteres lítteræ Aman filii Amadáthi, Agagítæ, insidiatóris et hostis Iudæórum, quibus eos in cunctis regis provinciis períre præcéperat, corrigántur. Quómodo enim pótero sustinére malum, quod passúrus est pópulus meus, et intéritum cognatiónis meæ? ».

Respondítque rex Asuérus Esther regínæ et Mardocháeo iudæo: « Domum Aman concéssi Esther et ipsum iussi appéndi in patíbulo, quia ausus est manum in Iudæos mittere. Scribite ergo Iudæis sicut vobis placet, ex regis nómine, signántes lítteras ánulo meo ».

Iudæis nova lux oríri visa est, gáudium, honor et tripúdium. Apud omnes pópulos, urbes atque provincias, quocúmque regis iussa veniébant, Iudæis fuit exsultátio.

Verbum Dómini.

PSALMUS RESPONSORIUS

Ps 66, 2-3. 4-5. 6-7 (R.: 2b)

R. Illúminet Deus vultum suum super nos.

Deus misereátur nostri et benedícat nobis;
illúminet vultum suum super nos,
ut cognoscátur in terra via tua,
in ómnibus géntibus salutáre tuum. **R.**

Confiteántur tibi pópuli, Deus;
confiteántur tibi pópuli omnes.
Læténtur et exsúltent gentes,
quóniam iúdicas pópulos in æquitáte
et gentes in terra dírigis. **R.**

Confiteántur tibi pópuli, Deus;
confiteántur tibi pópuli omnes.
Terra dedit fructum suum;
benedícat nos Deus, Deus noster. **R.**

ALLELUIA

℞. Allelúia. ℣. Salve, Mater misericórdiæ:
per te grátiam hauriámus a Christo Deo, Salvatóre nostro. ℞. Allelúia.

EVANGELUM

Et erat mater Iesu ibi.

+ Lécio sancti Evangélii secúndum Ioánnem

2, 1-11

In illo témpore:

Núptiæ factæ sunt in Cana Galilææ, et erat mater Iesu ibi; vocátus est autem et Iesus et discípuli eius ad núptias. Et deficiente vino, dicit mater Iesu ad eum: « Vinum non habent ». Et dicit ei Iesus: « Quid mihi et tibi, múlier? Nondum venit hora mea ». Dicit mater eius mínistris: « Quodcúmque díxerit vobis, fácite ».

Erant autem ibi lapídeæ hýdriæ sex pósito secúndum purificatióem Iudæórum, capiéntes singulæ metrétas binas vel ternas. Dicit eis Iesus: « Impléte hýdrias aqua ». Et implevérunt eas usque ad summum. Et dicit eis: « Hauríte nunc et ferte architriclínó ». Illi autem tulérunt. Ut autem gustávit architriclínus aquam vinum factam et non sciébat unde esset, mínistri autem sciébat, qui haurierant aquam, vocat sponsum architriclínus et dicit ei: « Omnis homo primum bonum vinum ponit et, cum inebriáti fúerint, id quod detérius est; tu servásti bonum vinum usque adhuc ». Hoc fecit inítium signórum Iesus in Cana Galilææ et manifestávit glóriam suam, et credidérunt in eum discípuli eius.

Verbum Dómini.

Die 24 iulii

**Bb. Mariæ a Columna a S. Francisco Borgia Martínez García, Mariæ a Sacratio a S.
Aloysio Gonzaga Moragas Cantarero et sociarum, virginum et martyrum**
Martyres in Hispania

LECTIO PRIOR

Timorem eorum ne timueritis et non conturbemini.

Lectio Epistolæ primæ beāti Petri apóstoli

3, 14-17

Caríssimi:

Si patímmini propter iustítiam, beāti! Timórem autem eórum ne timuéritis et non conturbémini, Dóminum autem Christum sanctificáte in córdibus vestris, paráti semper ad defensiómem omni poscénti vos ratiómem de ea, quæ in vobis est spe; sed cum mansuetúidine et timóre, consciéntiam habéntes bonam, ut in quo de vobis detrectátur, confundántur, qui calumniántur vestram bonam in Christo conversatiómem. Mélius est enim benefaciéntes, si velit volúntas Dei, pati quam malefaciéntes.

Verbum Dómini.

PSALMUS RESPONSORIUS

Ps 123, 2-3. 4-5. 7b-8 (R̄. 7a)

R̄. Anima nostra sicut passer erépta est de láqueo venántium.

Nisi quia Dóminus erat in nobis,
cum exsúrgerent hómines in nos:
forte vivos deglutíssent nos,
cum irascerétur furor eórum in nos. R̄.

Fórsitan aqua absorbuísset nos,
torrens pertransísset ánimam nostram;
fórsitan pertransíssent ánimam nostram
aquæ intumescéntes. R̄.

Láqueus contrítus est,
et nos erépti sumus.
Adiutórium nostrum in nómine Dómini,
qui fecit cælum et terram. R̄.

ALLELUIA

Mt 5, 10

R̄. Allelúia. V̄. Beāti, qui persecutiómem patiúntur propter iustítiam,
quóniam ipsórum est regnum cælórum. R̄. Allelúia.

EVANGELUM

Si granum frumenti mortuum fuerit, multum fructum affert.

+ Lécio sancti Evangélii secúndum Ioánnem

12, 24-26

In illo témpore:

Dixit Iesus discíplis suis: « Amen, amen dico vobis: Nisi granum fruménti cadens in terram mórtuum fúerit, ipsum solum manet; si autem mórtuum fúerit, multum fructum affert. Qui amat ánimam suam, perdit eam; et, qui odit ánimam suam in hoc mundo, in vitam ætérnam custódiat eam. Si quis mihi minístrat, me sequátur, et ubi sum ego, illic et miníster meus erit: si quis mihi ministráverit, honorificábit eum Pater ».

Verbum Dómini.

Die 27 iulii
S. Titi Brandsma, presbyteri et martyris

LECTIO PRIOR

Omnes qui volunt pie vivere in Christo Iesu persecutionem patientur.

Lectio Epistolæ secundæ beati Pauli apostoli ad Timotheum

2, 8-13; 3, 10-12

Carissime:

Memor esto Iesum Christum resuscitatum esse a mortuis, ex semine David, secundum evangelium meum, in quo laboro usque ad vincula quasi male operans, sed verbum Dei non est alligatum! Ideo omnia sustineo propter electos, ut et ipsi salutem consequantur, quæ est in Christo Iesu cum gloria æterna. Fidelis sermo: Nam, si commortui sumus, et convivemus; si sustinemus, et conregnabimus; si negabimus, et ille negabit nos; si non credimus, ille fidelis manet, negare enim seipsum non potest.

Tu autem assecutus es meam doctrinam, institutionem, propositum, fidem, longanimitatem, dilectionem, patientiam, persecutiones, passiones, quæ mihi facta sunt Antiochiæ, Iconii, Lystris, quales persecutiones sustinui; et ex omnibus me eripuit Dominus. Et omnes, qui volunt pie vivere in Christo Iesu, persecutionem patientur.

Verbum Domini.

PSALMUS RESPONSORIUS

Ps 30, 3cd-4. 6 et 8ab. 16bc et 17 (R.: 6a)

R. In manus tuas, Domine, commendo spiritum meum.

Esto mihi in rupem presidii
et in domum munitionem, ut salvum me facias.
Quoniam fortitudo mea et refugium meum es tu
et propter nomen tuum deduces me et pasces me. R.

In manus tuas commendo spiritum meum;
redemisti me, Domine, Deus veritatis.
Exultabo et lætabor in misericordia tua,
quoniam respexisti humilitatem meam. R.

Eripe me de manu inimicorum meorum
et a persecutoribus me;
illustra faciem tuam super servum tuum,
salvum me fac in misericordia tua. R.

ALLELUIA

Io 13, 34

R. Alleluia. V. Mandatum novum do vobis, dicit Dominus,
ut diligatis invicem, sicut dilexi vos. R. Alleluia.

EVANGELIUM

Estote misericordes, sicut et Pater vester misericors est.

+ Lectio sancti Evangelii secundum Lucam

6, 27-38

In illo tempore:

Dixit Iesus discipulis suis: « Vobis dico, qui auditis: Diligite inimicos vestros, bene facite his, qui vos odérunt; benedicite maledicentibus vobis, orate pro calumniantibus vos. Ei qui te percutit in maxillam, præbe et alteram; et ab eo, qui aufert tibi vestimentum, etiam tunicam noli prohibere. Omni petenti te tribue; et ab eo, qui aufert, quæ tua sunt, ne répetas. Et prout vultis, ut faciant vobis homines, facite illis similiter. Et si diligitis eos, qui vos diligunt, quæ vobis est grátia? Nam et peccatores diligentes se diligunt. Et si bene feceritis his, qui vobis bene faciunt, quæ vobis est grátia? Si quidem et peccatores idem faciunt. Et si mútuum dedéritis his, a quibus sperátis recíperere, quæ vobis grátia est? Nam et peccatores peccatoribus fenerántur, ut recípiant æquália.

Verúmtamen diligitis inimicos vestros et bene facite et mútuum date nihil desperántes; et erit merces vestra multa, et éritis filii Altíssimi, quia ipse benígnus est super ingrátos et malos. Estóte misericórdes, sicut et Pater vester miséricors est. Et nolíte iudicáre et non iudicabímmini; et nolíte condemnáre et non condemnabímmini. Dimíttite et dimittémmini; date, et dábitur vobis: mensúram bonam, confértam, coagitátam, supereffluéntem dabunt in sinum vestrum; eádem quippe mensúra, qua mensi fuéritis, remetiétur vobis ».

Verbum Dómini.

Die 28 iulii
B. Ioannis Soreth, presbyteri
In domibus Galliae: Memoria

LECTIO PRIOR

Sicut visitat pastor gregem suum, sic visitabo oves meas.

Lectio libri Ezechiélis prophétæ

34, 11-16

Hæc dicit Dóminus:

« Ecce ego ipse requíram oves meas et visitábo eas. Sicut vísitat pastor gregem suum in die, quando fúerit in médio óvium suárum dissipatárum, sic visitábo oves meas et liberábo eas de ómnibus locis, in quibus dispérsæ fúerant in die nubis et caliginis. Et edúcam eas de pópulis et congregábo eas de terris et indúcam eas in terram suam et pascam eas in móntibus Isræel, in rivis et in cunctis sédibus terræ. In páscuis ubérrimis pascam eas, et in móntibus excélsis Isræel erunt páscua eárum; ibi requiéscent in herbis viréntibus et in páscuis pínguibus pascéntur super montes Isræel. Ego pascam oves meas et ego eas accubáre faciám, dicit Dóminus Deus. Quod perierat, requíram et, quod eiéctum erat, redúcam et, quod confráctum fúerat, alligábo et, quod infirmum erat, consolidábo et, quod pingue et forte, custódiam et pascam illas in iudício ».

Verbum Dómini.

PSALMUS RESPONSORIUS

Ps 22, 1-3. 4. 5. 6 (R.: 1)

R. Dóminus pascit me, et nihil mihi déerit.

Dóminus pascit me, et nihil mihi déerit:
in páscuis viréntibus me collocávit,
super aquas quiétis edúxit me,
ánimam meam refécit.
Dedúxit me super sémitas iustítiæ propter nomen suum. **R.**

Nam et si ambulávero in valle umbræ mortis,
non timébo mala, quóniam tu mecum es.
Virga tua et báculo tuus,
ipsa me consoláta sunt. **R.**

Parásti in conspéctu meo mensam
advérsus eos, qui tríbulant me;
impinguásti in óleo caput meum,
et calix meus redúndat, **R.**

Etenim benígnitas et misericórdia subsequéntur me
ómnibus diébus vitæ meæ,
et inhabitábo in domo Dómini
in longitudínem diérum. **R.**

ALLELUIA

Io 8, 12

℞. Allelúia. ℣. Ego sum lux mundi, dicit Dóminus;
qui séquitur me habébit lucem vitæ. ℞. Allelúia.

EVANGELIUM

Sequar te, quocumque ieris.

+ Lécitio sancti Evangélii secúndum Lucam

9, 57-62

In illo témpore:

Ambulántibus Iesu et discíplis suis in via, dixit quidam ad illum: « Sequar te, quocúmque íeris ». Et ait illi Iesus: « Vulpes fôveas habent et vólucres cæli nidos, Fílius autem hóminis non habet, ubi caput reclínet ». Ait autem ad álterum: « Séquere me ». Ille autem dixit: « Dómine, permítte mihi primum ire et sepelíre patrem meum ». Dixítque ei Iesus: « Sine, ut mórtui sepéliant mórtuos suos; tu autem vade, annúntia regnum Dei ». Et ait alter: « Sequar te, Dómine, sed primum permítte mihi renuntiáre his, qui domi sunt ». Et ait ad illum Iesus: « Nemo mittens manum suam in arátrum et aspíciens retro, aptus est regno Dei ».

Verbum Dómini.

AUGUSTUS

Translata a die 7 augusti

Die 3 augusti

Ss. Xysti II, papæ, et sociorum, martyrum

vel

S. Caietani, presbyteri

Ut in Lectionario Romano.

Die 7 augusti
S. Alberti a Drepano, presbyteri
Memoria

LECTIO PRIOR

Prædicamus Iesum Christum.

Lectio Epistolæ secundæ beāti Pauli apóstoli ad Corínthios

4, 1-6

Fratres:

Habéntes ministratiónem, iuxta quod misericórdiam consecúti sumus, non defícimus, sed abdicávimus occúlta dedécoris non ambulántes in astútia neque adulterántes verbum Dei, sed in manifestatióne veritátis commendántes nosmetípsos ad omnem consciéntiam hóminum coram Deo.

Quod si étiam velátum est evangélium nostrum, in his, qui péreunt, est velátum, in quibus deus huius sæculi excæcávit mentes infidélium, ut non fúlgeat illuminátio evangélii glóriæ Christi, qui est imágo Dei. Non enim nosmetípsos prædicámus sed Iesum Christum Dóminum; nos autem servos vestros per Iesum. Quóniam Deus qui dixit: « De ténebris lux splendéscat », ipse illúxit in córdibus nostris ad illuminatiónem sciéntiæ claritátis Dei in fácie Iesu Christi.

Verbum Dómini.

PSALMUS RESPONSORIUS

Ps 1, 1-2. 3. 4 et 6 (R.: Ps 91, 13-14)

R. Iustus ut palma florébit in átriis Dei nostri.

Beátus vir, qui non ábiit in consílio impiórum
et in via peccatórum non stetit
et in convéntu derisórum non sedit,
sed in lege Dómini volúntas eius,
et in lege eius meditábitur die ac nocte. R.

Et erit tamquam lignum plantátum secus decúrsus aquárum,
quod fructum suum dabit in témpore suo;
et fólium eius non défluet,
et ómnia, quæcúmque fáciat, prosperabúntur. R.

Non sic ímpii, non sic,
sed tamquam pulvis, quem próicit ventus.
Quóniam novit Dóminus viam iustórum,
et iter impiórum períbit, R.

ALLELUIA

Mt 5, 8

R. Allelúia. V. Beāti mundo corde,
quóniam ipsi Deum vidébunt. R. Allelúia.

EVANGELIUM

Quaecumque habes vende, et da pauperibus, et veni, sequere me.

+ Lectio sancti Evangelii secundum Marcum

10, 17-30

In illo tempore:

Cum egrederetur Iesus in viam, accurrens quidam et, genu flexo ante eum, rogabat eum: « Magister bone, quid faciam ut vitam aeternam percipiam? ». Iesus autem dixit ei: « Quid me dicis bonum? Nemo bonus nisi unus Deus. Praecepta nosti: *ne occidas, ne adulteres, ne fureris, ne falsum testimonium dixeris, ne fraudem feceris, honora patrem tuum et matrem* ».

Ille autem dixit ei: « Magister, haec omnia conservavi a iuventute mea ». Iesus autem intuitus eum dilexit eum et dixit illi: « Unum tibi deest: vade, quaecumque habes, vende et da pauperibus et habebis thesaurum in caelo et veni, sequere me ». Qui contristatus in hoc verbo, abiit mærens: erat enim habens possessiones multas.

Et circumspiciens Iesus ait discipulis suis: « Quam difficile, qui pecunias habent, in regnum Dei introibunt ». Discipuli autem obstupescabant in verbis eius. At Iesus rursus respondens ait illis: « Filii, quam difficile est in regnum Dei introire. Facilius est camelum per foramen acus transire quam divitem intrare in regnum Dei ». Qui magis admirabantur dicentes ad semetipsos: « Et quis potest salvus fieri? ». Intuens illos Iesus ait: « Apud homines impossibile est sed non apud Deum: omnia enim possible sunt apud Deum ».

Cœpit Petrus ei dicere: « Ecce nos dimisimus omnia et secuti sumus te ». Ait Iesus: « Amen dico vobis: Nemo est, qui reliquerit domum aut fratres aut sorores aut matrem aut patrem aut filios aut agros propter me et propter evangelium, qui non accipiat centies tantum nunc in tempore hoc, domos et fratres et sorores et matres et filios et agros cum persecutionibus, et in saeculo futuro vitam aeternam ».

Verbum Dómini.

Die 9 augusti
S. Teresiæ Benedictæ a Cruce Stein, virginis et martyris

Memoria
In domibus Europæ: Patrona Europæ
Festum

LECTIO PRIOR

Non habeo defensor præter te, Domine.

Lectio libri Ester

4, 17 n. p-r. aa-bb. gg-hh (Vulg.)

In diébus illis:

Esther regína confúgit ad Dóminum pavens perículum mortis, quod imminébat. Et deprecabátur Dóminum Deum Israel dicens:

« Dómine mi, rex noster es solus, ádiuva me solitáriam, et cuius præter te nullus est auxiliátor álius. Perículum meum in mánibus meis est. Audívi a patre meo quod tu, Dómine, tulisses Israel de cunctis géntibus et patres nostros ex ómnibus retro maióribus suis, ut possidéres hereditátem sempitérnam; fecístique eis sicut locútus es.

Meménto, Dómine, et osténde te nobis in témpore tribulatiónis nostræ, et da mihi fidúciam, Dómine, rex deórum et univérsæ potestátis. Tribue sermónem compósitum in ore meo in conspéctu leónis, et transfer cor illíus in ódium hostis nostri, ut et ipse péreat et céteri qui ei conséntiunt.

Nos autem líbera manu tua, et ádiuva me, nullum áliud auxiliúm habéntem nisi te, Dómine, qui habes ómnium sciéntiam ».

Verbum Dómini.

PSALMUS RESPONSORIUS

Ps 33, 2-3. 4-5. 6-7. 8-9 (R.: cf. Ps 17, 29)

R. Tu, Dómine, illúminas ténebras.

Benedícam Dóminum in omni témpore,
semper laus eius in ore meo.

In Dómino gloriábitur ánima mea,
áudiant mansuétí et læténtur. R.

Magnificáte Dóminum mecum,
et exaltémus nomen eius in idípsum.
Exquisívi Dóminum, et exaudívit me
et ex ómnibus terróribus meis erípuit me. R.

Respícite ad eum, et illuminámini
et fácies vestræ non confundéntur.
Iste pauper clamávit, et Dóminus exaudívit eum
et de ómnibus tribulatiónebus eius salvávit eum. R.

Vallábit ángelus Dómini in circúitu timéntes eum
et erípiet eos.
Gustáte et vidéte quóniam suávis est Dóminus;

beátus vir, qui sperat in eo. **℞.**

ALLELUIA

Ez 37, 27

℞. Allelúia. **℣.** Erit habitáculum meum in eis,
et ero eis Deus, et ipsi érunť mihi pópulus. **℞.** Allelúia.

EVANGELIUM

Veri adoratores adorabunt Patrem in spiritu et veritate.

+ Lécťio sancti Evangéľii secúndum Ioánnem

4, 19-24

In illo témpore:

Múlier [Samaritána] dicit Iesu: « Dómine, vídeo quia prophéta es tu. Patres nostri in monte hoc adoravérunt, et vos dícitis quia in Hierosólymis est locus, ubi adoráre opórtet ». Dicit ei Iesus: « Crede mihi, múlier, quia venit hora quando neque in monte hoc neque in Hierosólymis adorábitis Patrem. Vos adorátis, quod nescítis; nos adorámus, quod scimus, quia salus ex Iudáeis est. Sed venit hora, et nunc est, quando veri adoratóres adorábunt Patrem in Spíritu et veritáte; nam et Pater tales quærit, qui adórent eum. Spíritus est Deus, et eos, qui adórant eum, in Spíritu et veritáte opórtet adoráre ».

Verbum Dómini.

Die 18 augusti
Bb. Leonardi Duverneuil, Michaelis Aloysii Brulard, Huberti a S. Claudio Gagnot,
presbyterorum, et sociorum, martyrum
Martyres in Gallia

LECTIO PRIOR

Beatus vir qui suffert tentationem.

Lectio Epistolæ beati Iacobi apóstoli

1, 2-4. 12

Omne gáudium existimáte, fratres mei, cum in tentatióibus váriis incidéritis, sciéntes quod probátio fidei vestræ patiéntiam operátur; patiéntia autem opus perféctum hábeat, ut sitis perfécti et íntegri, in nullo deficientes.

Beátus vir, qui suffert tentatiónem, quia, cum probátus fúerit, accípiet corónam vitæ, quam repromísit Deus diligéntibus se.

Verbum Dómini.

PSALMUS RESPONSORIUS

Ps 125, 1-2ab. 2cd-3. 4-5. 6 (R.: 5)

R. Qui sémant in lácrimis, in exsultatióne metent.

In converténdo Dóminus captivitátem Sion,
facti sumus quasi somniántes.
Tunc replétum est gáudio os nostrum,
et lingua nostra exsultatióne. **R.**

Tunc dicébant inter gentes:
« Magnificávit Dóminus fácere cum eis ».
Magnificávit Dóminus fácere nobíscum;
facti sumus lætántes. **R.**

Convérte, Dómine, captivitátem nostram,
sicut torréntes in austro.
Qui sémant in lácrimis,
in exsultatióne metent. **R.**

Eúntes ibant et flebant
semen spargéndum portántes;
veniéntes autem vénient cum exsultatióne
portántes manípulos suos. **R.**

ALLELUIA

1 Petr 4, 14

R. Allelúia. **V.** Si exprobrámini in nómine Christi, beáti,
quóniam Spíritus Dei super vos requiéscit. **R.** Allelúia.

EVANGELIUM

Qui perdiderit animam suam propter me, hic salvam faciet illam.

+ Lécitio sancti Evangélii secúndum Lucam

9, 23-26

In illo témpore:

Dicébat Iesus ad omnes: « Si quis vult post me veníre, ábneget semetípsum et tollat crucem suam cotidie et sequátur me. Qui enim volúerit ánimam suam salvam fácere, perdet illam; qui autem perdíderit ánimam suam propter me, hic salvam faciet illam. Quid enim próficit homo, si lucrétur univérsum mundum, se autem ipsum perdat vel detriméntum sui fáciat? Nam qui me erubúerit et meos sermónes, hunc Fílius hóminis erubéscet, cum vénerit in glória sua et Patris et sanctórum angelórum ».

Verbum Dómini.

Translata a die 25 augusti
Die 23 augusti
S. Ludovici
vel
S. Iosephi de Calasanz, presbyteri

Ut in Lectionario Romano.

Die 25 augusti
S. Mariæ a Iesu Crucifixo Baouardy, virginis
Memoria

LECTIO PRIOR

Quos iustificavit, illos et glorificavit.

Lectio Epistolæ beati Páuli apóstoli ad Romános

8, 26-30

Fratres:

Spíritus ádiuvat infirmitátem nostram; nam quid orémus sicut opórtet, nescimus, sed ipse Spíritus interpéllat gemítibus inenarrábilibus; qui autem scrutátur corda, scit quid desíderet Spíritus, quia secúndum Deum póstulat pro sanctis.

Scimus autem quóniam diligentibus Deum ómnia cooperántur in bonum, his, qui secúndum propósitum vocáti sunt. Nam, quos præscívit, et prædestinávit confórmes fieri imáginis Filii eius, ut sit ipse primogénitus in multis frátribus; quos autem prædestinávit, hos et vocávit; et quos vocávit, hos et iustificávit; quos autem iustificávit, illos et glorificávit.

Verbum Dómini.

PSALMUS RESPONSORIUS

Ps 44, 11-12. 14-15. 16-17 (R.: Mt 25, 6b)

R. Ecce sponsus: exíte óbviám Christo Dómino.

Audi, filia, et vide, et inclína aurem tuam
et oblivíscere pópulum tuum et domum patris tui;
et concupíscet rex spéciem tuam.
Quóniam ipse est dóminus tuus, et adóra eum. R.

Gloriósá nimis filia regis intrínsecus,
textúris áureis circumamícta.
In véstibus variegátis adducétur regi;
vírgines post eam, próximæ eius, afferúntur tibi. R.

Afferúntur in lætítia et exsultatióne,
adducúntur in domum regis.
Pro pátribus tuis erunt tibi filii;
constítues eos príncipes super omnem terram. R.

ALLELUIA

Cf. Mt 11, 25

R. Allelúia. V. Benedíctus es, Pater, Dómine cæli et terræ,
quia mystéria regni párvulis revelásti. R. Allelúia.

EVANGELIUM

Abscondisti hæc a sapientibus et revelasti ea parvulis.

+ Lécio sancti Evangélii secúndum Matthæum

Mt 11, 25-30

In illo témpore respóndens Iesus dixit:

« Confíteor tibi, Pater, Dómine cæli et terræ, quia abscondísti hæc a sapiéntibus et prudéntibus et revelásti ea párvulis. Ita, Pater, quóniam sic fuit plácitum ante te. Ómnia mihi trádita sunt a Patre meo; et nemo novit Fílium nisi Pater, neque Patrem quis novit nisi Fílius et cui volúerit Fílius reveláre.

Veníte ad me, omnes, qui laborátis et oneráti estis, et ego refíciam vos. Tóllite iugum meum super vos et díscite a me, quia mitis sum et húmilis corde, et inveniétis réquiem animábus vestris. Iugum enim meum suáve et onus meum leve est ».

Verbum Dómini.

Die 26 augusti
In transverberatione cordis S. Teresiæ a Iesu matris nostræ

LECTIO PRIOR

Cáritas numquam éxcidit.

Léctio Epístolæ primæ beáti Pauli apóstoli ad Corínthios

12, 31 – 13, 13

Fratres:

Æmulámini charísmata maióra. Et adhuc excellentiorem viam vobis demónstro.

Si línguis hóminum loquar et angelórum, caritátem autem non hábeam, factus sum velut æs sonans aut cýmbalum tínniens.

Et si habúero prophetíam et nóverim mystéria ómnia et omnem sciéntiam, et si habúero omnem fidem, ita ut montes tránsferam, caritátem autem non habúero, nihil sum.

Et si distribúero in cibos omnes facultátes meas et si tradídero corpus meum, ut glórier, caritátem autem non habúero, nihil mihi prodest.

Cáritas pátiens est, benígna est cáritas, non æmulátur, non agit supérbe, non inflátur, non est ambitiósá, non quærit, quæ sua sunt, non irritátur, non cógitat malum, non gaudet super iniquitátem, congáudet autem veritáti; ómnia suffert, ómnia credit, ómnia sperat, ómnia sústinet.

Cáritas numquam éxcidit. Sive prophetiæ, evacuabúntur; sive linguæ, cessábunt; sive sciéntia, destruétur. Ex parte enim cognóscimus et ex parte prophetámus; cum autem vénerit, quod perféctum est, evacuábitur, quod ex parte est. Cum essem párvulus, loquébar ut párvulus, sapiébam ut párvulus, cogitábam ut párvulus; quando factus sum vir, evacuávi, quæ erant párvuli. Vidémus nunc per spéculum in ænigmaté, tunc autem fácie ad fáciem; nunc cognóscó ex parte, tunc autem cognóscam, sicut et cógnitus sum.

Nunc autem manet fides, spes, cáritas, tria hæc; maior autem ex his est cáritas.

Verbum Dómini.

PSALMUS RESPONSORIUS

Ps 39, 2 et 4ab. 7-8a. 8b-9. 10 (R.: cf. 1 Sam 2, 1b; Lc 1, 47)

R. Exsultávit cor meum in Deo salvatóre meo.

Exspéctans exspectávi Dóminum,
et inténdit mihi.

Et immísit in os meum cánticum novum,
carmen Deo nostro. **R.**

Sacrificium et oblatiónem noluísti,
aures autem fodísti mihi.

Holocáustum et pro peccáto non postulásti,
tunc dixi: « Ecce vénio. **R.**

In volúmine libri scriptum est de me.

Fácere voluntátem tuam,
Deus meus, vólui;
et lex tua in præcórdiis meis ». **R.**

Annuntiávi iustítiam tuam in ecclésia magna;
ecce lábia mea non prohibébo, Dómine, tu scisti. **R.**

ALLELUIA

1 Io 4, 7b

℞. Allelúia. ℣. Omnis, qui díligit, ex Deo natus est
et cognóscit Deum. ℞. Allelúia.

EVANGELIUM

Mansionem apud eum faciemus.

+ Lécitio sancti Evangélii secúndum Ioánnem

14, 23-27

In illo témpore:

Dixit Iesus discípuis suis: « Si quis díligit me, sermónem meum servábit, et Pater meus díliget eum, et ad eum veniémus et mansiónem apud eum faciemus; qui non díligit me, sermónes meos non servat. Et sermo quem audítis, non est meus, sed eius qui misit me, Patris.

Hæc locútus sum vobis apud vos manens. Paráclitus autem, Spíritus Sanctus, quem mittet Pater in nómine meo, ille vos docébit ómnia et súggeret vobis ómnia, quæ dixi vobis. Pacem relínquo vobis, pacem meam do vobis; non quómodo mundus dat, ego do vobis. Non turbétur cor vestrum neque formídet ».

Verbum Dómini.

SEPTEMBER

Die 1 septembris
S. Teresiæ Margaritæ a S. Corde Iesu Redi, virginis

Memoria
In domibus Italiæ: Festum

LECTIO PRIOR

Scire supereminentem scientiæ caritatem Christi.

Lectio Epistolæ beati Pauli apostoli ad Ephésios

3, 8-12. 14-21

Fratres:

Mihi ómnium sanctorum mínimo data est grátia hæc: géntibus evangelizare investigábiles divítias Christi et illuminare omnes, quæ sit dispensatio mystérii absconditi a sæculis in Deo, qui ómnia creávit, ut innotéscat nunc principátibus et potestátibus in cælestibus per ecclésiám multifórmis sapiéntia Dei secúndum propósitum sæculórum, quod fecit in Christo Iesu Dómino nostro, in quo habémus fidúciam et accéssum in confidéntia per fidem eius.

Huius rei grátia flecto gèna mea ad Patrem, ex quo omnis patérnitas in cælis et in terra nominátur, ut det vobis secúndum divítias glóriæ suæ virtúte corroborári per Spíritum eius in interiorem hóminem, habitare Christum per fidem in córdibus vestris, in caritate radicáti et fundáti, ut valeátis comprehendere cum ómnibus sanctis quæ sit latitúdo et longitúdo et sublimitas et profúndum, scire étiam supereminentem scientiæ caritatem Christi, ut impleámini in omnem plenitúdinem Dei.

Ei autem qui potens est supra ómnia facere superabundanter quam pétimus aut intellégimus, secúndum virtútem, quæ operátur in nobis, ipsi glória in Ecclésiá et in Christo Iesu in omnes generatiónes sæculi sæculórum. Amen.

Verbum Dómini.

PSALMUS RESPONSORIUS

Ps 33, 2-3. 4-5. 6-7. 8-9. 10-11 (R.: 9 a)

R. Gustáte et vidéte quóniam suávis est Dóminus.

Benedícam Dóminum in omni témpore,
semper laus eius in ore meo.
In Dómino gloriábitur ánima mea,
áudiant mansuéti et læténtur. R.

Magnificáte Dóminum mecum,
et exaltémus nomen eius in idípsum.
Exquisívi Dóminum, et exaudivit me
et ex ómnibus terróribus meis erípuit me. R.

Respícite ad eum, et illuminámini
et fácies vestræ non confundéntur.
Iste pauper clamávit, et Dóminus exaudivit eum
et de ómnibus tribulatióibus eius salvávit eum. R.

Vallábit ángelus Dómini in circúitu timéntes eum
et erípiet eos.
Gustáte et vidéte quóniam suávis est Dóminus;
beátus vir, qui sperat in eo. **℞.**

Timéte Dóminum, sancti eius,
quóniam non est inópia timéntibus eum.
Dívites eguérunt et esuriérunt,
inquiréntes autem Dóminum non defícient omni bono. **℞.**

ALLELUIA

1 Io 2, 5

℞. Allelúia. **℣.** Qui servat verbum Christi,
vere in hoc cáritas Dei consummáta est. **℞.** Allelúia.

EVANGELIUM

Manete in dilectione mea.

+ Lécio sancti Evangélii secúndum Ioánnem

15, 9-17

In illo témpore:

Dixit Iesus discíplis suis: « Sicut diléxit me Pater, et ego diléxi vos; manéte in dilectióne mea. Si præcépta mea servavéritis, manébitis in dilectióne mea, sicut ego Patris mei præcépta servávi et máneo in eius dilectióne. Hæc locútus sum vobis, ut gáudium meum in vobis sit, et gáudium vestrum impleátur.

Hoc est præcéptum meum, ut diligátis ínvicem, sicut diléxi vos; maiórem hac dilectiónem nemo habet, ut ánimam suam quis ponat pro amícis suis. Vos amíci mei estis, si fecéritis, quæ ego præcípio vobis. Iam non dico vos servos, quia servus nescit quid facit dóminus eius; vos autem dixi amícos, quia ómnia, quæ audívi a Patre meo, nota feci vobis. Non vos me elegístis, sed ego elégi vos et pósui vos, ut vos eátis et fructum afferátis, et fructus vester máneat, ut quodcúmque petiérítis Patrem in nómine meo det vobis. Hæc mando vobis, ut diligátis ínvicem ».

Verbum Dómini.

Die 11 septembris
B. Mariæ a Iesu López de Rivas, virginis
In domibus Hispaniæ: Memoria

LECTIO PRIOR

Neque mors neque vita poterit nos separare a caritate Dei.

Lectio Epistolæ beati Pauli apostoli ad Romános

8, 31b-39

Fratres:

Si Deus pro nobis, quis contra nos? Qui Fílio suo non pepércit, sed pro nobis ómnibus trádidit illum, quómo modo non étiam cum illo ómnia nobis donábit? Quis accusábit advérsus eléctos Dei? Deus, qui iustificat? Quis est qui condémnet? Christus Iesus, qui mórtuus est, immo qui suscitátus est, qui et est ad dexteram Dei, qui étiam interpéllat pro nobis?

Quis nos separábit a caritáte Christi? Tribulátio an angústia an persecútio an fames an núditas an perículum an gládus? Sicut scriptum est:

*« Propter te mortificámur tota die,
æstimáti sumus ut oves occisiónis ».*

Sed in his ómnibus supervíncimus per eum, qui diléxit nos. Certus sum enim quia neque mors neque vita neque ángeli neque principátus neque instántia neque futúra neque virtútes neque altitúdo neque profúndum neque ália quælibet creatúra póterit nos separáre a caritáte Dei, quæ est in Christo Iesu Dómino nostro.

Verbum Dómini.

PSALMUS RESPONSORIUS

Ps 33, 2-3. 4-5. 6-7. 8-9. 10-11 (R.: 9a)

R. Gustáte et vidéte quóniam suávis est Dóminus.

Benedícam Dóminum in omni témpore,
semper laus eius in ore meo.
In Dómino gloriábitur ánima mea,
áudiant mansuétí et læténtur. **R.**

Magnificáte Dóminum mecum,
et exaltémus nomen eius in idípsum.
Exquisívi Dóminum, et exaudivit me
et ex ómnibus terróribus meis erípuit me. **R.**

Respícite ad eum, et illuminámini
et fácies vestræ non confundéntur.
Iste pauper clamávit, et Dóminus exaudivit eum
et de ómnibus tribulatiónebus eius salvávit eum. **R.**

Vallábit ángelus Dómini in circúitu timéntes eum
et erípiet eos.
Gustáte et vidéte quóniam suávis est Dóminus;
beátus vir, qui sperat in eo. **R.**

Timéte Dóminum, sancti eius,
quóniam non est inópia timéntibus eum.
Dívites eguérunt et esuriérunt,
inquiréntes autem Dóminum non deficient omni bono. **℞.**

ALLELUIA

Io 14, 21

℞. Allelúia. **℣.** Qui díligit me, diligétur a Patre meo,
et ego díligam eum et manifestábo ei meípsum. **℞.** Allelúia.

EVANGELIUM

Qui habet mandata mea et servat ea, ille est qui diligit me.

+ Lécio sancti Evangélii secúndum Ioánnem

14, 13-21

In illo témpore:

Dixit Iesus discíplis suis: « Quodcúmque petiéritis in nómine meo, hoc fáciam, ut glorificétur Pater in Fílio; si quid petiéritis me in nómine meo, ego fáciam.

Si díligitis me, mandáta mea servábitis; et ego rogábo Patrem, et álium Paráclitum dabit vobis, ut máneat vobíscum in aetérnum, Spíritum veritátis, quem mundus non potest accípere, quia non videt eum nec cognóscit. Vos cognóscitis eum, quia apud vos manet; et in vobis erit. Non relínquam vos órphanos; vénio ad vos. Adhuc módicum, et mundus me iam non videt; vos autem vidétis me, quia ego vivo et vos vivétis. In illo die vos cognoscétis quia ego sum in Patre meo, et vos in me et ego in vobis. Qui habet mandáta mea et servat ea, ille est qui díligit me; qui autem díligit me, diligétur a Patre meo, et ego díligam eum et manifestábo ei meípsum ».

Verbum Dómini.

Die 17 septembris
S. ALBERTI HIEROSOLYMITANI, EPISCOPI ET LEGISLATORIS ORDINIS NOSTRI
Festum

LECTIO PRIOR

Accipite armaturam Dei.

Lectio Epistolæ beati Pauli apostoli ad Ephésios

6, 10-18

Fratres:

Confortámini in Dómino et in poténtia virtútis eius. Indúite armatúram Dei, ut possítis stare advérsus insídias Diáboli. Quia non est nobis colluctátio advérsus sánguinem et carnem sed advérsus principátus, advérsus potestátes, advérsus mundi rectóres tenebrárum harum, advérsus spiritalia nequítiae in cæléstibus.

Proptérea accípите armatúram Dei, ut possítis resístere in die malo et, ómnibus perféctis, stare. State ergo succínti lumbos vestros in veritate et indúti lorícam iustítiae et calceáti pedes in præparatióne evangélii pacis, in ómnibus suméntes scutum fidei, in quo possítis ómnia tela Malígna ígnea exstínguere; et gáleam salútis assúmite et gládium Spíritus, quod est verbum Dei, per omnem oratióne et obsecratióne orántes omni témpore in Spíritu, et in ipso vigilántes in omni instántia et obsecratióne pro ómnibus sanctis.

Verbum Dómini.

PSALMUS RESPONSORIUS

Ps 118, 97. 101-102. 103 et 105. 111 et 125. 129-130 (R.: 105)

R. Lucérna pédibus meis verbum tuum, et lumen sémitis meis.

Quómodo diléxi legem tuam, Dómine;
tota die meditatio mea est. **R.**

Ab omni via mala prohibui pedes meos,
ut custódiam verba tua.
A iudíciis tuis non declinávi,
quia tu legem posuísti mihi. **R.**

Quam dúlcia fáucibus meis elóquia tua,
super mei ori meo.
Lucérna pédibus meis verbum tuum
et lumen sémitis meis. **R.**

Heréditas mea testimónia tua in aetérnum,
quia exsultatio cordis mei sunt.
Servus tuus sum ego;
da mihi intélectum, ut sciam testimónia tua. **R.**

Mirabilia testimónia tua,
ídeo servávit ea ánima mea.
Declaratio sermónum tuórum illúminat
et intélectum dat párvulis. **R.**

ALLELUIA

Cf. Col 3, 16a. 17

℞. Allelúia. ℣. Verbum Christi hábitet in vobis abundánte;
et quaecúmque vobis agénda sunt, in verbo Dómini fiant. ℞. Allelúia.

EVANGELIUM

Filius hominis non venit ministrari, sed ministrare.

+ Lécio sancti Evangélii secúndum Matthæum

20, 25-28

In illo témpore:

Dixit Iesus discíplis suis: « Scitis quia príncipes géntium dominántur eórum et, qui magni sunt potestátem exercent in eos. Non ita inter vos, sed quicumque volúerit inter vos magnus fieri, erit vester miníster; et, quicumque volúerit inter vos primus esse, erit vester servus; sicut Fílius hóminis non venit ministrári sed ministráre et dare ánimam suam redemptiónem pro multis ».

Verbum Dómini.

Translata a die 17 septembris

Die 18 septembris

S. Roberti Bellarmino, episcopi et Ecclesiæ doctoris

vel

S. Hildegardis Bingensis, virginis et Ecclesiæ doctoris

Ut in Lectionario Romano.

OCTOBER

Die 1 octobris

S. TERESIAE A IESU INFANTE, VIRGINIS ET ECCLESIAE DOCTORIS

Festum

In domibus Galliae: Sollemnitas

Ubi et quando celebratur gradu sollemnitatis legitur duo lectiones.

LECTIO PRIOR

Ecce ego dirigam ad eam quasi fluvium pacem.

Lectio libri Isaías prophetae

66, 10-14c

Lætámini cum Ierúsalem et exultáte in ea,
omnes, qui dilígitis eam;
gaudéte cum ea gáudio,
univérsi, qui lugebátis super eam,
ut sugátis et repleámini
ab úbere consolatiónis eius,
ut mulgeátis et delíciis affluátis
ex ubéribus glóriæ eius.
Quia hæc dicit Dóminus:
« Ecce ego dírigam ad eam quasi flúvium pacem
et quasi torréntem inundántem glóriam géntium.
Sugétis, in ulnis portabímini,
et super génua blandiéntur vobis.
Quómodo si quem mater consolátur,
ita ego consolábor vos;
et in Ierúsalem consolabímini.
Vidébitis, et gaubébit cor vestrum,
et ossa vestra quasi herba germinábunt,
et cognoscétur manus Dómini servis eius ».

Verbum Dómini.

Vel:

Si diligamus invicem, Deus in nobis manet.

Lectio Epístolæ primæ beáti Ioánnis apóstoli

4, 7-16

Caríssimi, diligámus nos ínvicem, quóniam cáritas ex Deo est, et omnis qui díligit, ex Deo natus est et cognóscit Deum. Qui non díligit, non cognóvit Deum, quóniam Deus cáritas est. In hoc appáruit cáritas Dei in nobis, quóniam Fílium suum unigénitum misit Deus in mundum, ut vivámus per eum. In hoc est cáritas, non quasi nos dilexérimus Deum, sed quóniam ipse diléxit nos et misit Fílium suum propitiatiónem pro peccátis nostris.

Caríssimi, si sic Deus diléxit nos, et nos debémus alterutrum diligere. Deum nemo vidit umquam; si diligámus ínvicem, Deus in nobis manet, et caritas eius in nobis consummata est. In hoc cognóscimus quóniam in ipso manémus, et ipse in nobis, quóniam de Spíritu suo dedit nobis. Et nos vídimus et testificámur quóniam Pater misit Fílium suum salvatórem mundi. Quisque conféssus fúerit: « Iesus est Fílius Dei », Deus in ipso manet, et ipse in Deo. Et nos, qui crédimus, nóvimus caritátem, quam habet Deus in nobis. Deus caritas est, et, qui manet in caritáte, in Deo manet, et Deus in eo manet.

Verbum Dómini.

PSALMUS RESPONSORIUS

Ps 102, 1-2. 8-9. 17-18 (R.: 13)

R. Quómodo miserétur pater filiórum, misértus est Dóminus timéntibus se.

Bénedic, ánima mea, Dómino,
et ómnia quæ intra me sunt, nómini sancto eius.
Bénedic, ánima mea, Dómino
et noli oblivísci omnes retributiónes eius. R.

Miserátor et miséricors Dóminus,
longánimis et multæ misericórdiæ.
Non in perpétuum conténdet
neque in ætérnum irascétur. R.

Misericórdia autem Dómini ab ætérno
et usque in ætérnum super timéntes eum;
et iustítia illíus in filios filiórum,
in eos qui servant testaméntum eius
et mémores sunt mandatórum ipsíus ad faciéndum ea. R.

ALLELUIA

Cf. Mt 11, 25

R. Allelúia. V. Benedíctus es, Pater, Dómine cæli et terræ,
quia mystéria regni párvulis revelásti. R. Allelúia.

EVANGELIUM

Abcondisti hæc a sapientibus, et revelasti ea parvulis.

+ Lécio sancti Evangélli secúndum Matthæum

11, 25-30

In illo témpore respóndens Iesus dixit:

« Confíteor tibi, Pater, Dómine cæli et terræ, quia abscondísti hæc a sapiéntibus et prudéntibus et revelásti ea párvulis. Ita, Pater, quóniam sic fuit plácitum ante te. Ómnia mihi trádita sunt a Patre meo; et nemo novit Fílium nisi Pater, neque Patrem quis novit nisi Fílius et cui volúerit Fílius reveláre.

Veníte ad me, omnes, qui laborátis et oneráti estis, et ego reficiam vos. Tóllite iugum meum super vos et discite a me, quia mitis sum et húmilis corde, et inveniétis réquiem animábus vestris. Iugum enim meum suáve et onus meum leve est ».

Verbum Dómini.

Die 15 octobris
**S. TERESIÆ A IESU MATRIS NOSTRÆ,
VIRGINIS ET ECCLESIAE DOCTORIS**
Sollemnitatis

LECTIO PRIMA

Invocavi, et venit in me spiritus sapientiæ.

Lectio libri Sapientiæ

7, 7-14

Optavi, et datus est mihi sensus;
et invocavi, et venit in me spiritus sapientiæ.
Præposui illam regnis et sedibus
et divitias nihil esse duxi in comparatione illius;
nec comparavi illi lapidem pretiosum,
quoniam omne aurum in comparatione illius arena est exigua,
et tamquam lutum aestimabitur argentum in conspectu illius.
Super salutem et speciem dilexi illam
et proposui pro luce habere illam,
quoniam inexstinguibile est lumen illius.
Venérunt autem mihi omnia bona pariter cum illa,
innumerabiles divitiæ in manibus illius,
et lætatus sum in omnibus, quoniam sapientia antecedit ista,
et ignorabam quoniam horum omnium mater est;
quam sine fictione didici et sine invidia communico;
divitias illius non abscondo.
Infinite enim thesaurus est hominibus;
quem qui acquisierunt, ad amicitiam in Deum se paraverunt
propter disciplinæ dona commendati.

Verbum Domini.

PSALMUS RESPONSORIUS

Ps 83, 2-3a. 4-5. 11. 12-13 (R.: 3b)

R. Cor meum et caro mea exsultaverunt in Deum vivum.

Quam dilecta tabernacula tua, Domine virtutum!
Concupiscit et deficit anima mea in atria Domini. **R.**

Etenim passer invenit sibi domum,
et turtur nidum sibi, ubi ponat pullos suos:
altaria tua, Domine virtutum, rex meus et Deus meus.
Beati, qui habitant in domo tua:
in perpetuum laudabunt te. **R.**

Quia melior est dies una in atriis tuis super milia,
elegi ad limen esse in domo Dei mei
magis quam habitare in tabernaculis peccatorum. **R.**

Quia sol et scutum est Dóminus Deus,
grátiam et glóriam dabit Dóminus;
non privábit bonis eos,
qui ámbulant in innocéntia.
Dómine virtútum, beátus homo, qui sperat in te. **℞.**

LECTIO SECUNDA

Spiritus interpellat gemitibus inenarrabilibus.

Léctio Epístolæ beáti Pauli apóstoli ad Romános

8, 14-17. 26-27

Fratres:

Quicúmque Spíritu Dei agúntur, hi filii Dei sunt. Non enim accepístis spíritum servitútis íterum in timórem, sed accepístis Spíritum adoptiónis filiórum, in quo clamámus: « Abba, Pater! ». Ipse Spíritus testimónium reddit una cum spíritu nostro quod sumus filii Dei. Si autem filii, et herédes; herédes quidem Dei, coherédes autem Christi, si tamen compátimur, ut et conglorificémur.

Simíliter autem et Spíritus ádiuvat infirmitátem nostram; nam quid orémus, sicut opórtet, nescimus, sed ipse Spíritus interpéllat gemítibus inenarrabilibus; qui autem scrutátur corda, scit quid desíderet Spíritus, quia secúndum Deum póstulat pro sanctis.

Verbum Dómini.

ALLELUIA

Io 14,23

℞. Allelúia. **℣.** Si quis díligit me, sermónem meum servábit,
et Pater meus díliget eum, et ad eum veniémus
et mansiónem apud eum faciémus. **℞.** Allelúia.

EVANGELIUM

Mea doctrina non est mea sed eius, qui misit me.

+ Léctio sancti Evangélii secúndum Ioánnem

7, 14-18. 37-39a

Die festo mediánte, ascéndit Iesus in templum et docébat. Mirabántur ergo Iudáei dicéntes: « Quómodo hic lítteras scit, cum non didícerit? ». Respóndit ergo eis Iesus et dixit: « Mea doctrína non est mea sed eius, qui misit me. Si quis volúerit voluntátem eius fácere, cognóscet de doctrína utrum ex Deo sit, an ego a meípso loquar. Qui a semetípso lóquitur, glóriam própriam quærit; qui autem quærit glóriam eius, qui misit illum, hic verax est, et iniustítia in illo non est ».

In novíssimo autem die magno festivitátis stabat Iesus et clamávit dicens: « Si quis sitit, véniat ad me et bibat, qui credit in me. Sicut dixit Scriptúra, flúmina de ventre eius fluent aquæ vivæ ». Hoc autem dixit de Spíritu, quem acceptúri erant qui credíderant in eum.

Verbum Dómini.

Die 30 octobris
B. Mariæ Teresiæ a S. Iosepho Tauscher, virginis

LECTIO PRIOR

Caritas numquam excidit.

Lectio Epistolæ primæ beāti Pauli apóstoli ad Corínthios

12, 31 – 13, 13

Fratres:

Æmulámini charísmata maiora. Et adhuc excellentiorem viam vobis demónstro.

Si línguis hóminum loquar et angelórum, caritátem autem non hábeam, factus sum velut æs sonans aut cýmbalum tínniens.

Et si habúero prophetíam et nóverim mystéria ómnia et omnem sciéntiam, et si habúero omnem fidem, ita ut montes tránsferam, caritátem autem non habúero, nihil sum.

Et si distribúero in cibos omnes facultátes meas et si tradídero corpus meum, ut glórier, caritátem autem non habúero, nihil mihi prodest.

Cáritas pátiens est, benígna est cáritas, non æmuláitur, non agit supérbe, non inflátur, non est ambitiósá, non quærit, quæ sua sunt, non irritátur, non cógitat malum, non gaudet super iniquitátem, congáudet autem veritáti; ómnia suffert, ómnia credit, ómnia sperat, ómnia sústinet.

Cáritas numquam éxcidit. Sive prophetiæ, evacuabúntur; sive linguæ, cessábunt; sive sciéntia, destruétur. Ex parte enim cognóscimus et ex parte prophetámus; cum autem vénerit, quod perféctum est, evacuábitur, quod ex parte est. Cum essem párvulus, loquébar ut párvulus, sapiébam ut párvulus, cogitábam ut párvulus; quando factus sum vir, evacuávi, quæ erant párvuli. Vidémus nunc per spéculum in ænigmaté, tunc autem fácie ad fáciem; nunc cognóscó ex parte, tunc autem cognóscam, sicut et cógnitus sum.

Nunc autem manet fides, spes, cáritas, tria hæc; maior autem ex his est cáritas.

Verbum Dómini.

PSALMUS RESPONSORIUS

Ps 15, 1-2a et 5. 7-8. 11 (R.: 5a)

R. Tu es, Dómine, pars hereditátis meæ.

Consérva me, Deus, quóniam sperávi in te.

Dixi Dómino: « Dóminus meus es tu.

Dóminus pars hereditátis meæ et cálicis mei:

tu es qui détines sortem meam ». **R.**

Benedícam Dóminum, qui tríbuit mihi intelléctum;

ínsuper et in nóctibus erudiérunt me renes mei.

Proponébam Dóminum in conspéctu meo semper;

quóniam a dextris est mihi, non commovébor, **R.**

Notas mihi fácies vias vitæ,

plenitúdinem lætitiæ cum vultu tuo,

delectatiónes in dextera tua usque in finem. **R.**

ALLELUIA

Io 8,12

℞. Allelúia. ℣. Ego sum lux mundi, dicit Dóminus;
qui séquitur me habébit lucem vitæ. ℞. Allelúia.

EVANGELIUM

Vos estis lux mundi.

+ Lécio sancti Evangélii secúndum Matthæum

5, 13-16

In illo témpore:

Dixit Iesus discíplis suis: « Vos estis sal terræ; quod si sal evanúerit, in quo salietur? Ad níhilum valet ultra, nisi ut mittátur foras et conculcétur ab homínibus.

Vos estis lux mundi. Non potest civitas abscondi supra montem pósita; neque accéndunt lucérnam et ponunt eam sub módio, sed super candelábrum, ut lúceat ómnibus, qui in domo sunt. Sic lúceat lux vestra coram homínibus, ut vídeant vestra bona ópera et gloríficent Patrem vestrum qui in cælis est ».

Verbum Dómini.

NOVEMBER

Die 5 novembris
B. Franciscæ de Ambosia, religiosæ

LECTIO PRIOR

Super omnia caritatem, quod est vinculum perfectionis.

Lectio Epistolæ beati Pauli apostoli ad Colossenses

3, 12-17

Fratres:

Induite vos sicut electi Dei, sancti et dilecti, viscera misericordiæ, benignitatem, humilitatem, mansuetudinem, longanimitatem, supportantes invicem et donantes vobis ipsis, si quis adversus aliquem habet querelam; sicut et Dominus donavit vobis, ita et vos; super omnia autem hæc: caritatem, quod est vinculum perfectionis. Et pax Christi dominetur in cordibus vestris, ad quam et vocati estis in uno corpore. Et grati estote.

Verbum Christi habitet in vobis abundanter, in omni sapientia docentes et commonentes vosmetipsos psalmis, hymnis, canticis spiritualibus, in gratia cantantes in cordibus vestris Deo; et omne, quodcumque facitis in verbo aut in opere, omnia in nomine Domini Iesu gratias agentes Deo Patri per ipsum.

Verbum Domini.

PSALMUS RESPONSORIUS

Ps 130, 1. 2. 3

R. Custodi animam meam in pace apud te, Domine.

Domine, non est exaltatum cor meum,
neque elati sunt oculi mei,
neque ambulavi in magnis
neque in mirabilibus super me. **R.**

Vere pacatam et quietam
feci animam meam;
sicut ablactatus in sinu matris suæ,
sicut ablactatus, ita in me est anima mea. **R.**

Speret Israel in Domino
ex hoc nunc et usque in sæculum. **R.**

ALLELUIA

Mt 5, 3

R. Allelúia. **V.** Beati pauperes spiritu,
quoniam ipsorum est regnum cælorum. **R.** Allelúia.

EVANGELIUM

Complacuit Patri vestro dare vobis regnum.

+ Lécio sancti Evangélii secúndum Lucam

12, 32-34

In illo témpore:

Dicit Iesus discíplis suis: « Nólite timére, pusíllus grex, quia complácuit Patri vestro dare vobis regnum. Véndite, quæ possidétis, et date eleemósynam. Fácite vobis sáculos, qui non veteréscunt, thesáurum non deficiéntem in cælis, quo fur non apprópiat, neque tínea corrúmpit; ubi enim thesáurus vester est, ibi et cor vestrum erit ».

Verbum Dómini.

Die 6 novembris
S. Nonii a S. Maria Alvares Pereira, religiosi
In domibus Lusitaniæ: Memoria

LECTIO PRIOR

Induite armaturam Dei.

Lectio Epistolæ beati Pauli apostoli ad Ephésios

6, 10-18

Fratres:

Confortámini in Dómino et in poténtia virtútis eius. Indúite armatúram Dei, ut possítis stare advérsus insídias Diáboli. Quia non est nobis colluctátio advérsus sánguinem et carnem sed advérsus principátus, advérsus potestátes, advérsus mundi rectóres tenebrárum harum, advérsus spiritalia nequítiae in cælestibus.

Proptérea accípíte armatúram Dei, ut possítis resístere in die malo et, ómnibus perféctis, stare. State ergo succínti lumbos vestros in veritate et indúti lorícám iustítiae et calceáti pedes in præparatióne evangélii pacis, in ómnibus suméntes scutum fidei, in quo possítis ómnia tela Malígni ígnea exstíngueré; et gáleam salútis assúmíte et gládium Spíritus, quod est verbum Dei, per omnem oratióne et obsecratióne orántes omni témpore in Spíritu, et in ipso vigilántes in omni instántia et obsecratióne pro ómnibus sanctis.

Verbum Dómini.

PSALMUS RESPONSORIUS

Ps 111, 1-2. 3-4. 5-7a. 7b-8. 9 (R.: 1a)

R. Beátus vir qui timet Dóminum.

Beátus vir, qui timet Dóminum,
in mandátis eius cupit nimis.
Potens in terra erit semen eius,
generátio rectórum benedicétur. R.

Glória et divítiae in domo eius,
et iustítia eius manet in sáculum sáculi.
Exórtum est in ténebris lumen rectis,
miséricors et miserátor et iustus. R.

Iucúndus homo, qui miserétur et cómmodat,
dispónet res suas in iudício,
quia in ætérnum non commovébitur.
In memória ætérna erit iustus,
ab auditióne mala non timébit. R.

Parátum cor eius, sperans in Dómino,
confirmátum est cor eius, non timébit,
donec despíciat inimícos suos. R.

Distríbuit, dedit paupéribus;
iustítia eius manet in sáculum sáculi,
cornu eius exaltábitur in glória, R.

ALLELUIA

Mt 5, 3

℞. Allelúia. V. Beáti páuperes spírítu,
quóniam ipsórum est regnum cælórum. ℞. Allelúia.

EVANGELIUM

Qui non renuntiat omnibus, quæ possidet, non potest meus esse discipulus.

+ Lécitio sancti Evangélii secúndum Lucam

14, 25-33

In illo témpore:

Ibant turbæ multæ cum Iesu, et convérsus dixit ad illos: « Si quis venit ad me et non odit patrem suum et matrem et uxórem et filios et fratres et soróres, adhuc et ánimam suam, non potest esse meus discípulus. Et qui non báiulat crucem suam et venit post me, non potest esse meus discípulus.

Quis enim ex vobis volens turrem ædificáre, non prius sedens cómputat sumptus, si habet ad perficiéndum? Ne, posteaquam posúerit fundaméntum et non potúerit perficere, omnes, qui vident, incípiant illúdere ei dicéntes: “ Hic homo cœpit ædificáre et non pótuit consummáre ”. Aut quis rex, itúrus commíttere bellum advérsus álium regem, non sedens prius cógitat si possit cum decem mílibus occúrrere ei, qui cum vigínti mílibus venit ad se? Alióquin, adhuc illo longe agénte, legatiónem mittens rogat ea, quæ pacis sunt. Sic ergo omnis ex vobis, qui non renúntiat ómnibus, quæ póssidet, non potest meus esse discípulus ».

Verbum Dómini.

Die 7 novembris
B. Francisci a Iesu Maria Iosepho Palau y Quer, presbyteri

LECTIO PRIOR

Unxit me Dominus et evangelizare pauperibus misit me.

Lectio libri Isaiae prophetae

61, 1-3a

Spíritus Dómini Dei super me,
eo quod únxerit Dóminus me;
ad annuntiándum læta mansuétis misit me,
ut medéret contrítis corde
et prædicárem captívus liberatióem
et clausis apertióem;
ut prædicárem annum placábilem Dómino
et diem ultiónis Deo nostro;
ut consoláret omnes lugéntes,
ut pónerem lugéntibus Sion
et darem eis corónam pro cínere,
óleum gáudii pro luctu,
pállium laudis pro spírítu mæróris.
Et vocabúntur Terebínthi iustítiæ,
plantátio Dómini ad glorificándum.

Verbum Dómini.

PSALMUS RESPONSORIUS

Ps 22, 1-3. 4. 5. 6 (R.: 1)

R. Dóminus pascit me, et nihil mihi déerit.

Dóminus pascit me, et nihil mihi déerit:
in páscuis viréntibus me collocávit,
super aquas quiétis edúxit me,
ánimam meam refécit.
Dedúxit me super sémitas iustítiæ propter nomen suum. **R.**

Nam et si ambulávero in valle umbræ mortis,
non timébo mala, quóniam tu mecum es.
Virga tua et báculo tuus,
ipsa me consoláta sunt. **R.**

Parásti in conspéctu meo mensam
advérsus eos, qui tríbulant me;
impinguásti in óleo caput meum,
et calix meus redúndat, **R.**

Etenim benígnitas et misericórdia subsequéntur me
ómnibus diébus vitæ meæ,
et inhabitábo in domo Dómini
in longitudínem diérum. *℞.*

ALLELUIA

Mt 28, 19a. 20b

℞. Allelúia. *℣.* Eúntes docéte omnes gentes, dicit Dóminus;
ego vobíscum sum ómnibus diébus
usque ad consummationem sáeculi. *℞.* Allelúia.

EVANGELIUM

Euntes in mundum universum, prædicate evangelium.

+ Lécio sancti Evangélii secúndum Marcum

16, 15-20

In illo témpore:

[Appárens Iesus úndecim] dixit eis: « Eúntes in mundum univérsum prædicáte evangélium omni creatúræ. Qui credíderit et baptizátus fúerit, salvus erit; qui vero non credíderit, condemnábitur. Signa autem eos, qui credíderint, hæc sequéntur: in nómine meo dæmónia eícient, línguis loquéntur novis, serpéntes tollent, et, si mortíferum quid bíberint, non eos nocébit, super ægrótos manus impónent, et bene habébunt ».

Et Dóminus quidem Iesus, postquam locúsus est eis, assúptus est in cælum et sedit a dextris Dei.

Illi autem profécti prædicáverunt ubíque, Dómino cooperánte et sermónem confirmánte, sequéntibus signis.

Verbum Dómini.

Die 8 novembris
S. Elisabeth a S.ma Trinitate Catez, virginis
Memoria

LECTIO PRIOR

In laudem gloriæ ipsius.

Lectio Epistolæ beati Pauli apostoli ad Ephésios

1, 3-10. 13-14

Benedíctus Deus et Pater Dómini nostri Iesu Christi,
qui benedíxit nos in omni benedictióne spiritáli in cælestibus in Christo,
sicut elégit nos in ipso ante mundi constitutióne,
ut essémus sancti et immaculáti in conspéctu eius in caritaté;
qui prædestinávit nos in adoptiÓnem filiÓrum
per Iesum Christum in ipsum,
secúndum beneplácitum voluntátis suæ,
in laudem glóriæ grátiae suæ,
in qua gratificávit nos in Dilécto,
in quo habémus redemptiÓnem per sánguinem eius,
remissiÓnem peccatórum,
secúndum divítias grátiae eius,
quam superabundáre fecit in nobis
in omni sapiéntia et prudéntia,
notum fáciens nobis mystérium voluntátis suæ,
secundum beneplácitum eius, quod propósuit in eo,
in dispensatiÓnem plenitúdinis téporum:
recapituláre ómnia in Christo,
quæ in cælis et quæ in terra, in ipso;
in quo et vos cum audissétis verbum veritátis, evangélium salutis vestræ, in quo et credéntes signáti estis
Spíritu promissiÓnis Sancto, qui est árrabo hereditátis nostræ in redemptiÓnem acquisitiÓnis, in laudem
glóriæ ipsius.

Verbum Dómini.

PSALMUS RESPONSORIUS

Ps 15, 1-2a et 5. 7-8. 11 (R.: 5a)

R. Tu es, Dómine, pars hereditátis meæ.

Consérva me, Deus, quóniam sperávi in te.
Dixi Dómino: « Dóminus meus es tu.
Dóminus pars hereditátis meæ et cálicis mei:
tu es qui détines sortem meam ». R.

Benedícam Dóminum, qui tríbuit mihi intelléctum;
ínsuper et in nóctibus erudiérunt me renes mei.
Proponébam Dóminum in conspéctu meo semper;
quóniam a dextris est mihi, non commovébor, R.

Notas mihi fácies vias vitæ,
plenitúdinem lætítiæ cum vultu tuo,
delectatiónes in délixtera tua usque in finem. **R̄.**

ALLELUIA

Io 14, 23

R̄. Allelúia. **V̄.** Si quis díligit me, sermónem meum servábit, dicit Dóminus;
et Pater meus díliget eum; et ad eum veniémus. **R̄.** Allelúia.

EVANGELIUM

Spiritus Sanctus vos docebit omnia.

+ Lécitio sancti Evangélii secúndum Ioánnem

14, 23-26

In illo témpore:

Dixit Iesus discíplis suis: « Si quis díligit me, sermónem meum servábit, et Pater meus díliget eum, et ad eum veniémus et mansiónem apud eum faciémus; qui non díligit me, sermónes meos non servat. Et sermo quem audítis, non est meus, sed eius qui misit me, Patris.

Hæc locútus sum vobis apud vos manens. Paráclitus autem, Spíritus Sanctus, quem mittet Pater in nómine meo, ille vos docébit ómnia et súdebet vobis ómnia, quæ dixi vobis ».

Verbum Dómini.

Translata a die 15 novembris
Die 13 novembris
S. Alberti Magni, episcopi et Ecclesiæ doctoris

Ut in Lectionario Romano.

Die 14 novembris
OMNIUM SANCTORUM ORDINIS NOSTRI
Festum

LECTIO PRIOR

Illos prædestinavit conformes fieri imaginis Filii eius.

Lectio Epistolæ beati Pauli apostoli ad Romános

8, 28-35. 37-39

Fratres:

Scimus quóniam diligentibus Deum ómnia cooperántur in bonum, his, qui secúndum propósitum vocáti sunt. Nam, quos præscívit, et prædestinávit confórmes fieri imáginis Filii eius, ut sit ipse primogénitus in multis frátribus; quos autem prædestinávit, hos et vocávit; et quos vocávit, hos et iustificávit; quos autem iustificávit, illos et glorificávit.

Quid ergo dicémus ad hæc? Si Deus pro nobis, quis contra nos? Qui Filio suo non pepércit, sed pro nobis ómnibus trádidit illum, quómo do non étiam cum illo ómnia nobis donábit? Quis accusábit advérsus eléctos Dei? Deus, qui iustificat? Quis est qui condémnet? Christus Iesus, qui mórtuus est, immo qui suscitátus est, qui et est ad dexteram Dei, qui étiam interpéllat pro nobis?

Quis nos separábit a caritaté Christi? Tribulátio an angústia an persecútio an fames an núditas an perículum an gládus?

Sed in his ómnibus supervíncimus per eum, qui diléxit nos. Certus sum enim quia neque mors neque vita neque ángeli neque principátus neque instántia neque futúra neque virtútes neque altitúdo neque profúndum neque ália quáelibet creatúra póterit nos separáre a caritaté Dei, quæ est in Christo Iesu Dómino nostro.

Verbum Dómini.

PSALMUS RESPONSORIUS

Ps 23, 3-4. 5-6 (R.: cf. 6)

R. Hæc est generátio quæréntium fáciem Dómini.

Quis ascéndet in montem Dómini,
aut quis stabit in loco sancto eius?
Innocens mánibus et mundo corde,
qui non levávit ad vana ánimam suam,
nec iurávit in dolum. R.

Hic accípiet benedictiónem a Dómino
et iustificatióem a Deo salutári suo.
Hæc est generátio quæréntium eum,
quæréntium fáciem Dei Iacob. R.

ALLELUIA

R. Allelúia. V. Hæc est vera fratérnitas, quæ vicit mundi crímina:
Christum secúta est, ínclita tenens regna cælórum. R. Allelúia.

EVANGELIUM

Gaudete et exsultate: merces vestra copiosa est in caelis.

+ Lécio sancti Evangélii secúndum Mattháeum

5, 1-12a

In illo témpore:

Videns Iesus turbas, ascéndit in montem; et cum sedísset, accessérunt ad eum discípuli eius; et apériens os suum docébat eos dicens:

« Beáti páuperes spírítu, quóniam ipsórum est regnum caelórum.

Beáti, qui lugent, quóniam ipsi consolabúntur.

Beáti mites, quóniam ipsi possidébunt terram.

Beáti, qui esúriunt et sítiunt iustítiam, quóniam ipsi saturabúntur.

Beáti misericórdes, quia ipsi misericórdiam consequéuntur.

Beáti mundo corde, quóniam ipsi Deum vidébunt.

Beáti pacífici, quóniam filii Dei vocabúntur.

Beáti, qui persecutiónem patiúntur propter iustítiam, quóniam ipsórum est regnum caelórum.

Beáti estis cum maledíxerint vobis et persecúti vos fúerint et díxerint omne malum advérsus vos, mentiéntes, propter me. Gaudéte et exsultáte, quóniam merces vestra copiósa est in caelis ».

Verbum Dómini.

Die 15 novembris
In Commemoratione omnium defunctorum Ordinis Nostri

Quando hæc commemoratio incidit in dominicam, ad ferias sequentes, iuxta Normas de Missis Defunctorum, transferri potest.

LECTIO PRIOR

Sive vivimus, sive morimur, Domini sumus.

Lectio Epistolæ beati Pauli apóstoli ad Romános

14, 7-9. 10c-12

Fratres:

Nemo nostrum sibi vivit et nemo sibi móritur; sive enim vívimus, Dòmino vívimus, sive mórimur, Dómino mórimur. Sive ergo vívimus, sive mórimur, Dómini sumus. In hoc enim Christus et mórtuus est et vixit, ut et mortuórum et vivórum dominétur.

Omnes stábitur ante tribúnal Dei; scriptum est enim:

« Vivo ego, dicit Dóminus,
mihi flectétur omne genu,
et omnis lingua confitébitur Deo ».

Itaque unusquísque nostrum per se ratióem reddet Deo.

Verbum Dómini.

PSALMUS RESPONSORIUS

Ps 114, 3-4. 5-6; Ps 115, 15-16 (R.: 114, 9)

R. Ambulábo coram Dómino in regióne vivórum.

Circumdedérunt me funes mortis,
et angústiae inférni invenérunt me.
Tribulatióem et dolórem invéni
et nomen Dómini invocábam:
« O Dómine, libera ánimam meam ». R.

Miséricors Dóminus et iustus,
et Deus noster miserétur.
Custódiens párvulos Dóminus;
humiliátus sum, et salvum me fáciat. R.

Pretiósas in conspéctu Dómini
mors sanctórum eius.
O Dómine, ego servus tuus,
ego servus tuus et filius ancillæ tuæ.
Dirupísti víncula mea. R.

℞. Allelúia. ℣. Si commórtui sumus cum Christo, et convivémus;
si sustinémus, et conregnábimus. ℞. Allelúia.

EVANGELIUM

Venite, benedicti Patris mei.

+ Lécio sancti Evangélii secúndum Matthæum

25, 31-46

In illo témpore:

Dixit Iesus discipulis suis: « Cum vénerit Fílius hóminis in glòria sua, et omnes ángeli cum eo, tunc sedébit super thronum glóriæ suæ. Et congregabúntur ante eum omnes gentes; et separábit eos ab ínvicem, sicut pastor ségregat oves ab hædis, et státuet oves quidem a dextris suis, hædos autem a sinístris. Tunc dicet Rex his, qui a dextris erunt: “ Veníte, benedícti Patris mei; possidéte parátum vobis regnum a constitutióne mundi. Esurívi enim, et dedístis mihi manducáre; sitívi, et dedístis mihi bíbere; hospes eram, et collegístis me; nudus, et operuístis me; infirmus, et visitástis me; in cárcere eram, et venístis ad me ”. Tunc respondébunt ei iusti dicéntes: “ Dómine, quando te vídimus esuriéntem et pávimus, aut sitiéntem et dédimus tibi potum? Quando autem te vídimus hóspitem et collégimus, aut nudum et cooperúimus? Quando autem te vídimus infirmum aut in cárcere et vénimus ad te? ”. Et respóndens Rex dicet illis: “ Amen dico vobis: Quámdu fecístis uni de his frátribus meis mínimis, mihi fecístis ”. Tunc dicet et his, qui a sinístris erunt: “ Discédite a me, maledícti, in ignem ætérnum, qui præparátus est Diábolo et ángelis eius. Esurívi enim, et non dedístis mihi manducáre; sitívi, et non dedístis mihi potum; hospes eram, et non collegístis me; nudus, et non operuístis me; infirmus et in cárcere, et non visitástis me ”. Tunc respondébunt et ipsi dicéntes: “ Dómine, quando te vídimus esuriéntem aut sitiéntem aut hóspitem aut nudum aut infirmum vel in cárcere et non ministrávimus tibi? ”. Tunc respondébit illis dicens: “ Amen dico vobis: Quámdu non fecístis uni de mínimis his, nec mihi fecístis ”. Et ibunt hi in supplícium ætérnum, iusti autem in vitam ætérnam ».

Verbum Dómini.

Die 19 novembris
S. Raphaelis a S. Iosepho Kalinowski, presbyteri
Memoria

LECTIO PRIOR

Ad destinatum persequor, ad bravium supernae vocationis Dei in Christo Iesu.

Lectio Epistolae beati Pauli apostoli ad Philippenses

3, 8-14

Fratres:

Existimo omnia detrimentum esse propter eminentiam scientiae Christi Iesu Domini mei, propter quem omnia detrimentum feci et arbitror ut stercora, ut Christum lucrificam et inveniar in illo non habens meam iustitiam, quae ex lege est, sed illam, quae per fidem est Christi, quae ex Deo est iustitia in fide; ad cognoscendum illum et virtutem resurrectionis eius et communionem passionum illius, conformans me morti eius, si quo modo occurram ad resurrectionem, quae est ex mortuis. Non quod iam acciperim aut iam perfectus sim; persequor autem si unquam comprehendam, sicut et comprehensus sum a Christo Iesu. Fratres, ego me non arbitror comprehensisse; unum autem: quae quidem retro sunt, obliviscens, ad ea vero, quae ante sunt, extendens me ad destinatum persequor, ad bravium supernae vocationis Dei in Christo Iesu.

Verbum Domini.

PSALMUS RESPONSORIUS

Ps 15, 1-2a et 5. 7-8. 11 (R.: 5a)

R. Tu es, Domine, pars hereditatis meae.

Conserva me, Deus, quoniam speravi in te.
Dixi Domino: « Dominus meus es tu.
Dominus pars hereditatis meae et calicis mei:
tu es qui detines sortem meam ». R.

Benedicam Dominum, qui tribuit mihi intellectum;
insuper et in noctibus erudiérunt me renes mei.
Proponébam Dominum in conspectu meo semper;
quoniam a dextris est mihi, non commovébor, R.

Notas mihi facies vias vitae,
plenitudinem laetitiae cum vultu tuo,
delectationes in dextera tua usque in finem. R.

ALLELUIA

Io 15, 15b

R. Allelúia. V. Vos dixit amicos, dicit Dominus,
quia omnia quae audívi a Patre meo nota feci vobis. R. Allelúia.

EVANGELIUM

Iam non dico vos servos; vos autem dixi amicos.

+ Lécio sancti Evangélii secúndum Ioánnem

15, 9-17

In illo témpore:

Dixit Iesus discípuis suis: « Sicut diléxit me Pater, et ego diléxi vos; manéte in dilectióne mea. Si præcépta mea servavéritis, manébitis in dilectióne mea, sicut ego Patris mei præcépta servávi et máneo in eius dilectióne. Hæc locútus sum vobis, ut gáudium meum in vobis sit, et gáudium vestrum impleátur.

Hoc est præcéptum meum, ut diligátis ínvicem, sicut diléxi vos; maiórem hac dilectiónem nemo habet, ut ánimam suam quis ponat pro amícis suis. Vos amíci mei estis, si fecéritis, quæ ego præcípio vobis. Iam non dico vos servos, quia servus nescit quid facit dóminus eius; vos autem dixi amícos, quia ómnia, quæ audívi a Patre meo, nota feci vobis. Non vos me elegístis, sed ego elégi vos et pósui vos, ut vos eátis et fructum afferátis, et fructus vester máneat, ut quodcúmque petiérítis Patrem in nómine meo det vobis. Hæc mando vobis, ut diligátis ínvicem ».

Verbum Dómini.

Die 25 novembris
B. Annæ a Iesu Lobera Torres, virginis

LECTIO PRIOR

Sponsabo te mihi in sempiternum.

Lectio libri Osée prophætæ

2, 16b. 17b. 21-22

Hæc dicit Dóminus:

«Ecce ego ducam eam in solitúdinem
et loquar ad cor eius;
et respondébit ibi
iuxta dies iuventútis suæ
et iuxta dies ascensionis suæ de terra Ægypti.
Et sponsábo te mihi in sempitérnum;
et sponsábo te mihi in iustítia et iudício
et in misericórdia et miseratióibus.
Et sponsábo te mihi in fide,
et cognósces Dóminum ».

Verbum Dómini.

PSALMUS RESPONSORIUS

Ps 44, 11-12. 14-15. 16-17 (R.: Mt 25, 6b)

R. Ecce sponsus: exíte óbviám Christo Dómino.

Audi, filia, et vide, et inclína aurem tuam
et oblivíscere pópulum tuum et domum patris tui;
et concupíscet rex spéciem tuam.
Quóniam ipse est dóminus tuus, et adóra eum. **R.**

Gloriósá nimis filia regis intrínsecus,
textúris áureis circumamícta.
In véstibus variegátis adducétur regi;
vírgines post eam, próxímæ eius, afferúntur tibi. **R.**

Afferúntur in lætítia et exsultatióne,
adducúntur in domum regis.
Pro pátribus tuis erunt tibi filii;
constítues eos príncipes super omnem terram. **R.**

ALLELUIA

Io 14, 23

R. Allelúia. **V.** Si quis díligit me, sermónem meum servábit, dicit Dóminus,
et Patre meus díliget eum, et ad eum veniémus. **R.** Allelúia.

EVANGELIUM

Martha excepit illum. Maria optimam partem elegit.

+ Lécitio sancti Evangélii secúndum Lucam

10, 38-42

In illo témpore:

Intrávit Iesus in quoddam castéllum, et múluer quædam Martha nómine excépit illum. Et huic erat soror nómine María, quæ étiam sedens secus pedes Dómini audiébat verbum illíus. Martha autem satagébat circa frequens ministérium; quæ stetit et ait: « Dómine, non est tibi curæ quod soror mea relíquit me solam ministráre? Dic ergo illi, ut me ádiuvet ». Et respóndens dixit illi Dóminus: « Martha, Martha, sollícita es et turbáris erga plúrima, porro unum est necessárium; María enim óptimam partem elégit, quæ non auferétur ab ea ».

Verbum Dómini.

Die 29 novembris
Bb. Dionysii a Nativitate, presbyteri, et Redempti a Cruce, religiosi, martyrum
In domibus Indiæ et Indonesiæ: Memoria

LECTIO PRIOR

Gloriamur in tribulationibus.

Lectio Epistolæ beati Pauli apostoli ad Romanos

5, 1-5

Fratres:

Justificati ex fide, pacem habemus ad Deum per Dominum nostrum Iesum Christum, per quem et accessum habemus fide in gratiam istam, in qua stamus et gloriamur in spe gloriæ Dei. Non solum autem, sed et gloriamur in tribulationibus, scientes quod tribulatio patientiam operatur, patientia autem probationem, probatio vero spem; spes non confundit, quia caritas Dei diffusa est in cordibus nostris per Spiritum Sanctum, qui datus est nobis.

Verbum Domini.

PSALMUS RESPONSORIUS

Ps 123, 2-3. 4-5. 7b-8 (R. 7a)

R. Anima nostra sicut passer erepta est de laqueo venantium.

Nisi quia Dominus erat in nobis,
cum exurgerent homines in nos:
forte vivos deglutissent nos,
cum irasceretur furor eorum in nos. **R.**

Forsitan aqua absorbuisset nos,
torrens pertransisset animam nostram;
forsitan pertransissent animam nostram
aquæ intumescentes. **R.**

Laqueus contritus est,
et nos erepti sumus.
Adiutorium nostrum in nomine Domini,
qui fecit cælum et terram. **R.**

ALLELUIA

1 Petr 4, 14

R. Allelúia. **V.** Si exprobramini in nomine Christi, beati,
quoniam Spiritus Dei super vos requiescit. **R.** Allelúia.

EVANGELIUM

Si granum frumenti mortuum fuerit, multum fructum affert.

+ Lécitio sancti Evangélii secúndum Ioánnem

12, 24-26

In illo témpore:

Dixit Iesus discíplis suis: « Amen, amen dico vobis: Nisi granum fruménti cadens in terram mórtuum fúerit, ipsum solum manet; si autem mórtuum fúerit, multum fructum affert. Qui amat ánimam suam, perdit eam; et, qui odit ánimam suam in hoc mundo, in vitam ætérnam custódiét eam. Si quis mihi minístrat, me sequátur, et ubi sum ego, illic et miníster meus erit: si quis mihi ministráverit, honorificábit eum Pater ».

Verbum Dómini.

DECEMBER

Translata a die 11 decembris

Die 10 decembris

S. Damasi I, papæ

Ut in Lectionario Romano.

Die 11 decembris
S. Mariæ Mirabilæ a Iesu Pidal y Chico de Guzmán, virginis
Memoria

LECTIO PRIOR

Virgo cogitat quæ Domini sunt.

Lectio Epistolæ primæ beāti Pauli apóstoli ad Corínthios

7, 25-35

Fratres:

De virgínibus præcéptum Dómini non hábeo; consílium autem do, tamquam misericórdiam consecútus a Dómino ut sim fidélis. Exístimo ergo hoc bonum esse propter instántem necessitátem, quóniam bonum est hómini sic esse. Alligátus es uxóri? Noli quærere solutiónem. Solútus es ab uxóre? Noli quærere uxórem. Si autem accéperis uxórem, non peccásti; et si núpserit virgo, non peccávit. Tribulatiónem tamen carnis habébunt huiúsmodi, ego autem vobis parco. Hoc itaque dico, fratres, tempus breviátum est; réliquum est, ut et qui habent uxóres, tamquam non habéntes sint, et qui flent, tamquam non flentes, et qui gáudent, tamquam non gaudéntes, et qui emunt, tamquam non possidéntes, et qui utúntur hoc mundo, tamquam non abuténtes; præterit enim figúra huius mundi. Volo autem vos sine sollicitúde esse. Qui sine uxóre est, sollícitus est, quæ Dómini sunt, quómodo placeat Dómino; qui autem cum uxore est, sollícitus est, quæ sunt mundi, quómodo pláceat uxóri, et divísus est. Et múlier innúpta et virgo cógitat, quæ Dómini sunt, ut sit sancta et córpore et spírítu; quæ autem nupta est, cógitat, quæ sunt mundi, quómodo pláceat viro. Porro hoc ad utilitátem vestram dico, non ut láqueum vobis iníciam, sed ad id quod honéstum est, et ut assídue cum Dómino sitis sine distractiÓne.

Verbum Dómini.

PSALMUS RESPONSORIUS

Ps 44, 11-12. 14-15. 16-17 (R.: 11a)

R. Audi, filia, et vide, et inclína áurem tuam.

Audi, filia, et vide, et inclína aurem tuam
et oblivíscere pópulum tuum et domum patris tui;
et concupíscet rex spéciem tuam.
Quóniam ipse est dóminus tuus, et adóra eum. **R.**

GloriÓsa nimis filia regis intrínsecus,
textúris áureis circumamícta.
In véstibus variegátis adducétur regi;
vírgines post eam, próxímæ eius, afferúntur tibi. **R.**

Afferúntur in lætítia et exsultatiÓne,
adducúntur in domum regis.
Pro pátribus tuis erunt tibi filii;
constítues eos príncipes super omnem terram. **R.**

ALLELUIA

℞. Allelúia. ℣. Hæc est virgo sápiens, quam Dóminus vigilántem invénit;
veniénte Dómino, introívit cum eo ad núptias. ℞. Allelúia.

EVANGELIUM

Ecce sponsus! Exite obviam ei.

+ Lécio sancti Evangélii secúndum Matthæum

25, 1-13

In illo tempore:

Dixit Iesus discíplis suis parábolam hanc: « Símile erit regnum cælórum decem virgínibus, quæ accipiéntes lámpades suas exiérunt óbviám sponso. Quinque autem ex eis erant fátuæ et quinque prudéntes. Fátuæ enim, accéptis lampádibus suis, non sumpsérunt óleum secum; prudéntes vero accepérunt óleum in vasis cum lampádibus suis. Moram autem faciénte sponso, dormitavérunt omnes et dormiérunt. Média autem nocte clamor factus est: “ Ecce sponsus! Exíte óbviám ei ”. Tunc surrexérunt omnes vírgines illæ et ornavérunt lámpades suas. Fátuæ autem sapiéntibus dixérunt: “ Date nobis de óleo vestro, quia lámpades nostræ exstinguúntur ”. Respondérunt prudéntes dicéntes: “ Ne forte non suffíciat nobis et vobis, ite pótius ad vendéntes et émite vobis ”. Dum autem irent émere, venit sponsus, et quæ parátæ erant, intravérunt cum eo ad núptias; et cláusa est iánua. Novíssime autem véniunt et réliquæ vírgines dicéntes: “ Dómine, Dómine, áperi nobis ”. At ille respóndens ait: “ Amen dico vobis: Nésco vos ”. Vigiláte itaque, quia nescítis diem neque horam ».

Verbum Dómini.

Die 14 decembris
**S. IOANNIS A CRUCE PATRIS NOSTRI,
PRESBYTERI ET ECCLESIAE DOCTORIS**
Sollemnitatis

LECTIO PRIMA

Noli timere, quia ego tecum sum.
43, 1-3a. 4-5

Lectio libri Isaiae prophetae

Haec dicit Dominus,
qui creavit te, Iacob, et formavit te, Israel:
« Noli timere, quia redemi te
et vocavi te nomine tuo; meus es tu.
Cum transieris per aquas, tecum ero,
et flumina non operient te;
cum ambulaveris in igne, non combureris,
et flamma non ardebit in te,
quia ego Dominus Deus tuus,
Sanctus Israel, salvator tuus.
Quoniam pretiosus factus es in oculis meis
et gloriosus, ego dilexi te
et dabo homines pro te
et populos pro anima tua.
Noli timere, quoniam ego tecum sum:
ab oriente adducam semen tuum
et ab occidente congregabo te ».

Verbum Domini.

PSALMUS RESPONSORIUS

Ps 138, 1b-3. 5-6. 7-8. 9-10. 11-12 (R.: 12b)

R. Nox sicut dies illuminabitur.

Domine, scrutatus es et cognovisti me,
tu cognovisti sessionem meam et resurrectionem meam.
Intellexisti cogitationes meas de longe,
semitam meam et accubitus meum investigasti.
Et omnes vias meas perspexisti. **R.**

A tergo et a fronte coartasti me
et posuisti super me manum tuam.
Mirabilis nimis facta est scientia tua super me,
sublimis, et non attingam eam. **R.**

Quo ibo a spiritu tuo
et quo a facie tua fugiam?
Si ascendero in caelum, tu illic es;
si descendero in infernum, ades. **R.**

Si sumpsero pennas auroræ
et habitavero in extrémis maris,
etiam illuc manus tua deducet me,
et tenebit me dextera tua. *℞.*

Si dixerò: « Forsitan tenebræ comprimunt me,
et nox illuminatio erit circa me »,
etiam tenebræ non obscurabuntur a te,
et nox sicut dies illuminabitur
- sicut tenebræ eius ita et lumen eius -. *℞.*

LECTIO SECUNDA

Conformes imaginis Filii eius.

Lectio Epistolæ beati Pauli apostoli ad Romanos

8, 14-18. 28-30

Fratres:

Quicumque Spiritu Dei aguntur, hi filii Dei sunt. Non enim accepistis spiritum servitutis iterum in timorem, sed accepistis Spiritum adoptionis filiorum, in quo clamamus: « Abba, Pater! » Ipse Spiritus testimonium reddit una cum spiritu nostro quod sumus filii Dei. Si autem filii, et heredes: heredes quidem Dei, coheredes autem Christi, si tamen compatiuntur, ut et conglorificemur. Existimo enim quod non sunt condignæ passiones huius temporis ad futuram gloriam, quæ revelanda est in nobis.

Scimus autem quoniam diligentibus Deum omnia cooperantur in bonum, his, qui secundum propositum vocati sunt. Nam, quos præscivit, et prædestinavit conformes fieri imaginis filii eius, ut sit ipse primogenitus in multis fratribus; quos autem prædestinavit, hos et vocavit; et quos vocavit, hos et iustificavit; quos autem iustificavit, illos et glorificavit.

Verbum Domini.

ALLELUIA

Io 8, 12

℞. Allelúia. *℣.* Ego sum lux mundi, dicit Dominus;
qui sequitur me, non ambulat in tenebris,
sed habebit lumen vitæ. *℞.* Allelúia.

EVANGELIUM

Pro eis sanctifico meipsum.

+ Lécitio sancti Evangélii secúndum Ioánnem

17, 17-26

In illo témpore:

[Sublevátis óculis in cælum, orávit Iesus dicens: « Pater sancte,] sanctífica eos in veritáte; sermo tuus véritas est. Sicut me misísti in mundum, et ego misi eos in mundum; et pro eis ego sanctífico me ipsum, ut sint et ipsi sanctificáti in veritáte.

Non pro his autem rogo tantum, sed et pro eis, qui creditúri sunt per verbum eórum in me, ut omnes unum sint, sicut tu, Pater, in me et ego in te, ut et ipsi in nobis unum sint; ut mundus credat quia tu me misísti. Et ego claritátem, quam dedísti mihi, dedi illis, ut sint unum, sicut nos unum sumus; ego in eis, et tu in me, ut sint consummáti in unum: ut cognóscat mundus quia tu me misísti et dilexísti eos, sicut me dilexísti.

Pater, quod dedísti mihi, volo ut ubi ego sum, et illi sint mecum, ut vídeant claritátem meam, quam dedísti mihi, quia dilexísti me ante constitutiómem mundi.

Pater iuste, et mundus te non cognóvit; ego autem te cognóvi et hi cognovérunt quia tu me misísti, et notum feci eis nomen tuum et notum fáciam, ut diléctio, qua dilexísti me, in ipsis sit, et ego in ipsis ».

Verbum Dómini.

Die 16 decembris
B. Mariæ ab Angelis Fontanella, virginis

LECTIO PRIOR

Despondi vos uni viro, virginem castam exhibere Christo.

Lectio Epistolæ secundæ beati Pauli apóstoli ad Corínthios

10, 17-11, 2

Fratres:

Qui gloriátur, in Dómino gloriétur; non enim qui seípsum comméndat, ille probátus est, sed quem Dóminus comméndat.

Utinam sustinerétis módicum quid insipiéntiæ meæ; sed et supportáte me! Æmulor enim vos Dei æmulatióne; despóndi enim vos uni viro vírginem castam exhibére Christo.

Verbum Dómini.

PSALMUS RESPONSORIUS

Ps 148, 1-2. 11-13a. 13c-14 (R.: cf. 12a. 13a)

R. Virgines, laudáte nomen Dómini.

Laudáte Dóminum de cælis,
laudáte eum in excélsis.
Laudáte eum, omnes ángeli eius,
laudáte eum, omnes virtútes eius. R.

Reges terræ et omnes pópuli,
príncipes et omnes iúdicez terræ,
iúvenes et vírgines,
senes cum iunióribus
laudent nomen Dómini. R.

Magnificéntia eius super cælum et terram,
et exaltávit cornu pópuli sui.
Hymnus ómnibus sanctis eius,
filiis Israhel, pópulo, qui propínquus est ei. R.

ALLELUIA

Io 14, 23

R. Allelúia. V. Si quis díligit me, sermónem meum servábit, dicit Dóminus,
et Pater meus díliget eum, et ad eum veniémus. R. Allelúia.

EVANGELIUM

Martha excepit illum. Maria optimam partem elegit.

+ Lécitio sancti Evangélii secúndum Lucam

10, 38-42

In illo témpore:

Intrávit Iesus in quoddam castéllum, et múluer quædam Martha nómine excépit illum. Et huic erat soror nómine María, quæ étiam sedens secus pedes Dómini audiébat verbum illíus. Martha autem satagébat circa frequens ministérium; quæ stetit et ait: « Dómine, non est tibi curæ quod soror mea relíquit me solam ministráre? Dic ergo illi, ut me ádiuuet ». Et respóndens dixit illi Dóminus: « Martha, Martha, sollícita es et turbáris erga plúrima, porro unum est necessárium; María enim óptimam partem elégit, quæ non auferétur ab ea ».

Verbum Dómini.

APPENDIX

APRILIS

In domibus Poloniæ:

Die 24 aprilis

B. Teresiæ Mariæ a Cruce Manetti, virginis

Ut in die 23 aprilis.

IULIUS

In domibus Europæ:

Die 7 iulii

B. Mariæ Virginis, Matris Divinæ Gratiae

Memoria

Ut in die 23 iulii.

In domibus Hispaniæ:

Die 24 iulii

**Bb. Mariæ a Columna a S. Francisco Borgia Martínez García, Teresiæ a Iesu Infante
et S. Ioanne a Cruce García y García et Mariæ ab Angelis a S. Iosepho Voltierra
Tordesillas, virginum et martyrum**

De Communi martyrum vel de Communi virginum.

AUGUSTUS

In domibus Hollandiæ:

Die 2 augusti

**S. TERESIÆ BENEDICTÆ A CRUCE STEIN, VIRGINIS ET MARTYRIS,
PATRONÆ EUROPÆ**

Festum

Ut in die 9 augusti.

In domibus Hispaniæ:

Die 16 augusti

B. Mariæ a Sacratio a S. Aloysio Gonzaga Moragas Cantarero, virginis et martyris

De Communi martyrum vel de Communi virginum.

In domibus Galliæ:

Die 30 augusti

S. Mariæ a Iesu Crucifixo Baouardy, virginis

Memoria

Ut in die 25 augusti.

In domibus Poloniæ:

Die 30 augusti

In transverberatione cordis S. Teresiæ a Iesu matris nostræ

Ut in die 26 augusti.

NOVEMBER

In domibus Austriæ:

Die 16 novembris

In Commemoratione omnium defunctorum Ordinis Nostri

Ut in die 15 novembris.

In domibus Poloniæ:

Die 20 novembris

S. Raphaelis a S. Iosepho Kalinowski, presbyteri

Memoria

Ut in die 19 novembris.

In domibus Austriæ et Germaniæ:

Die 23 novembris

S. Raphaelis a S. Iosepho Kalinowski, presbyteri

Memoria

Ut in die 19 novembris.

MISSÆ VOTIVÆ

1. DE IESU INFANTE

In ecclesiis titularis ubi celebratur gradu sollemnitatis legitur duo lectiones.

A

LECTIO PRIOR

Revelabitur gloria Domini, et videbit omnis caro.

Lectio libri Isaïæ prophætæ

40, 1-5. 9-11

Consolámini, consolámini pópulum meum,
dicit Deus vester.

Loquímmini ad cor Ierúsalem
et clamáte ad eam,
quóniam compléta est milítia eius,
expiáta est iníquitas illíus;
suscépit de manu Dómini
duplicia pro ómnibus peccátis suis.

Vox clamántis:

« In desérto paráte viam Dómini,
rectas fácite in solitúdine
sémitas Dei nostri.

Omnis vallis exaltétur,
et omnis mons et collis humiliétur;
et fiant prava in dirécta,
et áspera in plana:

et revelábitur glória Dómini,
et vidébit omnis caro páriter
quod os Dómini locútum est ».

Super montem excélsu[m] ascénde,
tu, quæ evangelízas Sion;
exálta in fortitúdine vocem tuam,
quæ evangelízas Ierúsalem;
exálta, noli timére;
dic civitátibus Iudæ:

« Ecce Deus vester,
ecce Dóminus Deus in virtúte venit,
et bráchium eius dominátur:
ecce merces eius cum eo,
et præmium illíus coram illo.

Sicut pastor gregem suum pascit,
in bráchio suo cóngregat agnos
et in sinu suo levat;
fetas ipse portat ».

Verbum Dómini.

Vel:

Ut adoptionem filiorum reciperemus.

Léctio Epístolæ beáti Pauli apóstoli ad Gálatas

4, 4-7

Fratres:

Ubi venit plenitúdo témporis, misit Deus Fílium suum, factum ex muliere, factum sub lege, ut eos, qui sub lege erant, redímeret, ut adoptiónem filiórum reciperémus. Quóniam autem estis filii, misit Deus Spíritum Filii sui in corda nostra clamántem: « Abba, Pater! ». Itaque iam non es servus sed filius; quod si filius, et heres per Deum.

Verbum Dómini.

PSALMUS RESPONSORIUS

Ps 144, 1. 2. 8-9. 10-11. 12-13 cd (R.: cf. 1-2)

R. Benedícam nómini tuo in sáeculum, Deus meus Rex.

Exaltábo te, Deus meus, rex,
et benedícam nómini tuo
in sáeculum et in sáeculum sáeculi. R.

Per síngulos dies benedícam tibi
et laudábo nomen tuum
in sáeculum et in sáeculum sáeculi. R.

Miserátor et miséricors Dóminus,
longánimis et multæ misericórdiæ.
Suávis Dóminus univérsis,
et miseratiónes eius super ómnia ópera eius. R.

Confiteántur tibi, Dómine, ómnia ópera tua;
et sancti tui benedícant tibi.
Glóriam regni tui dicant
et poténtiam tuam loquántur. R.

Ut notam fáciant filiis hóminum poténtias tuas
et glóriam magnificéntiæ regni tui.
Regnum tuum regnum ómnium sáeculórum,
et dominátio tua in omnem generatióem et generatióem. R.

ALLELUIA

Cf. Io 1, 14

R. Allelúia. V. Verbum caro factum est et habitávit in nobis;
plenum grátiae et veritátis. R. Allelúia.

EVANGELIUM

In his quæ Patris mei sunt oportet me esse.

+ Lécio sancti Evangélii secúndum Lucam

2, 41-52

Ibant paréntes Iesu per omnes annos in Ierúsalem in die festo Paschæ. Et cum factus esset annórum duódecim, ascendéntibus illis secúndum consuetúdinem diéi festi, consummatisque diéibus, cum redírent, remánsit puer Iesus in Ierúsalem, et non cognovérunt paréntes eius. Existimántes autem illum esse in comitátu, venérunt iter diéi et requirébant eum inter cognátos et notos et non inveniéntes regréssi sunt in Ierúsalem requiréntes eum. Et factum est post tríduum invenérunt illum in templo sedéntem in médio doctórum, audiéntem illos et interrogántem eos; stupébant autem omnes, qui eum audiébant super prudentia et respónsis eius. Et vidéntes eum admiráti sunt, et dixit Mater eius ad illum: « Fili, quid fecísti nobis sic? Ecce pater tuus et ego doléntes quærebámus te ». Et ait ad illos: « Quid est quod me quærebátis? Nesciebátis quia in his, quæ Patris mei sunt, opórtet me esse? » Et ipsi non intellexérunt verbum, quod locúsus est ad illos.

Et descendit cum eis et venit Názareth et erat súbditus illis. Et mater eius conservábat ómnia verba in corde suo. Et Iesus proficiébat sapiéntia et ætáte et grátia apud Deum et hómines.

Verbum Dómini.

B

LECTIO PRIOR

Filius datus est nobis.

Lécio libri Isaíæ prophétæ

9, 1-6

Pópulus, qui ambulábat in ténebris,
vidit lucem magnam;
habitántibus in regióne umbræ mortis
lux orta est eis.
Multiplicásti exsultatiónem
et magnificásti lætítiam;
lætántur coram te
sicut lætántes in messe,
sicut exsúltant, quando dívidunt spólia.
Iugum enim óneris eius
et virgam úmeri eius
et sceptrum exactóris eius
fregísti, sicut in die Má dian.
Quia omnis cáliga incedéntis cum tumúltu
et vestiméntum mixtum sáanguine
erit in combustiónem, cibus ignis.
Párvulus enim natus est nobis,
fílius datus est nobis;
et factus est principátus super úmerum eius;
et vocábitur nomen eius
admirábilis Consiliárius, Deus fortis,
Pater æternitátis, Princeps pacis.

Magnum erit eius impérium,
et pacis non erit finis
super sólium David et super regnum eius,
ut confirmet illud et corroboret in iudicio et iustítia
ámodo et usque in sempitérnium:
zelus Dómini exercítuum fáciat hoc.

Verbum Dómini.

Vel:

Benignitas et humanitas apparuit Salvatoris.

Léctio Epístolæ beáti Pauli apóstoli ad Titum

3, 4-7

Caríssime:

Cum benignitas et humánitas apparuit Salvatoris nostri Dei, non ex opéribus iustítiae, quæ fécimur nos sed secúndum suam misericórdiam salvos nos fecit per lavácrum regeneratiónis et renovatiónis Spíritus Sancti, quem effúdit super nos abúnde per Iesum Christum Salvatórem nostrum, ut iustificáti grátia ipsius herédes simus secúndum spem vitæ ætérnæ.

Verbum Dómini.

PSALMUS RESPONSORIUS

Ps 71, 1-2. 7-8. 10-11. 12-13 (R.: cf. 11)

R. Adorábunt te, Dómine, omnes gentes terræ.

Deus, iudícium tuum regi da
et iustítiam tuam filio regis;
iúdicet pópulum tuum in iustítia
et páuperes tuos in iudicio. R.

Florébit in diébus eius iustítia et abundántia pacis,
donec auferátur luna.
Et dominábitur a mari usque ad mare
et a flúmine usque ad términos orbis terrárum. R.

Reges Tharsis et ínsulæ múnera ófferent,
reges Arabum et Saba dona addúcent.
Et adorábunt eum omnes reges,
omnes gentes sérvient ei. R.

Quia liberábit ínopem clamántem
et páuperem, cui non erat adiútor.
Parcet páuperi et ínopi
et ánimas páuperum salvas fáciat. R.

ALLELUIA

Cf. Io 1, 14

R. Allelúia. V. Verbum caro factum est et habitávit in nobis;
plenum grátiae et veritátis. R. Allelúia.

Lectio sancti Evangelii secundum Matthæum

2, 1-12

Cum natus esset Iesus in Bétlehem Iudææ in diébus Heródis regis, ecce Magi ab oriénte venérunt Hierosólymam dicétes: « Ubi est, qui natus est, rex Iudæórum? Vídimus enim stellam eius in oriénte et vénimus adoráre eum ». Audiens autem Heródes rex turbátus est et omnis Hierosólyma cum illo; et cóngregans omnes príncipes sacerdotum et scribas pópuli, sciscitabátur ab eis ubi Christus nascerétur. At illi dixérunt ei: « In Bétlehem Iudææ. Sic enim scriptum est per prophétam:

“ Et tu, Bétlehem terra Iudæ,
nequáquam mínima es in princípibus Iudæ;
ex te enim éxiet dux,
qui reget pópulum meum Israel ” ».

Tunc Heródes, clam vocátis Magis, diligénte dídicit ab eis tempus stellæ, quæ apparuit eis; et mittens illos in Bétlehem dixit: « Ite et interrogáte diligénte de púero; et cum invenéritis, renuntiáte mihi, ut et ego véniens adórem eum ».

Qui cum audíssent regem, abiérunt. Et ecce stella, quam vidérant in oriénte, antecedébat eos, usque dum véniens staret supra, ubi erat puer. Vidétes autem stellam gavísi sunt gáudio magno valde. Et intrátes domum vidérunt púerum cum María matre eius, et procidétes adoráverunt eum; et apértis thesáuris suis, obtulérunt ei múnera, áurum et tus et myrrham. Et respónso accépto in somnis, ne redírent ad Heródem, per áliam viam revérsi sunt in regiónem suam.

Verbum Dómini.

2. DE BEATA MARIA A MONTE CARMELO

Præter elementa quæ diei 16 iulii habentur (excepta Sequentia), adhiberi possunt, iuxta rubricas, textus qui sequuntur.

A

LECTIO PRIOR

Qui me invenerit, inveniet vitam.

Lectio libri Proverbiórum

8, 17-21. 34-35

Hæc loquitur Sapiéntia Dei:
« Ego diligéntes me díligo,
et, qui mane vígilant ad me, invénient me.
Mecum sunt divítiæ et glória,
opes supérbæ et iustítia.
Mélior est enim fructus meus auro et obrýzo,
et genímína mea argénto elécto.
In viis iustítiaæ ámbulo,
in médio semitárum iudícii,
ut ditem diligéntes me
et thesáuros eórum répleam.
Beátus homo, qui audit me,
et qui vígilat ad fores meas cotídie
et obsérvat ad postes óstii mei.
Qui me invénerit, invéniet vitam
et háuriet delícias a Dómino ».

Verbum Dómini.

PSALMUS RESPONSORIUS

Ps 85, 3-5. 6-7. 11-12. 15-16 (R.: 16 c)

R. Salvos fac, Dómine, filios ancíllæ tuæ.

Miserére mei, Dómine, quóniam ad te clamávi tota die.
Lætífica ánimam servi tui,
quóniam ad te, Dómine, ánimam meam levávi.
Quóniam tu, Dómine, suávis et mitis
et multæ misericórdiaæ ómnibus invocántibus te. **R.**

Auribus pércice, Dómine, oratióem meam
et inténde voci deprecatiónis meæ.
In die tribulatiónis meæ clamávi ad te,
quia exáudies me. **R.**

Doce me, Dómine, viam tuam,
et ingrédíar in veritáte tua;
simplex fac cor meum,
ut tímeat nomen tuum.
Confitébor tibi, Dómine, Deus meus, in toto corde meo,
et glori ficábo nomen tuum in ætérnum. **R.**

Et tu, Dómine, Deus miserátor et miséricors,
pátiens et multæ misericórdiæ et veritátis,
réspice in me et miserére mei;
da fortitúdinem tuam púero tuo
et salvum fac filium ancillæ tuæ. **R.**

ALLELUIA

Is 35, 2

R. Allelúia. **V.** Glória Líbani data est ei,
decor Carméli et Saron. **R.** Allelúia.

EVANGELIUM

Ecce filius tuus. Ecce mater tua.

+ Lécitio sancti Evangélii secúndum Ioánnem

19, 25-27

In illo témpore:

Stabant iuxta crucem Iesu mater eius et soror matris eius, María Cléopæ, et María Magdaléne. Cum vidisset ergo Iesus matrem et discipulum stantem, quem diligébat, dicit matri: « Múlier, ecce fílius tuus ». Deínde dicit discipulo: « Ecce mater tua ». Et ex illa hora accépit eam discipulus in sua.

Verbum Dómini.

B

LECTIO PRIOR

Oravit Elias in monte Carmelo, et cœlum dedit pluviam.

Lécitio libri primi Regum

18, 42b-45a

In diébus illis:

Eliás ascéndit in vérticem Carméli et pronus in terram pósuit fáciem inter génua sua et dixit ad púerum suum: « Ascénde et próspice contra mare ». Qui cum ascendísset et contemplátus esset, ait: « Non est quidquam ». Et rursus ait illi: « Revértere septem vícibus ». In séptima autem vice dixit: « Ecce nubécula parva quasi manus hóminis ascéndit de mari ». Et ait: « Ascénde et dic Achab: Iunge et descénde, ne óccupet te plúvia! ». Et factum est intérea: ecce cœli contenebráti sunt, et nubes et ventus, et facta est plúvia grandis.

Verbum Dómini.

R. Ego servus tuus, et filius ancillæ tuæ.

Voce mea ad Dóminum clamávi,
et exaudivit me de monte sancto suo. R.

Quid retribuam Dómino
pro ómnibus, quæ retribuit mihi?
Cálicem salutáris accípiam
et nomen Dómini invocábo.
Vota mea Dómino reddam
coram omni pópulo eius. R.

O Dómine, ego servus tuus,
ego servus tuus et filius ancillæ tuæ.
Dirupísti víncula mea:
tibi sacrificábo hóstiam laudis
et nomen Dómini invocábo. R.

Vota mea Dómino reddam
coram omni pópulo eius
in átriis domus Dómini
in médio tui, Ierúsalem. R.

ALLELUIA

Cf. Lc 2, 51

R. Allelúia. V. Beáti qui cum María áudiunt verbum Dei
et consérvant in corde suo. R. Allelúia.

EVANGELIUM

Beati qui audiunt verbum Dei.

+ Lécitio sancti Evangéllii secúndum Lucam

11, 27-28

In illo témpore:

Loquente Iesu ad turbas, extóllens vocem quædam múlier de turba dixit illi: « Beátus venter, qui te portávit, et úbera, quæ suxísti ». At ille dixit: « Quinímmo beáti, qui áudiunt verbum Dei et custódiunt ».

Verbum Dómini.

3. DE S. TERESIA A IESU, MATRE NOSTRA

Præter missam diei 15 octobris indicatam, quæ sequitur adhiberi potest.

LECTIO PRIOR

Invocavi, et venit in me spiritus sapientiæ.

Lectio libri Sapientiæ

7, 7-14

Optavi, et datus est mihi sensus;
et invocavi, et venit in me spiritus sapientiæ.
Præposui illam regnis et sedibus
et divitias nihil esse duxi in comparatione illius;
nec comparavi illi lapidem pretiosum,
quoniam omne aurum in comparatione illius arena est exigua,
et tamquam lutum aestimabitur argentum in conspectu illius.
Super salutem et speciem dilexi illam
et proposui pro luce habere illam,
quoniam inexstinguibile est lumen illius.
Venérunt autem mihi omnia bona pariter cum illa,
innumerabiles divitiæ in manibus illius,
et lætatus sum in omnibus, quoniam sapientiæ antecedit ista,
et ignorabam quoniam horum omnium mater est;
quam sine fictione didici et sine invidia communico;
divitias illius non abscondo.
Infinitus enim thesaurus est hominibus;
quem qui acquisierunt, ad amicitiam in Deum se paraverunt
propter disciplinæ dona commendati.

Verbum Domini.

PSALMUS RESPONSORIUS

Ps 18, 8. 9. 10. 11 (R.: Io 6, 64 b)

R. Verba tua, Domine, spiritus et vita sunt.

Lex Domini immaculata, reficiens animam,
testimonium Domini fidele, sapientiam præstans parvulis. **R.**

Iustitiæ Domini rectæ, lætificantes corda,
præceptum Domini lucidum, illuminans oculos. **R.**

Timor Domini mundus, permanens in sæculum sæculi,
iudicia Domini vera, iusta omnia simul. **R.**

Desiderabilia super aurum et lapidem pretiosum multum
et dulciora super mei et favum. **R.**

ALLELUIA

Io 14, 23

℞. Allelúia. √. Si quis diligit me, sermónem meum servábit, dicit Dóminus,
et Pater meus diliget eum, et ad eum veniémus. ℞. Allelúia.

EVANGELIUM

In domo Patris mei mansiones multæ sunt.

+ Lécio sancti Evangélii secúndum Ioánnem

Io 14, 1-11

In illo témpore:

Dixit Iesus discíplis suis: « Non turbétur cor vestrum. Créditis in Deum et in me crédite. In domo Patris mei mansiones multæ sunt; si quo minus, dixissem vobis quia vado paráre vobis locum? Et si abíero et præparávero vobis locum, íterum vénio et accípiam vos ad meípsum, ut, ubi sum ego, et vos sitis. Et quo ego vado, scitis viam ».

Dicit ei Thomas: « Dómine, nescímus quo vadis; quómodo póssumus viam scire? ». Dicit ei Iesus: « Ego sum via et véritas et vita; nemo venit ad Patrem nisi per me. Si cognovístis me, et Patrem meum útique cognoscétis; et ámodo cognóscitis eum et vidístis eum ». Dicit ei Philíppus: « Dómine, osténde nobis Patrem, et súfficit nobis ». Dicit ei Iesus: « Tanto témpore vobíscum sum, et non cognovísti me, Philíppe? Qui vidit me, vidit Patrem. Quómodo tu dicis: “ Osténde nobis Patrem ”? Non credis quia ego in Patre, et Pater in me est? Verba, quæ ego loquor vobis, a meípso non loquor; Pater autem in me manens facit ópera sua. Crédite mihi quia ego in Patre, et Pater in me est; alióquin propter ópera ipsa crédite ».

Verbum Dómini.

4. DE S. IOANNE A CRUCE, PATRE NOSTRO

Præter missam diei 14 decembris appositam, quæ sequitur adhiberi potest.

LECTIO PRIOR

Coimitatores mei estote.

Lectio Epistolæ beati Pauli apostoli ad Philippenses

3, 17-21; 4, 4-9

Coimitatores mei estote, fratres, et observate eos, qui ita ambulant, sicut habetis formam nos. Multi enim ambulant, quos sæpe dicebam vobis, nunc autem et flens dico, inimicos crucis Christi, quorum finis interitus, quorum deus venter et gloria in confusione ipsorum, qui terrena sapiunt. Noster enim municipatus in caelis est, unde etiam salvatorem expectamus Dominum Iesum Christum, qui transfigurabit corpus humilitatis nostræ, ut illud conforme faciat corpori gloriæ suæ secundum operationem, qua possit etiam subicere sibi omnia.

Gaudete in Domino semper. Iterum dico: Gaudete! Modestia vestra nota sit omnibus hominibus. Dominus prope. Nihil solliciti sitis, sed in omnibus oratione et obsecratione cum gratiarum actione petitiones vestræ innotescant apud Deum. Et pax Dei, quæ exsuperat omnem sensum, custodiet corda vestra et intellegentias vestras in Christo Iesu.

De cetero, fratres, quaecumque sunt vera, quaecumque pudica, quaecumque iusta, quaecumque casta, quaecumque amabilia, quaecumque bonæ famæ, si qua virtus et si qua laus, hæc cogitate; quæ et didicistis et accepistis et audistis et vidistis in me, hæc agite; et Deus pacis erit vobiscum.

Verbum Domini

PSALMUS RESPONSORIUS

Ps 21, 24. 25. 26-27. 30b-31a (R.: 23)

R. Narrabo nomen tuum fratribus meis, in medio ecclesiæ laudabo te.

Qui timetis Dominum, laudate eum;
universum semen Iacob, glorificate eum.
Métuat eum omne semen Israel. **R.**

Quoniam non sprexit neque despexit afflictionem pauperis,
nec avertit faciem suam ab eo
et, cum clamaret ad eum, exaudivit. **R.**

Apud te laus mea in ecclesia magna;
vota mea reddam in conspectu timentium eum.
Edent pauperes et saturabuntur,
et laudabunt Dominum, qui requirunt eum:
« Vivant corda eorum in sæculum sæculi! ». **R.**

Anima mea illi vivet,
et semen meum serviet ipsi. **R.**

ALLELUIA

Cf. Heb 1, 2; Mt 17, 5

℞. Allelúia. ℣. Pater in Fílio locútus est;
ípsum audíte. ℞. Allelúia.

EVANGELIUM

Manete in dilectione mea.

+ Lécio sancti Evangélii secúndum Ioánnem

15, 9-12

In illo témpore:

Dixit Iesus discíplis suis: « Sicut diléxit me Pater, et et ego diléxi vos; manéte in dilectióne mea. Si præcépta mea servavéritis, manébitis in dilectióne mea, sicut ego Patris mei præcépta servávi et máneo in eius dilectióne. Hæc locútus sum vobis, ut gáudium meum in vobis sit, et gáudium vestrum impleátur.

Hoc est præcéptum meum, ut diligátiis ínvicem, sicut diléxi vos ».

Verbum Dómini.

5. DE S. TERESA A IESU INFANTE

Præter missam diei 1 octobris appositam, quæ sequitur adhiberi potest.

LECTIO PRIOR

Ecce ego dirigam ad eam quasi fluvium pacem.

Lectio libri Isaías prophætæ

66, 10-14c

Lætâmini cum Ierúsalem et exultâte in ea,
omnes, qui diligitis eam;
gaudete cum ea gâudio,
univêrsi, qui lugebâtis super eam,
ut sugâtis et repleâmini
ab úbere consolatiónis eius,
ut mulgeâtis et delíciis affluâtis
ex ubéribus glóriæ eius.
Quia hæc dicit Dóminus:
« Ecce ego dírigam ad eam quasi flúvium pacem
et quasi torrénstem inundântem glóriam géntium.
Sugétis, in ulnis portabímini,
et super génua blandiéntur vobis.
Quómodo si quem mater consolâtur,
ita ego consolâbor vos;
et in Ierúsalem consolabímini.
Vidébitis, et gaubébit cor vestrum,
et ossa vestra quasi herba germinábunt,
et cognoscétur manus Dómini servis eius ».

Verbum Dómini.

PSALMUS RESPONSORIUS

Ps 130, 1. 2. 3

℞. Custódi ánimam meam in pace apud te, Dómine.

Dómine, non est exaltátum cor meum,
neque eláti sunt óculi mei,
neque ambulávi in magnis
neque in mirabílibus super me. **℞.**

Vere pacátam et quiétam
feci ánimam meam;
sicut ablactátus in sinu matris suæ,
sicut ablactátus, ita in me est ánima mea. **℞.**

Speret Isrâel in Dómino
ex hoc nunc et usque in sâeculum. **℞.**

℞. Allelúia. ℣. Benedíctus es, Pater, Dómine cæli et terræ,
quia mystéria regni párvulis revelásti. ℞. Allelúia.

EVANGELIUM

Nisi efficiamini sicut parvuli, non intrabitis in regnum cælorum.

+ Lécio sancti Evangélii secúndum Matthæum

18, 1-4

In illa hora accessérunt discípuli ad Iesum dicéntes: « Quis putas maior est in regno cælórum? » Et ádvocans párvulum, státuit eum in médio eórum et dixit: « Amen dico vobis: Nisi convérsi fuéritis et efficiámini sicut párvuli, non intrábitis in regnum cælórum. Quicúmque ergo humiliáverit se sicut párvulus iste, hic est maior in Regno cælórum. ».

Verbum Dómini.

MISSA DEFUNCTORUM

MISSA PRO DEFUNCTIS O. N.

LECTIO PRIMA

Quasi holocausti hostiam accepit illos.

Lectio libri Sapiéntiæ

3, 1-6, 9

Iustórum ánimæ in manu Dei sunt,
et non tanget illos torméntum mortis.
Visi sunt óculis insipiéntium mori,
et æstimáta est afflíctio éxitus illórum
et, quod a nobis est iter, extermínium;
illi autem sunt in pace.
Etenim, si coram homínibus torménta passi sunt,
spes illórum immortalitáte plena est;
et in paucis corrépti, in multis bene disponéntur,
quóniam Deus tentávit eos
et invénit illos dignos se.
Tamquam aurum in fornáce probávit illos
et quasi holocáusti hóstiam accépit illos.
Qui confidunt in illo, intéllegent veritátem,
et fidéles in dilectióne acquiéscent illi,
quóniam donum et misericórdia est sanctis eius,
et visitatio eléctis eius.

Verbum Dómini.

LECTIO PRIMA TEMPORIS PASCHALI

Beati mortui qui in Domino moriuntur.

Lectio libri Apocalýpsis beáti Ioánnis apóstoli

14, 13

Ego, Ioánnes, audívi vocem de cælo dicéntem: « Scribe: Beáti mórtui, qui in Dómino moriúntur ámodo.
Etiam, dicit Spíritus, ut requiéscent a labóribus suis; ópera enim illórum sequúntur illos ».

Verbum Dómini.

R. Ambulábo coram Dómino in regióne vivórum.

Circumdedérunt me funes mortis,
et angustiae inférni invenérunt me.
Tribulatiónem et dolórem invéni
et nomen Dómini invocábam:
« O Dómine, libera ánimam meam ». R.

Miséricors Dóminus et iustus,
et Deus noster miserétur.
Custódiens párvulos Dóminus;
humiliátus sum, et salvum me fáciat. R.

Pretiósá in conspéctu Dómini
mors sanctórum eius.
O Dómine, ego servus tuus,
ego servus tuus et filius ancillae tuae.
Dirupísti víncula mea. R.

LECTIO SECUNDA

Sive vivimus, sive morimur, Domini sumus.

Léctio Epístolæ beáti Pauli apóstoli ad Romános

14, 7-9. 10c-12

Fratres:

Nemo nostrum sibi vivit et nemo sibi móritur; sive enim vívimus, Dòmino vívimus, sive mórimur, Dómino mórimur. Sive ergo vívimus, sive mórimur, Dómini sumus. In hoc enim Christus et mórtuus est et vixit, ut et mortuórum et vivórum dominétur.

Omnes stábumus ante tribúnal Dei; scriptum est enim:

« Vivo ego, dicit Dóminus,
mihi flectétur omne genu,
et omnis lingua confitébitur Deo ».

Itaque unusquisque nostrum per se ratiónem reddet Deo.

Verbum Dómini.

ALLELUIA ET VERSIS ANTE EVANGELIUM

Io 6, 40

V. Hæc est volúntas Patris mei,
ut omnis qui credit in Filium hábeat vitam ætéram,
et ego resuscitábo eum in novíssimo die, dicit Dóminus.

EVANGELIUM

In domo Patris mei mansiones multæ sunt.

+ Lécitio sancti Evangélii secúndum Ioánnem

Io 14, 1-6

In illo témpore:

Dixit Iesus discíplis suis: « Non turbétur cor vestrum. Créditis in Deum et in me crédite. In domo Patris mei mansiónes multæ sunt; si quo minus, dixíssem vobis quia vado paráre vobis locum? Et si abiero et præparávero vobis locum, íterum vénio et accípiam vos ad meípsum, ut, ubi sum ego, et vos sitis. Et quo ego vado, scitis viam ».

Dicit ei Thomas: « Dómine, nescímus quo vadis; quómodo póssumus viam scire? ». Dicit ei Iesus: « Ego sum via et véritas et vita; nemo venit ad Patrem nisi per me ».

Verbum Dómini.

**SPECIMINA FORMULARUM
PRO ORATIONE UNIVERSALI**

1. IN SOLLEMNITATE BEATÆ VIRGINIS MARIÆ MONTIS CARMELI

Admonitio sacerdotis

Fratres carissimi, in sollemnitate Mariæ Sanctissimæ, Matris Carmeli, Deum Patrem nostrum invocemus ut, Dómina Nostra pro nobis deprecante, grátias copiosas in omnes hómines effúndat.

R. Exáudi nos, Dómine.

Intentiones

1. Pro Sancta Ecclesiá Dei, quæ in Maria Matrem et exéplum suum contemplátur, ut ab Illa Verbum divínium audire et homínibus adnuntiáre discat, orémus.
2. Pro iis qui Mariám Matrem et Patrónam invocant, ut refúgium in rebus advérsis et vitæ Christiánæ incitamentum in Illa invéniant, orémus.
3. Pro Ordine Carmelitárum Discalceatórum, ut in hodiérno die festo pénitus perdiscat sensum vocatiónis suæ, quæ in testimonio oratiónis et vitæ sanctitate innítitur, orémus.
4. Pro ómnibus iis qui scapulário utúntur signo consecratiónis et spei, ut præcipiántur Dóminæ Nostræ virtútes imitari et opéribus suis verum testimonium evangélicum præbeant, orémus.

Oratio sacerdotis

Dómine, exáudi oratiónem Ecclesiæ tuæ atque, Beáta Vírgine Mariá, Matre Montis Carméli deprecante, ómnia quæ rogávimus nobis concéde. Per Christum Dóminum nostrum.

2. IN CELEBRATIONIBUS BEATÆ VIRGINIS MARIÆ

Admonitio sacerdotis

Orémus Deum, Patrem misericórdem, qui providéntia sua Mariám Matrem sollicitam nobis donávit.

R. Exáudi nos, Dómine.

Intentiones

1. Pro Ecclesiá, ut, Mariæ exéplum imitádo, óperam dare sciat ómnibus filiis in mundo dispérsis, eos ad fidem generádo et in unitátem colligédo, orémus.
2. Pro ómnibus coniúgibus Christiánis, ut eórum coniúgium præclárum testimonium sit amóris oblatívi, ad quem sacraméntum nuptiále eos impéllere valet, orémus.
3. Pro animábus consecrátis, ut, Mariæ exéplum intuéntes, ómnibus præbere possint testimonium humanitátis magnánimæ et lætæ, orémus.
4. Pro nobis, qui huc una convénimus, ut a Mariá nos humíliter Salvatóris Verbo committere instituámur, orémus.

Oratio sacerdotis

Súscipe, Pater, obsecratiónes filiórum tuórum qui tibi confidunt, atque, Mariá Matre nostra pro nobis rogánte, duc et rege peregrinatiónem nostram. Per Christum Dóminum nostrum.

3. IN CELEBRATIONIBUS SANCTÆ TERESIÆ A IESU

Admonitio sacerdotis

Cum Deo, misericórdi Patri, grátias agámus, qui Terésiam magístram oratiónis et ardéntem filiam Ecclésiæ nobis donávit, fidénter orémus.

R. Exáudi nos, Dómine.

Intentiones

1. Pro Pontífice nostro **N.**, Epíscopo nostro et omnibus pastóribus Ecclésiæ, ut, in fide confirmáti, pópulum Christiánum dúcere possint in itínere quod mandáta divina índicant, orémus.
2. Pro Ordine Carmelitárum, ut, exémplo sanctæ Matris Teresiæ bene animátus, secúndum Evangélium in vita fratérna vivat, perseverans in oratióne et sollícitus in Ecclésiæ serviéndo, orémus.
3. Pro moniálibus Ordinis Carmelitárum Discalceatórum, ut, unum exémpplar Teresiánum fidéliter servátes, in Ecclésia et in Ordine cor unum et ánima una sint, orémus.
4. Pro nobis qui divínis mystériis intérsumus ut, Verbum servátes quod audívimus, servi et testes fidéles Regni Dei fiámus, orémus.

Oratio sacerdotis

Miséricors Pater, numquam désinis omnes ad communióem Tecum vocáre; fac, quaésumus, ut semper in conspéctu Tuo vivámus. Per Christum Dóminum nostrum.

4. IN CELEBRATIONIBUS SANCTI IOANNIS A CRUCE

Admonitio sacerdotis

Fratres caríssimi, orémus fidénter Deum qui nobis ómnia revelávit et Fílium suum Verbum donávit.

R. Exáudi nos, Dómine

Intentiones

1. Pro Ecclésia Dei, ut in mundo benignitátis et misericórdiæ Christi testimónium præbeat, orémus.
2. Pro iis qui lumen fidei non habent, pro iis qui Deum quæerunt, ut Dóminus, qui cuiúsvís doni fons est, eos lúmine suo misericórdi attingat et servet, orémus.
3. Pro Familia Carmelitárum, ut exémplo et intercessióne Sancti Ioánnis a Cruce confirmétur in persecúnda vocatióne sua ad communióem cum Deo et ad benévola contemplatióem eius vultus, orémus.
4. Pro nobis qui hic ádsumus, ut Dóminus nobis præstet gáudium cordis húmilis, admiratióem cordis puri, gratam memóriam páuperum et humílium, orémus.

Oratio sacerdotis

Deus virtútum, Pater noster, qui nobis dedísti Sanctum Ioánnem a Cruce discipulum amántem Christi, auge nobis desidérium Tui et éffice ut in Te uno pacem inveniámus. Per Christum Dóminum nostrum.

5. IN CELEBRATIONIBUS SANCTÆ TERESIÆ A IESU INFANTE

Admonitio sacerdotis

Orémus Deum, fontem sapiéntiæ, qui humílibus et párvulis mystéria sua revélat.

℞. Dona nobis, Pater, sapiéntiam cordis.

Intentiones

1. Pro Sancta Ecclésia, ut, donum salútis humíliter et fidénter accipiéndó, grátia et remissiónis instruméntum magis magisque fiat, orémus.
2. Pro pópulis qui bello et calamitátibus laniántur, ut omnis homo credat pacem a conversióne cordis incípere, ut a nímio amóre sui ad fraternitátem atque a vi ad reveréntiam hóminis tránseat, orémus.
3. Pro párvulis et maxime egénis, ut subsidium et fervor auxiliíi gratuítii unicuíque præbeátur, orémus.
4. Pro iis qui Evangélium propágant, ut ipsórum fervor apostólicus amore flagret atque oratióibus et sacrificiis ómnium Christifidélium sustineátur, orémus.
5. Pro nobis qui huc una convénimus, ut, cum fidénter vivámus et dilectióne filiáli nos committámus Amóri tuo misericórdi, semper fidéles et ánimo grato simus, tam in témpore tentatiónis quam in hora lætítiæ, orémus.

Oratio sacerdotis

Miséricors Pater, infirmitáti nostræ opituláre, quaésumus, et, sancta Terésia a Iesu Infánte pro nobis intercedénte, deprecatiónes nostras exáudi. Per Christum Dóminum nostrum.

6. IN CELEBRATIONIBUS SANCTORUM ET BEATORUM ORDINIS CARMELITARUM

I

Admonitio sacerdotis

Fratres carissimi, in die festo **NN.** invocemus Patrem, fontem omnis sanctitatis, ut Ecclesiam donis suis impleat.

R. Exaudi nos, Dómine.

Intentiones

1. Pro pópulo Dei, ut, vocatióem baptísmatis sui fideliter servándo et se dócilem Spíritus Sancti mótibús præbéndo, crescat in sanctitáte, orémus.
2. Pro ómnibus iis qui persecutiónes et tribulatiónes propter Evangélium patiúntur, ut Spíritus consolatiónis et fortitúdinis soláciúm et auxiliúm iis præbeat, orémus.
3. Pro púeris puellisqúe et ómnibus adulescéntibus, ut veritátem puro liberóque corde quærant, labóres et incómmoda perferéndo, ut artam viam Evangélii sequántur, orémus.
4. Pro Famíliá nostra religiósa, ut in Ecclesiá semper testimónium præbeat vocatiónis suæ ad adorándum et laudándum Deum vivéntem, orémus.

Oratio sacerdotis

Réspice benigne, Pater, hanc Famíliam tuam et quícquid fidénter a Te quærit, ei dona. Per Christum Dóminum nostrum.

II

Admonitio sacerdotis

Deum, Patrem nostrum, invocemus, ut exémplo et intercessióne **NN.** concédát nobis ut vivámus oboediéntes vocatióni Baptísmatis nostri.

R. Exaudi nos, Dómine.

Intentiones

1. Pro Ecclesiá, in qua filii Dei sumus, ut Deum toto orbe terrárum gloríficet et fúlgeat propter claritátem testimónii sui,, orémus.
2. Pro toto orbe terrárum, ut avertátur flagéllum siccitátis, famis, violéntiæ et belli, ita ut nova ætas prosperitátis et pacis instaurétur, orémus.
3. Pro ómnibus Christiánis, præsértim pro consecrátis, ut vocatióem suam sanctíssime vivant et mundo præbeant testimónium veræ et plenæ oboediéntiæ mandáto amóris, orémus.
4. Pro nobis, ut pæniténtia adimpleámus ea quæ in carne nostra desunt passiónum Christi, ita ut partícipes simus cum Christo Resurrectiónis glóriæ, orémus.

Oratio sacerdotis

Fac, Dómine, ut in Famíliá tua refúlgeat lux Vultus tui, ut toto corde Legi tuæ adhæréscat et efficere possit omne bonum quod Tu ei súbicis. Per Christum, Dóminum nostrum.

7. IN CELEBRATIONIBUS PRO DEFUNCTIS

I

Admonitio sacerdotis

Fratres caríssimi, orémus Deum, Patrem Omnipoténtem, qui Iesum Christum Fílium suum a mórtuis suscitávit, atque pacem et salútem implorémus pro vivis et defúntis.

℞. Exáudi nos, Dómine.

Intentiones

1. Pro pópulo Dei, ut, resurrectione Christi illuminátus, ánimo fidéli et fidúciæ pleno advérsus eius lucem procedat, orémus.
2. Pro ómnibus fidélibus, ut eórum fides peccátum et mortem vincat, eórum sédula spes eos ad coelum addúcat, eórum caritas eos immútet in Christum mórtuum et a mórtuis suscitátum, orémus.
3. Pro defúntis Ordinis nostri, ut Deus eos admíttat ad contemplándum splendórem Vultus sancti Sui, orémus.
4. Pro nobis, fide et oratióne coniúntis, ut Deus Regnum lucis et amóris suum nobis osténdat, orémus.
5. Ut frater noster N. (soror nostra N.), vocátus (vocáta) ad serviéndum Dómino in familia Montis Carméli, adsídeat nunc aetérno convívio, orémus.

Oratio sacerdotis

Dómine, fac ut propter oratióem nostram animæ fratrum defunctorum glóriæ tuæ partícipes sint. Per Christum Dóminum nostrum.

II

Admonitio sacerdotis

Fratres caríssimi, orémus Deum, Patrem Omnipoténtem, qui Iesum Christum Fílium suum a mórtuis suscitávit, atque pacem et salútem implorémus pro vivis et defúntis.

℞. Exáudi nos, Dómine.

Intentiones

1. Ut Dóminus miséricors pópulum Christiánum in fide et in Ecclésiæ unitate confirmet, orémus.
2. Ut Dóminus Iesus súscitet in novíssimo die fratres et soróres defúntos qui in baptísmate vitæ aetérnæ germen accepérunt, orémus.
3. Ut Dóminus, qui vitæ et morti præest, concédatur animábus propinquórum nostrórum et ómnium qui nobis bene fecérunt praémium labórum, orémus.
4. Ut Deus, ómnium consolatiónum áuctor, solácium et auxílium præstet frátribus qui dolore afficiúntur, orémus.
5. Ut Deus omnípotens et miséricors in Regnum lucis pacisque suum nos omnes accípiat qui hic ádsumus, orémus.

Oratio sacerdotis

Exáudi, Pater benígne, preces quas pro frátribus et soróribus nostris defúntis Tibi adhibémus, et ómnibus misericórdiam tuam dona. Per Christum Dóminum nostrum.

INDICES

INDEX ALPHABETICUS CELEBRATIONUM

Albertus a Drepano, presbyter, <i>7 augusti</i>	67
Albertus Hierosolymitanus, episcopus et legislator O. N., <i>17 septembris</i>	82
Albertus Magnus, episcopus et Eccl. doctor, <i>13 novembris</i>	99
Alphonsus Maria a S. Spiritu Mazurek, presbyter, et socii, martyres, <i>12 iunii</i>	38
Andrea Corsini, episcopus, <i>9 ianuarii</i>	9
Angelus Maria Prat Hostench, Luca a S. Iosepho Tristany Pujol, presb., et socii, mart., <i>4 maii</i>	25
Anna a Iesu Lobera Torres, virgo, <i>25 novembris</i>	106
Anna a S. Bartholomæo, virgo, <i>7 iunii</i>	36
Apollinaris, episcopus et martyr, <i>18 iulii</i>	55
Baptista Spagnoli, presbyter, <i>17 aprilis</i>	17
Beda Venerabilis, presbyter et Eccl. doctor, <i>24 maii</i>	31
Birgitta, religiosa, <i>19 iulii</i>	55
Caietanus, presbyter, <i>3 augusti</i>	66
Cyriacus Elia a S. Familia Chavara, presbyter, <i>4 ianuarii</i>	5
Damasus I, papa, <i>10 decembris</i>	110
Dionysius a Nativitate, presbyter, et Redemptus a Cruce, religiosus, martyres, <i>29 novembris</i>	108
Elia a S. Clemente Fracasso, virgo, <i>29 maii</i>	34
Elia pater noster, propheta, <i>20 iulii</i>	56
Elisabeth a S.ma Trinitate Catez, virgo, <i>8 novembris</i>	97
Elisæus, propheta, <i>14 iunii</i>	40
Francisca de Ambosia, religiosa, <i>5 novembris</i>	91
Franciscus a Iesu Maria Iosepho Palau y Quer, presbyter, <i>7 novembris</i>	95
Gregorius VII, papa, <i>24 maii</i>	31
Henricus de Ossó y Cervelló, presbyter, <i>27 ianuarii</i>	11
Henricus, <i>10 iulii</i>	46
Hildegardis Bingensis, virgo et Eccl. doctor, <i>18 septembris</i>	84
Hubertus a S. Claudio Gagnot, Leonardus Duverneuil, Michael Aloysius Brulard, presbyteres, et socii, martyres, <i>18 augusti</i>	71
Ioachima de Vedruna, religiosa, <i>22 maii</i>	29
Ioannes a Cruce pater noster, presbyter et Eccl. doctor, <i>14 decembris</i>	113
Ioannes Soreth, presbyter, <i>28 iulii</i>	64
Ioseph de Calasanç, presbyter, <i>23 augusti</i>	73
Iosepha Naval Girbés, virgo, <i>24 februarii</i>	15
Leonardus Duverneuil, Michael Aloysius Brulard, Hubertus a S. Claudio Gagnot, presbyteres, et socii, martyres, <i>18 augusti</i>	71
Luca a S. Iosepho Tristany Pujol, Angelus Maria Prat Hostench, presb., et socii, mart., <i>4 maii</i>	25
Ludovicus Martin et Maria Azelia Guérin, coniuges, <i>12 iulii</i>	47
Ludovicus, <i>23 augusti</i>	73
Maria a Columna a S. Francisco Borgia Martínez García, Maria a Sacratio a S. Aloysio Gonzaga Moragas Cantarero et sociæ, virgines et martyres, <i>24 iulii</i>	60
Maria a Columna a S. Francisco Borgia Martínez García, Teresia a Iesu Infante et S. Ioanne a Cruce García García et Maria ab Angelis a S. Iosepho Voltierra Tordesillas, virgines et martyres, <i>24 iulii</i>	118
Maria a Iesu Crucifixo Baouardy, virgo, <i>25 augusti</i>	74
Maria a Iesu López de Rivas, virgo, <i>11 septembris</i>	80
Maria a Sacratio a S. Aloysio Gonzaga Moragas Cantarero, Maria a Columna a S. Francisco Borgia Martínez García et sociæ, virgines et martyres, <i>24 iulii</i>	60
Maria a Sacratio a S. Aloysio Gonzaga Moragas Cantarero, virgo et martyr, <i>16 augusti</i>	119

Maria ab Angelis Fontanella, virgo, <i>16 decembris</i>	116
Maria ab Incarnatione Avrillot, religiosa, <i>18 aprilis</i>	19
Maria ab Angelis a S. Iosepho Voltierra Tordesillas, Maria a Columna a S. Francisco Borgia Martínez García et Teresia a Iesu Infante et S. Ioanne a Cruce García García virgines et martyres, <i>24 iulii</i>	118
Maria Azelia Guérin et Ludovicus Martin, coniuges, <i>12 iulii</i>	47
Maria Candida ab Eucharistia Barba, virgo, <i>14 iunii</i>	42
Maria Eugenius a Iesu Infante Grialou, presbyter, <i>4 februarii</i>	13
Maria Felicitas a Iesu Sacramentato Guggiari Echeverría, virgo, <i>28 aprilis</i>	23
Maria Iosephina a Iesu Crucifixo Catanea, virgo, <i>26 iunii</i>	44
Maria Magdalena a Verbo Incarnato de' Pazzi, virgo, <i>25 maii</i>	32
Maria Mirabilia a Iesu Pidal y Chico de Guzmán, virgo, <i>11 decembris</i>	111
Maria Teresia a S. Iosepho Tauscher, virgo, <i>30 octobris</i>	89
Maria Virgo de Monte Carmelo, patrona et titularis O. N., <i>16 iulii</i>	51
Maria Virgo, Mater Divinæ Gratiae, <i>23 iulii</i>	58
Michael Aloysius Brulard, Leonardus Duverneuil, Hubertus a S. Claudio Gagnot, presbyteres, et socii, martyres, <i>18 augusti</i>	71
Nonius a S. Maria Alvares Pereira, religiosa, <i>6 novembris</i>	93
Omnes defuncti O. N., <i>15 novembris</i>	102
Omnes Sancti O. N., <i>14 novembris</i>	100
Petrus Thomas, episcopus, <i>8 ianuarii</i>	7
Raphael a S. Iosepho Kalinowski, presbyter, <i>19 novembris</i>	104
Redemptus a Cruce, religiosus, et Dionysius a Nativitate, presbyter, martyres, <i>29 novembris</i>	108
Robertus Bellarmino, episcopus et Eccl. doctor, <i>18 septembris</i>	84
Simon Stock, presbyter, <i>16 maii</i>	27
Teresia a Iesu Fernández Solar, virgo, <i>13 iulii</i>	49
Teresia a Iesu Infante et S. Ioanne a Cruce García García, Maria a Columna a S. Francisco Borgia Martínez García et Maria ab Angelis a S. Iosepho Voltierra Tordesillas, virgines et martyres, <i>24 iulii</i>	118
Teresia a Iesu Infante, virgo et Eccl. doctor, <i>1 octobris</i>	85
Teresia a Iesu matrer nostra, virgo et Eccl. doctor, <i>15 octobris</i>	87
Teresia a Iesu: in transverberatione cordis, <i>26 augusti</i>	76
Teresia a S. Augustino Lindoine et sociæ, virgines et martyres, <i>17 iulii</i>	53
Teresia Benedicta a Cruce Stein, virgo et martyr, <i>9 augusti</i>	69
Teresia Margarita a S. Corde Iesu Redi, virgo, <i>1 septembris</i>	78
Teresia Maria a Cruce Manetti, virgo, <i>23 aprilis</i>	21
Titus Brandsma, presbyter et martyr, <i>27 iulii</i>	62
Xystus II, papa, et socii, martyres, <i>3 augusti</i>	66

INDEX GENERALIS

DECRETA

Dicasterium Pro Cultu Divino Et Disciplina Sacramentorum	2
Definitorium Generalis O.C.D.	2

PRÆNOTANDA	3
------------------	---

CALENDARIUM.....	4
------------------	---

PROPRIUM DE SANCTIS ET BEATIS

Ianuarus	10
Februarius	18
Aprilis	22
Maius	30
Iunius	41
Iulius	51
Augustus	71
September	83
October	90
November	96
December	115
Appendix	123

MISSÆ VOTIVÆ

1. De Iesu Infante	126
2. De Beata Maria a Monte Carmelo	131
3. De S. Teresia a Iesu, Matre Nostra	134
4. De S. Ioanne a Cruce, Patre Nostro	136
5. De S. Teresa a Iesu Infante	138

MISSA DEFUNCTORUM

Missa pro defunctis O. N.	141
--------------------------------	-----

SPECIMINA FORMULARUM PRO ORATIONE UNIVERSALI	144
--	-----

INDICES

Index alphabeticus celebrationum	150
Index generalis	152